

37

T2513/4301.49

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						

通鑑本末紀要卷之六十八

哈佛大學漢和  
圖書館珍藏印

錦川蔡毓榮仁菴甫編輯 華亭林子卿安國氏註

金人入汴

癸卯 徽宗宣和五年。金太宗完顏晟天會元年。先是金人以燕地與宋

見燕雲之役。燕今直隸順天府。遼為燕京。今直隸。驅遼降相左企弓等。降戶江切。後同相去聲。

同燕京大家富民俱東徙。燕民流離道路不勝其苦。勝平。

聲。過平州。今直隸永平府。時金以為南京。言於金留守張穀曰。穀平州人。故遼

節度使。金加平章事。留守南京。○穀珏同訖。岳切。左企弓不謀守燕。使吾民流

離至此。今公臨巨鎮。握疆兵。盡忠於遼。必能使我復歸

鄉土。人心亦唯公是望。穀遂召諸將議。將去聲。後降將將士將帥等俱。

同皆曰聞天祚兵勢復振遼天祚帝邪律延禧公若仗義勤王奉

迎以圖興復先誅左企弓等叛降之罪盡歸燕民使復

其業而以平州歸宋後日金人加兵內用平州之軍外

得宋朝之援又何懼焉朝音潮後朝議朝論入朝等俱同六月毅乃召

左企弓等數以叛逆及助金人為虐數上聲使燕人失業

又教金人發兵先下平州等十罪企弓等無以對皆縊

殺之毅稱遼官秩年號牘諭燕人復業燕民大悅遣李

弼偕故三司使高黨至燕山說知燕山府王安中曰宋改

遼燕京為燕山府安中字履道中山曲陽人今直隸真定府曲陽縣○說音稅平州形勝之地

張毅總練之才足以禦金人安燕境安中以聞太傅王

黼勸帝納之太傅時宰相兼銜黼字將明開封祥符人今河南開封府祥符縣學士趙

良嗣諫曰學士三品良嗣燕人國家新與金盟如此必失其歡後

不可悔不聽詔安中厚加安撫與免三年常賦

十一月金幹離不襲平州幹離不金太祖阿骨打子○幹烏括切離音離張毅奔

燕山幹離不遣人以納叛來責王安中諱之金人索之

益急朝廷初不欲發遣安中取貌類毅者斬首與之金

曰非毅也遂欲以兵攻燕安中以聞朝廷不得已令安

中縊毅殺之函其首并毅二子與之於是燕降將及常

勝軍士皆泣下郭藥師曰藥師遼常勝軍帥守涿州宣和四年來降以為恩州觀察

使渤海鐵州人今遼東鐵嶺衛金人欲毅即與若求藥師亦與之乎安

中懼力求罷自是降將卒皆解體而金人用是興師矣

乙巳七年金天會三年九月有狐升御榻而坐自帝即位災變不

宮中有物大如席夜見寢殿上而神宗崩元符末又見哲宗崩至帝大觀間漸晝見政和以後大作每出若列屋摧倒之聲其形僅丈餘彷彿如龜金睛行動蹙蹙有聲黑氣蒙之不大不了氣之所及腥血四灑兵刃皆不能施又或變人形亦或為驢後習以為常時謂之黑告又洛陽府畿內有物如人或蹲踞如犬其色正黑不辨眉目夜掠小兒食之後即白晝為患所至誼然不安謂之黑漢有力者夜持槍自衛亦有託以作過者宣和元年五月有龍見於京師軍器作坊兵士取而食之大雨七日京城外水高十餘丈起居郎李綱上言百五十餘年未有之變乞采直言以答天戒坐貶六年正月帝御樓觀燈忽有人躍出墨色布衣若僧道行童狀大肆指斥帝怒命箠掠炮烙之畧不語亦無痛楚狀竟不知何人又都城女子生鬚男子誕子閏三月地震陝西尤甚蘭州地及諸山草木悉沒入地而山下麥苗皆在山上是年又有都城東門外賣菜夫至宣德門下忽若迷罔

釋荷擔向門戟手而詈云太祖皇帝神宗皇帝使我來道尚宜速改也邏卒捕下開封獄歿

初金幹離不遣人索叛亡戶口朝議勿遣且聞童貫郭藥

師治兵燕山幹離不遂請於金主先舉伐宋金主以為

然未敢輕發及使者往返既數使去聲後凡使事俱同數音朔道路險

易去聲朝政治否府庫虛實漸為所窺及既獲遼主是年正月

決意南侵十月以諳班勃極烈斜也領都元帥諸班尊大也勃

極烈官名居燕京粘沒喝為左副元帥粘沒喝金太祖

斜也人名谷神為右監軍邪律余覲為右都監余覲遼宗室自雲

中趨太原雲中今山西大同府撻懶為六部路都統撻

宗室閣母為南京路都統閣母阿骨打弟劉彥宗為漢

通鑑本末紀要 卷六十一 金人入汴  
軍都統。彥宗字魯開大興宛平人今順天府宛平縣 幹離不監閣母彥宗軍

自平州入燕山。監平聲

十一月召种師道為兩河制置使。師道字彛叔河南洛陽人今河南南府洛陽

縣○使去聲後 時師道致仕居南山豹林谷。在陝西西安府終南

凡使職俱同 山金人南下趣召之師道聞命即東過姚平仲。熙河經畧使姚

古之子五原人今陝西延安府神木縣有五原城 有步騎四千與之俱赴汴

先是金人遣使來許割雲中諸州帝信之遣童貫往受地

至太原聞粘沒喝自雲中南下貫乃使馬擴辛興宗往

使諭以交割蔚應州及飛狐靈丘縣。俱在大同府 擴至軍前

粘沒喝嚴兵以待趣擴等庭參如見金主之禮。趣音促 既

畢首議山後事粘沒喝笑曰爾尚欲此邪。音那 山前山後

皆我地尚復何論汝家亟別削數城來可贖罪也汝即

去我自遣人如宣撫司矣擴還具言今宜速作備禦貫

不從十二月金遣王介儒撒離拇持書至太原責以渝

盟納叛等事辭語甚倨貫問之曰如此大事何不素告

我撒離拇曰兵已興何告為定遠割河東河北以大河

為界用存宋朝宗社乃報國也貫聞之驚懣不知所為

即與所屬以赴闕稟議為名欲還京師知太原府張孝

純止之曰金人渝盟大王當會諸路將士極力枝梧今

大王去人心必搖是以河東與金也。是年貫以復燕雲功封廣陽郡王河

東謂太原府。河東既失，河北豈可保邪？音願少留，共圖報國。

兼太原地險城堅，人亦習戰，未必金便能克也。貫怒叱

之曰：貫受命宣撫，非守土也。必欲留貫，置帥臣何為？遂

逃歸。孝純歎曰：平生童太師，作幾許威望，及臨事乃蓄

縮畏懼，奉頭鼠竄。奉音捧，義同。何面目復見天子乎？粘沒喝

引兵降朔州，克代州。朔州今屬大同府，代州今屬太原府。都巡檢使李翼

麟州新秦人，今延安府神木縣。力戰被執，罵賊歿之。粘沒喝遂進圍太

原。孝純悉力固守。後孝純被執，金人釋而用之。宋史以是不立傳。

金幹離不入檀薊州。檀今密雲縣，與薊州今俱屬順天府。郭藥師迎戰於白

河。在密雲縣。敗績，遂還燕山。執知府蔡靖及都運使呂頤浩

降金。頤浩字元直，齊州人，今山東濟南府。金盡取燕山州縣。時郭藥師購

奇巧之物，以奉權貴宦侍。譽言日聞，遂專制一路，增募

兵至三十萬，而不改契丹服飾。朝論頗以為疑。進拜太

尉。時以太尉冠武階。召之入朝。藥師辭不至。帝命童貫行邊，陰

察其去就。貫至，藥師迎拜帳下。貫避之曰：汝今為太尉，

與我等耳。此禮何為？藥師曰：太師父也。藥師唯拜我父

焉。知其他。焉於虔切。貫喜，遂徼貫視師。徼邀同。至於坰野，畧無

人迹。藥師下馬當貫前，掉旗一麾。俄頃，四山鐵騎耀日，

莫知其數。貫眾皆驚，歸為帝言。藥師必能抗虜，蔡攸力

主之，以為可倚。故內地不復防制，屢有告變，及得其通

金國書皆不省。同知燕山府詹度亦言藥師瞻視非常。趨向懷異。始詔遣官究實。而金兵已南下。藥師果叛。幹

離不既得藥師。益知宋虛實。因以為嚮導。懸軍深入矣。

太常少卿傅察為金賀正使。太常少卿從五品。察字公晦。孟州濟源人。今河南懷慶府

濟源縣。至太原。遇幹離不兵脅之。使拜且降。不從。左右捍

之。伏地。愈植立。論辯不屈。幹離不怒。察知不免。謂其下

曰。我死必矣。我父母老。且鍾愛我。聞之。必大戚。幸以義

不辱國。告我親。知我死國。少解其悲。遂死之。察堯俞從

孫也。十八登進士。蔡京嘗欲妻以女。京見前。蔡京擅國。○妻去聲。拒

弗荅。平居恂恂。及倉猝殉義。聞者莫不壯之。後謚忠肅。

帝以金人南下。罷諸路花石綱。及內外製造局。悉以禁旅

付內侍威武節度使梁方平守黎陽。在直隸大名府濬縣。步軍都

虞候何灌。字仲源。開封祥符人。謂太宰白時中曰。時中字蒙亨。壽

陽府壽州。金人傾國遠至。其鋒不可當。今方平埽精兵。以北

在京。皆疲弱也。萬一方平不枝梧。何以善吾後。盍留以

衛根本。不從。

以皇太子為開封牧。時帝以金師日迫為憂。議避兵之計。

少師蔡攸。揆知帝意。欲內禪。引給事吳敏入對。給事中。正四品。

敏字元中。真州人。今江南揚州府儀真縣。宰執皆在。敏前奏事。因曰。金人渝

已定命李悅先出守金陵悅音拙敏退詣都堂言曰朝廷

便為棄京師計何理也此命果行須死不奉詔宰執以

為言悅遂罷行

初宇文虛中為童貫參議官虛中字叔通成都華陽人今四川成都府華陽縣虛

中以廟謨失策主帥非人將有納侮自焚之禍上書言

之王黼大怒不報及金人南下貫與虛中還朝帝以虛

中為保和殿大學士正三品至是金兵日逼帝甚憂懼謂

虛中曰王黼不用卿言今金人兩路竝進事勢若此柰

何虛中對曰今日宜先降詔罪己更革弊端更平聲俾人

心悅天意回則備禦之事將帥可以任之帝即命虛中

草詔罪己徵天下勤王之師許臣庶直言切諫罷道官

及行幸諸局帝覽之曰今日不吝改過可便施行

召熙河經畧使姚古秦鳳經畧使种師中將兵入援古五原人

師中字端孺洛陽人

以吳敏為門下侍郎時東幸之意益決太常少卿李綱謂

敏曰綱字伯紀邵武人今福建邵武府建牧之議豈非欲委太子以留

守之任乎今敵勢猖獗非傳太子以位號不足以招徠

天下豪傑敏曰監國可乎監平聲綱曰肅宗靈武之事不

建號不足以復邦而建號之議不出於明皇後世惜之

上聰明仁恕公曷不為上言為去聲翌日敏入對具以綱



言白帝。帝卽召綱入議。綱刺臂血上疏。請假皇太子位號。使爲陛下守宗社。收將士心。以殄扞敵。天下可係。帝意決。明日傳位皇太子。太子卽位。尊帝爲太上皇帝。居龍德宮。

以李綱爲兵部侍郎。綱上書言。方今中國勢弱。君子道消。法度紀綱蕩然無統。陛下履位之初。當上應天心。下順人欲。攘除外患。使中國之勢尊。誅鋟內姦。使君子之道長。音以副道君皇帝付託之意。時金議割地。綱言。祖宗疆土。當以死守。不可以尺寸與人。

太學生陳東

字少陽。鎮江丹陽人。今江南鎮江府丹陽縣。

伏闕上書。請誅蔡京。

王黼童貫梁師成李彥朱勔曰。今日之事。蔡京壞亂於前。梁師成陰賊於內。李彥結怨於西北。見前卷蔡京擅國宣和三年。

朱勔聚怨於東南。

與梁師成俱見前卷花石綱之役。

王黼童貫又從而

結怨於遼金。敗祖宗之盟。失中國之信。創開邊隙。使天下之勢危如絲髮。此六賊者。異名而同罪。伏願陛下禽此六賊。肆諸市朝。傳首四方。以謝天下。帝嘉納之。

丙午 欽宗靖康元年。

金天會四年。

正月。詔中外臣庶直言得失。自

金人犯邊。屢下求言之詔。事稍緩則陰沮抑之。當時爲之語曰。城門閉。言路開。城門開。言路閉。

金人陷相濬二州。

相。今河南彰德府。濬。今濬縣。

梁方平帥禁旅屯黎陽。

北岸金將迺古補奄至。方平奔潰。河南守橋者望見金兵旗幟。燒橋而遁。河北河東路制置副使何灌帥兵二萬。退保滑州。今大名府滑縣聞方平潰。亦棄師歸。宋師在河南

者。無一人敢拒。金人遂取小舟以濟。凡五日。騎兵方絕。步兵猶未渡也。旋渡旋行。無復隊伍。金人笑曰。南朝可謂無人。若以一二千人守河。我豈得渡哉。遂取滑州。

帝聞幹離不濟河。即下詔親征。以蔡攸為太上皇帝行宮

使。宇文粹中為副使。奉上皇東行以避敵。以吳敏為親

征行營副使。李綱為行營參謀官。庚午。上皇如亳州。今屬

鳳陽府童貫從行。蔡京蔡攸亦盡室而南。為自全計。百官

多潛遁。

王黼聞金兵至。不俟詔。載其孥以東。詔貶為崇信軍節度

副使。永州安置。崇信軍在湖廣德安府隨州。永州今湖廣永州府。尋殺之。賜李

彥處。竝籍其家。放朱勗歸田里。後安置循州。今廣東惠州府。尋賜處。梁師

成亦貶官。賜處。

以吳敏知樞密院事。李稅同知院事。

京師戒嚴。宰執議請帝且幸襄鄧以避敵鋒。時蔡京白時中李邦彥為

相。蔡攸領樞密院。襄今湖廣襄陽府。鄧今河南南陽府鄧州。行營副使吳敏曰。京師

百萬生靈。奈何棄之。臣願留守以救一城。行營參謀李

綱曰。道君皇帝挈宗社以授陛下。委而去之。可乎。帝默

然白時中謂都城不可守。綱曰：天下城池，豈有如都城者。且宗廟社稷，百官萬民所在，舍此欲何之。舍上今日

之計，當整飭軍馬，固結民心，相與堅守，以待勤王之師。帝問誰可將者，綱言：朝廷以高爵厚祿，崇養大臣，蓋將

用之於有事之日也。白時中、李邦彥等雖書生，未必知兵。然藉其位號，撫將士以抗敵鋒，乃其職也。時中勃然

曰：李綱莫能將兵否。綱曰：陛下不以臣庸懦，倘使治兵，願以死報。乃以綱為尚書右丞、東京留守。綱復為帝力

陳不可出幸之意，且言：明皇聞潼關失守，即時幸蜀。宗廟朝廷毀於賊手，今四方之兵不日雲集，柰何輕舉以

蹈明皇之覆轍乎。會內侍奏中宮已行，帝色變，倉猝降

御榻曰：朕不能留矣。綱泣拜以死徵之。徵邀會燕越二

王至，亦以固守為然。燕王侯越王帝顧綱曰：朕今為卿

留。為去治兵禦敵之事，專責之卿，勿致疎虞。綱倉皇受

命。是夜，宰臣猶請出幸不已。帝從之。質明，綱趨朝，則禁

衛環甲，乘輿已駕矣。乘去綱急呼禁衛曰：爾等願守宗

社乎。願從幸乎。皆曰：願死守。綱入見曰：陛下已許臣留，

復戒行，何也。今六軍父子妻孥皆在都城，願以死守。萬

一中道散歸，陛下孰與為衛。且敵兵已逼，知乘輿未遠，

以健馬來追，何以禦之。帝感悟，遂止。禁衛六軍聞之，無

不悅者始定固守之議命李綱為親征行營使使宐從事綱治守戰之具粗畢而金人已抵城下矣

白時中罷李邦彥加太宰兼門下侍郎張邦昌為少宰兼

中書侍郎趙野為門下侍郎野開封人王孝迪為中書侍郎

蔡懋為尚書左丞懋確子泉州晉江人今福建泉州府晉江縣

遣使督諸道兵入援

金幹離不既取滑州即遣吳孝民至汴以詔書問納張穀

事令執送童貫譚稹詹度初李良嗣許金人歲二十萬稹為兩河燕山宣撫使不與

故并以黃河為界納質奉貢質音致幹離不軍抵汴

城即東京開封府郭藥師導之據牟駝岡天駟監在汴城西北獲馬

二萬匹芻豆如山帝召羣臣議李綱請擊之李邦彥力

請割地求和帝從之命員外郎鄭望之及高世則使其

軍員外郎從六品望之字顧道彭城人今江南徐州世則字仲詒燕人未至遇金使吳孝

民因與偕還是夜金人攻宣澤門李綱禦之斬獲百餘

人金人知有備至旦乃退吳孝民入見曰上皇朝事已

往不必計潮朝音今少帝與金別立誓約結好少去聲仍遣

親王宰相詣軍前可也帝求大臣可使者李綱請行帝

不許而命同知樞密事李稅綱曰安危在此一舉臣恐

稅怯懦誤國事也不聽稅至金軍幹離不盛兵南向坐

稅北面再拜剡行而前恐怖喪膽失其所言幹離不謂

曰汝家京城破在頃刻所以斂兵不攻者徒以少帝之故欲存趙氏宗社我恩大矣今若議和當輸金五百萬兩銀五十萬兩牛馬萬頭表段百萬匹尊金帝為伯父

歸燕雲之人在漢者割中山太原河間三鎮之地中山今直隸真定府定州宋武定軍太原宋河東大都督府河間今直隸河間府宋瀛海軍而以宰相親

王為質送大軍過河乃退耳稅等唯唯魚水切不敢措一

言遂與金使蕭三寶奴邪律忠王訥等偕來凡金人所

要求要平聲皆郭藥師教之也

金兵攻通津景陽等門李綱親督戰募死士縋城而下自

卯至酉斬其將校十餘殺其眾數千何灌力戰死之明

日李稅至太宰李邦彥力勸帝從金議帝乃括借都城

金銀至倡優家財得金二十萬兩銀四十萬兩而民間

已空李綱言金人所需金幣竭天下且不足況都城乎

三鎮國之屏蔽割之何以立國至於遣質即宰相當往

親王不當往若遣辯士姑與之議所以可不可者宿留

數日大兵四集彼孤軍深入雖不得所欲亦將速歸此

時而與之盟則不敢輕中國而和可久也邦彥等言都

城破在旦夕尚何有三鎮而金幣之數又不足較帝默

然綱不能奪因求去帝慰諭之曰卿第出治兵此事當

徐圖之綱退則誓書已成一依其言以張邦昌為計議

通鑑本末綱要

金人入汴

使奉康王構質金軍以求成構徽宗第九子初邦昌與

邦彥等力主和議不意身自為質及行乃徽帝署御批

無變割地議帝不許康王與邦昌乘筏渡濠自午至夜

分始達金營

金遊騎大掠於城下都統制馬忠以京西募兵適至擊敗

之金師暫斂西路稍通援兵得進

河東河北制置使种師道字彛叔洛陽人熙河經畧使姚古子平

仲諸道勤王兵至汴初師道至洛聞金兵已薄京城或

請駐汜水以圖萬全今開封府汜水縣師道曰吾兵少若遲回

不進形見情露祇取辱焉今鼓行而進彼不測我虛實

都人聞之士氣自振何憂賊哉乃揭榜沿道言种少保

領西兵百萬來遂抵京西趨汴水南徑逼敵營金人懼

徙砦稍北斂遊騎但守牟駝岡增壘自衛時師道年高

天下稱為老种帝聞其至喜甚開安上門命李綱迎勞

去聲師道人見帝問曰今日之事卿意如何對曰臣以議

和非也女真不知兵豈有孤軍深入人境而能善其歸

乎請拒守以待勤王之師三鎮地不宐割與帝曰業已

講和矣對曰臣以軍旅之事事陛下餘非所敢知也遂

拜同知樞密事諸道宣撫使統四方勤王兵及前後軍

以姚平仲為都統制師道時被病命毋拜許肩輿入朝

金使王訥在廷素頡頏相上下也望見師道拜跪稍如禮帝

顧笑曰彼為卿故也為去聲自金人渡河京師諸門盡閉

市無薪菜師道請啓西南壁聽民出入民始安之又請

緩給金幣於金使彼情歸扼而殲諸河計之上也李邦

彥不從

時勤王兵四集而莫相統攝祕書郎楊時祕書郎正八品時字中立南劍

將樂人今福建延平府將樂縣請立統帥一號令示紀律又言今日之

事當以收人心為先人心不附雖有高城深池堅甲利

兵不足恃也童貫為三路大帥帥並所類切棄軍逃歸朝廷

置之不問故梁方平之徒相繼而遁當正典刑以為不

忠之戒自貫握兵二十餘年覆軍殺將馴至今日比聞

防城仍用閹人比音庫覆車之轍不可復蹈疏上帝以為

右諫議大夫兼侍講諫議大夫從四品

二月姚平仲帥師襲金營不克而逃金人復圍京師時朝

廷日輸金幣於金而金人需求不已日肆屠掠四方勤

王之師漸至李綱言金人貪婪無厭克恃日甚其勢非

用師不可且敵兵號六萬而吾勤王之師集城下者已

二十餘萬彼以孤軍入重地猶虎豹自投陷阱中當以

計取之不必與角一旦之力若扼河津絕餉道分兵復

畿北諸邑而以重兵臨敵營堅壁勿戰俟其食盡力疲

然後以一檄取誓書復三鎮縱其北歸半渡而擊之此  
必勝之計也帝淡然之約日舉事种氏姚氏皆爲山西  
巨室兩家子弟各不相下平仲以父古方帥熙河兵入  
援慮功名獨歸种氏乃云士不得速戰有怨言帝以語  
綱綱主其議帝日遣使趣師道戰趣音促師道欲俟弟師  
中至因奏言過春分乃可擊時相距纔八日帝以爲緩  
平仲請先期擊之遂帥步騎萬人夜斫敵營欲生禽幹  
离不及取康王以歸夜半帝遣中使傳旨諭綱曰姚平  
仲已舉事卿速援之平仲方發金候吏覺之幹离不遣  
兵迎擊平仲兵敗懼誅亡去李綱率諸將出封丘門救

之與金人戰於幕天坡以神臂弓射之金人少却師道  
復言劫寨已誤然兵家亦有出其不意者今夕再遣兵  
分道攻之亦一奇也如猶不勝然後每夕以數千人擾  
之不十日卽遁矣李邦彥等畏懦皆不果用

金幹离不召諸使者詰責用兵違誓之故張邦昌恐懼涕  
泣康王不爲動金人異之乃使王洎來致責且請更以  
他王爲質洎至李邦彥語之曰用兵乃李綱姚平仲爾  
非朝廷意也因廢親征行營司罷綱以謝金人初係

和殿大學士宇文虛中聞汴京急馳歸收拾散卒得東  
南兵二萬人以便宐起李邈領之

邈字彥思臨江軍清江人今江西臨江府



通鑑本末綱要 卷六十八  
清江縣。邈為江淮兩浙制置司。令駐於汴河。會姚平仲管當公事。與童貫不合。致仕。

失利。援兵西來者皆潰。虛中繼而入京。帝欲遣人奉使。

辯劫營非朝廷意。大臣皆不欲行。虛中承命。慨然而往。

太學生陳東等上書言李綱社稷之臣。白時中李邦彥張

邦昌趙野王孝迪蔡懋李梈社稷之賊。乞復用綱而斥

邦彥等。都民不期而集者數萬人。會邦彥入朝。眾數其

罪而罵。數上聲邦彥疾驅得免。吳敏傳宣令退。眾莫肯去。

方昇登聞鼓。搗壞之。誼呼動地。殿帥王宗楚恐生變。殿帥

殿前都指揮使也。從二品。奏帝勉從之。帝乃遣耿南仲號於眾曰。已

得旨宣綱矣。南仲開封人。簽書樞密院事。內侍朱拱之宣綱後期。眾

鬻而磔之。并殺內侍數十人。知開封府王時雍麾之不

退。執政揭榜於衢。推李邦彥李梈和議之功。楊時請收

還榜示。以慰人心。帝顧戶部尚書聶昌。字幸遠。撫州臨川人。今江西撫

州府臨川縣。俾出諭旨。諸生始退。乃復綱右丞。充京城四壁

防禦使。既而都人又言願見种師道。詔趣師道入城。彈

壓。趣音促。師道乘車而至。眾褰簾視之。曰。果我公也。相麾

聲喏而散。先是金人薄城。尚書左丞蔡懋禁將士不得

輒施矢石。將士積憤。及綱復用。下令能殺敵者厚賞。眾

皆奮躍。金人懼。稍稍引去。時諫議大夫楊時知無不

言。然不見聽。及太學生留李綱。明日詔誅士民殺內侍

為首者王時雍欲盡致諸生於獄吳敏乞用時以靖太  
學因召對時言諸生忠於朝廷非有他意但擇老成有  
行誼者為之長貳行去聲則將自定帝曰無以逾卿遂

拜國子祭酒從四品

宇文虛中冒鋒鏑至金營露坐風埃自已至申金人注矢  
露刃周帀圍之帀同久乃得見康王次日侍王至金幕

府見幹離不語辭不遜禮節倨傲抵暮遣王泃隨虛中  
入城要越王及李邦彥吳敏李綱并駙馬曹晟等要平聲

與金銀騾馬之類且欲御筆書定三鎮界方退軍明日  
帝命肅王樞往質因金人有他王之語也樞徽宗子康王張邦昌還

以徐處仁為中書侍郎處仁字擇之應天府穀熟人今河南歸德府夏邑縣宇文虛

中簽書樞密院事蔡懋罷

宇文虛中復如金師許割太原中山河間三鎮之地界金

人金幹離不既得三鎮且知京師有備遂不俟金幣數  
足遣使告辭北去肅王從之京師解嚴种師道請乘其

半濟擊之帝不許李邦彥立大旗於河東河北有擅出  
兵者竝依軍法种師道曰異日必為國患楊時上言河

朔為朝廷重地三鎮又河朔之要藩今聞三鎮之民以  
歿拒敵若种師道劉光世皆一時名將始至而未用乞

召問方畧光世字平叔保安軍人今延安府保安縣按本傳時擢為侍衛馬軍都虞候帝遂

詔出師而議者多持兩端時又抗疏言金人越數千里  
犯人國都危道也彼見勤王之師四集內懼而歸非愛  
我而不攻朝廷割三鎮三十州之地與之是助寇而自  
攻也聞肅王初與之約及河而返今挾之以往竊謂宐  
以肅王為問責其敗盟則我有辭矣時太原圍閉數月  
而姚古擁兵不進時又乞誅古以肅軍政不報

李邦彥罷以張邦昌為太宰兼門下侍郎吳敏為少宰兼  
中書侍郎李綱知樞密院事耿南仲李棪為尚書左右  
丞邦彥為相無所建明唯與白時中張邦昌等阿順趨  
諂而已阿於何切都人目為浪子宰相

姚古种師中及府州帥折彥質等各以兵勤王府州今延安府府谷

縣凡十餘萬人至汴而幹离不已退李綱請詔古等追

之且戒俟其可擊則擊將士踊躍而三省乃令護送出  
境勿輕動時大臣政令矛盾如此故迄無成功

同知樞密宣撫使种師道罷中丞許翰字崧老拱州襄邑人今歸德府睢州

言師道名將沈毅有謀山西士卒咸信服之不可使解

兵柄帝謂其老難用翰曰秦始皇老王翦而用李信兵

辱於楚漢宣帝用趙充國而能成金城之功自呂望以

來以老將收功者難一二數上聲以古揆今師道雖老可

用也帝不納翰又言金人此去存亡所繫當令一大創

通鑑本末紀要 卷六十八  
使失利去則中原可保四夷可服不然將來再舉必有不救之患宜遣師徼擊之帝亦不聽

治開邊罪貶蔡京為祕書監分司南京童貫為左衛上將

軍池州居住

今江南池州府

蔡攸為大中大夫提舉亳州明道

宮梁方平伏誅初太上南幸童貫高俅等以兵扈從

去聲

聞都城被圍乃止東南郵傳及勤王之師

傳去聲

道路籍

籍言貫等為變朝議以聶昌為東南發運使往圖之李

綱曰使昌所圖果成震驚太上憂在陛下萬一不果是

數人者挾太上於東南求劔南一道陛下將何以處之

處上聲

莫若罷昌之行請於太上去此數人自可不勞而

定帝從之

是年五月高俅死追削其官七月安置童貫於吉陽軍誅之於貶所梟其首於都市

金粘沒喝攻太原悉破諸縣獨城中以張孝純固守不下

九月孝純力竭被執見後二帝北狩後又為劉豫相

及聞幹離不議和亦遣人來

求賂宰臣以勤王兵大集拘其使而不與粘沒喝怒遂

分兵南趨汴折可求劉光世軍皆為所敗既逾南北關

仰而歎曰關險如此而使我過之南朝可謂無人矣遂

至隆德

今山西潞安府

城中素無備二日而陷守臣張確歿之

確字子固邠州宜祿人今西安府邠州有宜祿廢縣

金人犯高平

今山西澤州

宰臣咎李綱盡遣城下兵追敵乃急

徵姚古等還諸將已追及幹離不於邢趙間

邢今直隸順德府趙

今真定府趙州聞命無不扼腕及綱力爭復遣則將士解體矣

三月李悅張邦昌罷以徐處仁為太宰唐恪為中書侍郎

何臬為尚書右丞許翰同知樞密院事恪字欽叟錢塘人今浙江杭州

府錢塘縣臬字文縝仙井人今四川成都府仁壽縣○臬古栗字初帝召處仁問割三

鎮是否處仁言不當棄與吳敏議合敏薦處仁可相遂

拜為太宰時進見者多論宣和間事恪言於帝曰革弊

當以漸宜擇今日之所急者先之而言者不顧大體至

毛舉前事以快一時之憤豈不傷太上之心哉京攸貫

黼之徒既從竄斥姑可已矣他日邊事既定然後白太

上請下一詔與天下共棄之誰曰不可帝曰卿論甚善

為朕作詔書以此意布告在位為去聲

宇文虛中罷言者劾其議和之罪出知青州今山東青州府

詔种師道為河南河東宣撫使屯滑州姚古為河北制置

使援太原种師中副之援中山河間師道無兵自隨乃

請兵屯滄衛孟滑滄今河間府滄州衛今河南衛輝府孟滑見前備金兵再至

朝廷以大敵既退格不用古復隆德府威勝軍宋置軍於銅鞮

縣今山西沁州有銅鞮城師中追幹离不至北鄙而還詔金人要盟

要平聲終不可保今粘沒喝深入南陷隆德先敗原約朕

夙夜追咎已黜罷原主和議李邦彥奉使許地李悅李

鄴鄭望之等其太原中山河間三鎮係寨陵寢所在誓

當固守師中渡河即上言粘沒喝已至澤州臣欲由邢相間捷出上黨今潞安府擣其不意當可以逞朝廷疑不用幹离不行至中山河間兩鎮固守不下師中因進兵逼之幹离不遂出境

二帝北狩

丙午欽宗靖康元年金太宗完顏晟天會四年二月詔割中山太原河間

三鎮之地與金人以和中山今直隸真定府定州宋置武定軍太原今山西太原府宋

置河東大都督府河間今直隸河間府宋置瀛海軍金將幹离不金太祖烏骨打子○將去聲後

凡名將諸將遣將將士將兵聞勤王之師四集既得詔

不俟金幣數足遣使告辭使去聲後凡退師北去三月

至中山河間兩鎮固守不下河北制置副使种師中進

兵逼之使去聲後凡幹离不遂出境事見前金人入汴師中字端孺洛陽

人今河南南河御史中丞呂好問言於帝曰中丞從三品

南府洛陽縣公著孫壽州人今好問字舜徒金人得志益輕中國秋冬必傾國復

來禦敵之備當速講求中丞許翰字崧老拱州襄邑人今河南歸德府睢州

言金人此去存亡所繫將來再舉必有不救之患帝皆

不聽兩河宣撫使种師道字彝叔洛陽人亦請兵屯滄衛孟滑

滄今河間府滄州衛今河南南衛輝府孟今河南懷慶府孟縣滑今直隸大名府滑縣以備金兵再

至朝廷以大敵既退格不用朝音潮後還朝等俱同

詔知樞密院事李綱迎太上皇於南京知樞密正二品綱字伯紀邵武人今

福建邵武府太上皇徽宗也時用事者言太上將復辟

於鎮江今江南鎮江府上皇以正月如亳州人情危駭既而太上還至南

京以書問改革政事之故且召吳敏李綱敏字元中時以少宰兼中

書侍郎真州人今江南揚州府儀真縣或慮太上意不可測綱曰此無他

不過欲知朝廷事爾綱往具道帝聖孝思慕請陛下早

還京師太上因及行宮止遞角等事今文移封數曰角綱曰當

時恐金人知行宮所在非有他也因言皇帝每得詰問

之詔輒憂惶不食臣竊譬之家長出而疆寇至長音掌下同

子弟之任家事者不得不從宐措置長者但當以其能

係田園大計而慰勞之勞去聲苟誅及細故則子弟何所

逃其責邪音瑯後同太上感悟出玉帶金魚象簡賜綱且曰

卿扞守宗社有大功若能調和父子間使無疑阻當遂

垂名青史綱還具道太上意帝始釋然四月太上皇至

京師宰執進迎奉儀注左丞耿南仲議欲屏太上左右

車駕乃進尚書左右丞及中書門下侍郎即參知政事之職南仲開封人今河南開封府○屏音餅

綱言天下之理誠與疑明與闇而已自誠明推之可至

於堯舜自疑闇推之其患有不可勝言者勝平聲耿南仲

不以堯舜之道輔陛下乃闇而多疑南仲佛然曰臣適

見左司諫陳公輔司諫正七品公輔字國佐台州臨海人今浙江台州府臨海縣乃為

李綱結士民伏闕者伏闕事見前金人入寇○為去聲乞下御史置對

帝愕然綱曰臣與南仲所論國事也南仲乃為此言臣

何敢復有所辯因求去帝不允

立子諶為皇太子後從二帝北去

詔吏部考覈濫冒爵賞悉加削奪楊戩李彥之公田童貫黼朱勔之應奉

譚榘等之軍功孟昌齡父子河防之役夔蜀湖南

之開疆關陝河東之改幣吳越山東茶鹽陂田之

利諸營繕之功後苑書藝局文字庫諸色及近追

習引進獻頌効用宣力應奉有勞特赴殿試之流

政和以來道官處士先生封贈奏補等敕書處上聲

安置童貫於郴州今湖廣郴州○郴州林切朱勔於循州今廣東惠州府再貶

蔡攸為節度副使二月已貶大中大夫從四品節度副使從八品貫勔攸罪狀具見前卷蔡

京檀國花石綱及燕雲之役復以詩賦取士禁用王安石字說五月罷王安石配享

孔子降居從祀以上數條與二帝北狩本不相關然自三月以後通鑑所載別無一事救亡而

日泄泄然為太平之舉此北狩之所以不旋踵也

初金將粘沒喝還雲中粘沒喝金太祖阿骨打再從兄弟雲中今山西大同府留軍



圍太原。至是詔种師中由井陘道出師。井陘關在太原府平定州東九

十里。與姚古犄角。古五原人。今陝西延安府神木縣有五原城。是年三月。以古為河北制置使。師

中副之。師中進次平定軍。今平定州。乘勝復壽陽。榆次等縣。

二縣。今屬太原府。留屯真定。時粘沒喝留兵分就畜牧。覘者以

為將遁。告於朝。知樞密許翰信之。數遣使趣師中出戰。

數音朔。趣音促。責以逗撓。師中歎曰。逗撓。兵家大戮也。吾結髮

從軍。今老矣。忍受此為罪乎。即日辦嚴約。古及張灝俱

進。賞犒之物。皆不暇從行。抵壽陽之石阬。為金將完顏

活女所襲。活女。婁室子。完顏部人。五戰三勝。回趨榆次。至殺熊嶺。

去太原百里。古兵至威勝。今山西沁州。統制焦安節妄傳粘

沒喝將至。故古與灝皆失期不至。師中兵饑甚。敵知之。

悉眾攻右軍。右軍潰。前軍亦奔。師中獨以麾下死戰。自

卯至巳。士卒發神臂弓。射退金人。而賞賚不及。以賞犒之物。皆

不暇從行。故也。皆憤怒散去。所留纔百人。師中身被四創。力疾

鬪。死。師中老成持重。為時名將。既死。諸軍無不奪氣。金

乘勝進兵。古兵潰。退保隆德。今潞安府。李綱召安節。斬之。安

置古於廣州。今廣東廣州府。贈師中少師。

初。金兵退。上下恬然。置邊事於不問。李綱獨以為憂。數上

備邊禦敵之策。數音朔。不見聽用。每有謀議。復為耿南仲

所沮。六月。金人圍太原。不解。姚古种師中敗績。南仲等

請割三鎮以賂金。綱言祖宗之地不可棄。帝從綱議。欲遣將援太原。南仲曰：欲援太原，非綱不可。乃以綱為河

北河東宣撫使。劉韜副之。韜字仲偃，建州崇安人。綱言今福建建寧府崇安縣。

臣書生，實不知兵在圍城中，不得已為陛下料理兵事。

為去聲。

今使為大帥，恐誤國事。拜辭不許。或謂綱曰：公知

所以遠行之意乎？此非為邊事。

為去聲。

欲緣此以去，公則

都人無辭耳。許翰復書杜郵二字以遺綱。

杜郵，白起自刎處。

綱

不得已受命。帝手書裘度傳以賜之。

度為唐相，封晉國公，身繫天下安危。

者三十年。

綱入對。帝曰：卿為朕巡邊。

為去聲。

便可還朝。綱

曰：臣之行無復還理。臣以愚直不容於朝，既行之後，進

而歿。敵臣之願也。萬一朝廷執議不堅，臣當求去。陛下

宐察臣孤忠，以全君臣之義。帝為之感動。陛辭，又為帝

道唐恪、聶昌之姦。

恪字欽叟，時為中書侍郎。錢塘人。今浙江杭州府錢塘縣。昌字幸遠，時戶

部尚書。撫州臨川人。今江西撫州府臨川縣。○為竝去聲。

任之必誤國。言甚激切。韜

抗辭至五六，帝親筆趣拜。

趣音促。

左司諫陳公輔居職敢言。耿南仲指為李綱之黨。公輔因

辭位。且言李綱書生，不知軍旅。遣援太原，乃為大臣所

陷。後必敗事。時宰忌其言，貶監合州酒稅。

今四川重慶府合州。○監

平聲。

六月，天狗星隕，有聲如雷。彗出紫微垣，長數丈。北拂帝座。

埽文昌大臣言此乃夷狄將衰非中國憂提舉醴泉觀  
譚世勣字彥成潭州長沙人今湖廣長沙府長沙縣面奏垂象可畏當脩德  
以應天不宐惑其諛說詔除民間疾苦十七事

七月竄蔡京儋州今廣東瓊州府儋州○儋都甘切攸雷州今廣東雷州府童貫

吉陽軍今瓊州府崖州趙良嗣柳州今廣西柳州府京道攸等尋伏

誅九月

李綱至河陽今孟縣留十餘日練士卒脩整器甲之屬進次

懷州今懷慶府造戰車期兵集大舉而朝廷降詔罷所起兵

綱上疏言秋高馬肥敵必深入宗社安危殆未可知防

秋兵盡集尚恐不足今河北河東日告危急未有一人

一騎以副其求奈何甫集之兵又皆散遣且以軍法勒

諸路起兵而以寸紙罷之臣恐後時有所號召無復應

者矣疏上不報趣赴太原趣音促綱至軍遣制置副使解

潛屯威勝劉韜屯遼州幕官王以寧屯汾州威勝在山西沁州遼

汾山西遼州及汾州府范瓊屯南北關皆去太原五驛約以三道

竝進會於城下時諸將承受御畫事皆專達綱令不行

於是韜兵先進凡九戰皆捷金人并力禦之力不敵而

退師遂潰將領王彥戰死彥字子才上黨人今山西潞安府長治縣潛與金

人戰於關南大敗都統制張思正等領兵十七萬與河

東察訪使張灝夜襲金婁室軍於文水婁室完顏部人文水今太原府

文水縣小捷明日復戰大敗死者數萬人都統制折可求

師潰於子夏山在汾州府北今名石婆神山於是威勝軍隆德府汾

晉澤絳民皆渡河南奔隆德見前晉今山西平陽府絳今平陽府絳州汾澤見前州

縣皆空

八月李綱以張灝等違節制而敗上疏極論節制不專之

弊且言分路進兵賊以全力制吾孤軍不若合大兵由

一路進及范世雄以湖南兵至世雄官職史闕因薦為宣撫判

官方欲親率擊虜會以議和止綱進兵綱亦求罷詔復

以种師道代為兩河宣撫使

金粘沒喝幹離不復分道南下先是朝廷以肅王為彼所

質肅王樞徽宗第五子○質音致亦留其使臣蕭仲恭以相當踰月不

遣其副趙倫懼不得歸乃給館伴邢倬曰金有邪律余

覩者領契丹兵甚眾貳於金人可結之以圖幹離不及

粘沒喝執政以仲恭余覩皆遼貴戚舊臣而用事當有

亡國之戚信之乃以蠟書命仲恭致之余覩使為內應

仲恭還見幹離不即以蠟書獻之幹離不以聞於金主

晟麟府帥折可求麟州故城在神木縣府今府谷縣俱屬延安府又言遼梁王

雅里在西夏之北欲結宋以復怨於金吳敏勸帝致書

梁王由河東之麟府亦為粘沒喝遊兵所得復以聞於

是金主晟怒以粘沒喝為左副元帥幹離不為右副元

帥分道南侵粘沒喝發雲中幹離不發保州今直隸保定府

時太宰徐處仁時太宰例兼門下侍郎少宰兼中書侍郎處仁字擇之應天穀熟人今歸德府夏邑縣

同知樞密事許翰主用兵少宰吳敏門下侍郎耿南

仲主和論議不合翰罷知亳州今屬鳳陽府處仁又與敏爭

於帝前處仁怒擲筆中敏面中去聲鼻額為黑南仲與中

書侍郎唐恪戶部尚書聶昌欲排去二人而代之位諷

中丞李回論之於是俱罷未幾言者論敏因蔡京進用

貶官安置涪州今屬重慶府涪音浮敏年少去聲不習事軍期警

急不為留意時語云不理太原理太學不理防秋理春

秋不理礮石理安石礮俗作砲不理肅王理舒王王安石蓋

譏其不切時務也以唐恪為少宰何臬為中書侍郎

臬字文鎮仙井人今四川成都府仁壽縣○臬古栗字陳過庭為尚書右丞過庭字賓

王越州山陰人今浙江紹興府山陰縣聶昌同知樞密院事李回簽書院

事

遣給事中王雲使金軍許以三鎮賦稅給事中正四品雲字子飛澤州人

九月金粘沒喝乘勝急攻太原知府張孝純力竭不能支

城陷孝純被執釋而用之副都總管王臬負原廟中太

宗御容赴汾水歿通判方笈轉運韓揆等三十人皆被

害朔州守臣孫翊領兵出天門關朔州今大同府朔州天門關在太原府西

北四將援太原朔州已降翊軍遂叛為麾下所害府州

守臣折可求亦統麟府之師二萬人赴援敵據天門關

可求越山取道遇粘沒喝之眾大戰移時勞逸不敵亦

敗金人分兵攻汾州知州張克戩畢力扞禦克戩字德祥開封人

以王寓為尚書左丞寓字元忠江州人今江西九江府李綱出知揚州

以李回為大河守禦使折彥質為河北宣撫副使

中書侍郎何桌請分天下二十三路為四道以三京及鄧

州為都總管府分總四道兵以知大名府趙野總北道

今大名府宋北知河南府王襄總西道今河南府宋西

京野開封人知鄧州張叔夜總南道今南陽府鄧州叔

陽府南陽縣知應天府胡直儒總東道今歸德府事得專決財得專

用官得辟置辟音闢時金師日逼張叔夜及陝西制置使

錢蓋統兵赴闕少宰唐恪與耿南仲力主和議以詔止

諸軍勿前遣給事中黃諤由海道使金請和罷李綱

提舉洞霄宮尋貶為節度副使安置建昌軍今江西再

謫寧江按寧江在四川夔州府綱著靖康傳信錄云假

十月金人至井陘种師閔與戰敗績幹离不遂人天威軍

在真定府犯真定先是真定帥劉韜守禦備具在河朔

最為堅壘帝以太原危急命韜守遼州以據其險以李

邈代守真定邈字彥思臨江軍清江人今江西臨江府清江縣至是虜攻甚迫

都鈐轄劉靖率眾晝夜搏戰久之城陷邈靖猶帥眾巷

戰邈被執。塙麾下稍稍散亡。乃顧其弟曰：我大將也，可受賊戮乎？因挺刃欲奪門出，不果，自縊歿。幹離不脅邈，拜不屈，以火燎其鬚眉及兩髀，亦不顧。乃拘於燕山府，終不能屈。金人搯其口，邈吮血喫之，遂遇害。顏色如生。高宗立，贈昭化軍節度使，謚曰忠壯。

金人遣楊天吉、王訥等來，青尚契丹梁王及余覲蠟書，禮貌甚倨。帝卑辭反覆，淡明非朝廷之罪，虜使請必割三鎮，且求金帛，仍索親王詣彼軍前陳謝。

時金人復至，大臣不知所出，遣使講解。金人佯許而攻畧自如。諸將以和議故，皆閉壁不出。中丞呂好問乃請亟

集滄滑邢相之戍，以遏奔衝。

滄滑見前。邢今直隸順德府。相今河南彰德府。

列勤王之師於畿邑，以衛京城。疏入不省。金人陷真定。

攻中山，上下震駭。羣臣狐疑相顧，猶以和議為辭。好問

率臺屬劾大臣畏懦誤國，坐貶知袁州。

今江西袁州府。帝憫其

忠，下遷吏部侍郎。

從三品。

金人陷汾州，城破。知州張克戩猶巷戰，不克，乃衣朝服。

去衣。

音潮南向拜，自引決。一家歿者八人。金人葬於州之後

園，羅拜設祭。

馮解知樞密院事。

解字長源，普州安岳人。今四川潼川州安岳故縣。

王寓貶官。

新州安置，坐辭使軍前故也。

河北河東路宣撫使种師道未至太原而城已陷乃駐兵

河陽遇金使王洎來禮甚倨揣敵必大舉亟上疏請幸

長安

今陝西西安府

以避其鋒朝廷以為怯召還以范訥代之

師道尋卒

諡曰忠憲

帝聞河東失太原河北失真定下哀痛詔徵兵於四方

十一月集從官於尚書省議三鎮棄守

從去聲

唐恪耿南仲

等多請割與金人以紓國禍何臬曰三鎮國之根本柰

何一旦棄之金人無信割亦來不割亦來且河北之民

皆吾赤子棄地則并其民棄之為民父母而棄其子可

乎帝曰善時梅執禮呂好問秦檜洪芻等皆主臬議

執禮

字和勝婺州浦江人今浙江金華府浦江縣檜字會之

江寧人今江南江寧府按執禮時為戶部尚書檜職方

員外郎

洪芻闕

金粘沒喝自太原趨汴

宋都今開封府

所至破降

戶江切後同

官吏棄

城走者遠近相望至河外宣撫使折彥質以兵十二萬

拒之夾河而軍粘沒喝曰南軍亦眾與之戰勝負未可

知不若加以虛聲盡取戰鼓擊之達旦以觀其變彥質

之眾皆潰李回亦奔還京師

尋免

金活女帥眾先渡孟津

今河南府

孟津縣

粘沒喝從之至河陽遂長驅而南西京留守

西道都總管王襄棄城走城降於金

金粘沒喝既渡河不復言三鎮直遣人來欲盡得兩河地



京師戒嚴遣知樞密馮澥著作佐郎李若水往使著作佐郎

正八品若水字清卿洛州曲周人今直隸廣平府曲周縣若水初名若水欽宗以其音同弱兵曰兵不可弱賜名若水行至中牟今開封府中牟縣守河兵相驚以為金兵至左

右謀取間道去問去聲若水謂澥曰今止有死爾敢言退

者斬眾乃定既行若水屢附奏言和議必不可諧乞申

飭守備

給事中王雲固請康王往使詔雲以資政殿學士副康王

構復如金師許割三鎮奉袞冕玉輅尊金主為皇叔且

上尊號王至磁州今彰德府磁州守臣宗澤迎謁曰澤字汝霖婺州義烏

人今金華府義烏縣肅王一去不返今敵又詭辭以致大王其兵

已迫復去何益願王勿行會康王出謁嘉應神祠副使

王雲在後民遮道諫王曰肅王已為金人所留王不宐

北去厲聲指雲曰清野之人真姦賊也先是雲奉使過相州勸兩郡撤

近城民舍運粟入保為清野之計故民怨之執雲殺之知相州汪伯彥徽州祁門

人今江南徽州府祁門縣以帛書迎王王如相州

中書侍郎何桌主戰守與唐恪耿南仲不合罷為開封尹

以陳過庭為中書侍郎孫傅為尚書右丞傅字伯野海州人今江南

淮安府海州傅上書乞復祖宗法度帝問之對曰祖宗法惠

民熙豐法惠國崇寧法惠姦時謂名言孫傅得市人

郭京云能施六甲法可以生禽金二將埽蕩無餘其法

用七千七百七十七人。朝廷深信之。命以官賜金帛數萬。使自募兵。無問技藝能否。但擇年命合六甲者。所得皆市井遊惰。旬日而足。敵攻益急。京談笑自如。云擇日出兵三百。可致太平。直襲擊至陰山。乃止。時遂有效。京所為者。或稱六丁力士。或稱北斗神兵。天闕大將識者危之。京嘗曰。非至危急。吾師不出。

金幹離不遣使議割兩河地。帝許之。命門下侍郎耿南仲往報。以老辭。命同知樞密聶昌。昌以親辭。陳過庭曰。主憂臣辱。願效死。帝揮涕太息。而怒南仲及昌。乃命南仲如河北。幹離不軍。昌如河東。粘沒喝軍。昌言兩河之人

忠勇萬一為所執。死不瞑目矣。

為去聲

行至絳。絳人果拒

之。恐其割地。噉金也。

鈴轄趙子清。麾眾斬昌。扶其目而齧之。初

南仲為東宮官十年。自謂首當柄用。而吳敏李綱越次出己上。故每事異議。力沮戰守。與翰林承旨吳玘堅請割地。戰守之備皆罷。致金師日逼。至是與金使王洵偕行至衛州。衛人欲誅洵。洵脫去。南仲奔相州。以帝旨喻康王起兵入衛。因署募兵。榜揭之。人情始安。并音牽

以孫傅同知樞密院事。曹輔簽書院事。

輔字載德。南劍州人。今福建延平府。

金人圍懷州。

今懷慶府。

知州事霍安國。扞禦不遺餘力。城竟陷。

粘沒喝引問不降者為誰。安國曰。守臣安國也。通判林

淵鈴轄張彭年都監趙士諤音主張謀于潛鼎澧將沈敦

張行中及隊將五人同辭對曰淵等與知州一體皆不

肯降粘沒喝令東北嚮望拜亦不屈乃解衣面縛殺十

三人安國一門無噍類鼎澧今湖廣常德府及岳州府澧州蓋客將之在懷者

金幹离不之師次於京城下粘沒喝自河陽來會要帝出

盟時援兵皆為唐恪耿南仲遣還四方無一人至者城

中唯衛士及弓箭手七萬人乃以萬人分作五軍備緩

急以五萬七千人分四壁守禦遣使以蠟書間行出關

召兵問去聲又約康王及河北守將來援多為金邏兵所

獲為去聲恪計無所出密言於帝曰唐自天寶而後屢失

而復興者以天子在外可以號召四方今宜舉景德故

事謂真宗澶淵之役留太子居守而幸西洛謂洛陽連據秦雍謂陝

西○雍去聲領天下兵親征以圖興復帝將從之開封尹何

鼎入見引蘇軾所論謂周之失計未有如東遷之甚者

帝翻然而改以足頓地曰今當以死守社稷

以范致虛為陝西五路宣撫使致虛字謙叔建州建陽人今建寧府建陽縣督

勤王兵入援南道都總管張叔夜聞召即日自將中軍

令子伯奮將前軍仲雄將後軍合三萬餘人與金遊兵

轉戰而前至都下帝御南熏門見之軍容甚整入對言

賊鋒甚銳願如明皇之避祿山今湖廣襄陽府以圖

幸雍今陝西帝領之。時東道都總管胡直孺亦將兵入衛。

遇金人戰，兵敗被執，金人示於城下，都人大懼。

詔復元豐三省官名，以何臬為門下侍郎。

閏十一月，少宰唐恪從帝巡城，為都人遮擊，策馬得免。從

並去御史胡舜陟御史從七品，舜陟字汝明，徽州績溪人，今徽州府績溪縣。劾其長

於交結短於經畫，罷之。以何臬為尚書右僕射兼中書

侍郎。元豐官制，以左右僕射為首。次相職銜。○射音亦後同。張叔夜簽書樞密院

事，馮澥至自金軍，以為尚書左丞。

粘沒喝軍至城下，雨雪交作，帝被甲登城。被音披以御膳賜

士卒，明日金人攻朝陽門，帝乘馬行泥淖中，人皆感泣。

驛召李綱為資政殿學士。

殿前副都指揮使王宗濇與金人戰於城下，敗遁，統制高

師旦灰之。高宗建炎初宗濇責柳州安置。金人攻南壁，張叔夜與之大

戰，斬其金環貴將二人，遙見金兵奔還，自相蹈籍溺隍

處者以千數，時勤王兵不至，城中兵唯衛士三萬，又什

失五六，因時令挑戰，以示敢敵。

金人請上皇皇太子及越鄆二王為質。越王偲，神宗子，帝

曰：朕為人子，豈可以父為質？詔越王往，將行，而金人以

兵來逐，越王乃止。於是金人宣言失信，再遣使趣親王

出盟。趣音促。詔左丞馮澥、僉樞曹輔如金軍求成，粘沒喝

不與交一語遣歸攻城益急

詔康王構為河北兵馬大元帥速帥師入衛以宗澤為副

元帥

彗星出長竟天

金人攻通津宣化門范瓊以千人出戰渡河水裂沒者五

百人自是士氣益挫會大雨雪連日夜不止何桌數趣

郭京出師

數音朔 趣音促

京用六甲法盡令守禦人下城毋得

竊窺因大啓宣化門出攻金師京與張叔夜坐城樓上

金兵分四翼鼓譟而前京兵敗退走墮於護龍河填

尸皆滿城門急閉京遽白叔夜曰須自下作法因下城

引餘衆南遁

京在路稱撒豆成兵假幻 惑衆至襄陽張思正誅之

金師遂登城衆

皆披靡四壁兵皆潰金人焚南熏諸門統制姚仲爰死

於亂兵統制何慶言陳克禮中書舍人高振力戰與其

家人皆被害京城遂陷帝聞之慟哭曰不用种師道言

臨河要擊之言 見金人入汴

以至於此衛士入都亭驛執金使劉晏

斬之軍民數萬斧左掖門求見天子帝御樓慰遣之衛

士長蔣宣帥其衆數百欲徼乘輿犯圍而出

徼邀同乘 去聲後同

左右奔散獨孫傅梅執禮呂好問侍好問譬曉之曰若

屬誠忠義然乘輿將駕必甲乘無缺而後動詎可輕邪

音 耶宣訕服曰尚書真知軍麾其徒退尚書右僕射何桌

欲親帥都民巷戰。金人宣言議和退師，乃止。帝聞金人

欲和而退，命何桌及濟王栩使其軍以請成。宗子。粘沒

喝幹，離不曰：自古有南即有北，不可相無也。今之所議

期在割地而已。桌還言：金人欲徼上皇出郊，帝曰：上皇

驚憂而疾，必欲之出，朕當親往。是日有白氣出太微，彗

星見。又明日，帝如青城，粘沒喝軍奉表請降，以金遺粘

沒喝，幹離不遺去二人云：金主欲別立賢君，以為宋國

主，仍去帝號。帝默然，何桌喜和議成，既歸都堂，作會飲

酒，談笑終日。

十二月朔，帝留青城，粘沒喝遣蕭慶入城，檢視府庫帑藏。

康王構帥師入衛，次於東平。今山東兗州府東平州。

帝至自金營，士庶及太學生迎謁，帝掩面大哭曰：宰相誤

我父子，觀者無不流涕。金遣使來索金一十萬錠，銀二

十萬錠，帛一十萬匹，於是大括金銀，又索京城騾馬，御

馬而下七千匹，悉歸之。又索少女一千五百人。少去官

續赴水死者甚眾。以陳過庭等為割地使，如河東北

割地以界金，民不從。又分遣歐陽珣等二十人持詔而

往。珣字全美，吉州廬陵人。今江西吉安府廬陵縣。珣嘗上書極言祖宗之地，尺

寸不可以與人，復抗論當與力戰，戰敗而失地。他日取

之直，不戰而割地。他日取之曲，時宰怒，欲殺珣，乃以珣

奉使割涇州

今真定府涇州。言行錄云：公既被命，即取告身文書付同年生戴特立曰：持此歸報。

吾不生還矣。

珣至城下，慟哭謂城上人曰：朝廷為姦臣所誤，至此，吾已辦死來矣。汝等宜勉為忠義報國。金人怒，執

送燕焚之。

陝西五路宣撫使范致虛會陝西經制使錢蓋師凡十萬

入援，致虛勇而無謀，委己以聽於僧趙宗印。宗印徒大

言實未嘗知兵，至鄧州，金婁室以精騎衝之，不戰而潰。

死者過半，致虛收餘兵入潼關。

在河南府閩鄉縣。

丁二年

五月，高宗構建炎元年。

正月，復詔兩河民降金，不從。

金人索金銀急，且遣使再徼帝。帝有難色，何桌及吏部侍

郎李若水以為無虞，勸帝行。故相唐恪聞之曰：一之謂

甚，其可再乎？閤門宣贊舍人吳革言於桌曰：

宣贊舍人，從七品革。

字義夫，本傳華州華陽人。按宋志華州無華陽。

天文帝座甚傾，若出必墮虜計。

桌不聽。帝命孫傅輔太子監國。

監平聲。

而與桌若水等復

如青城，百姓數萬人挽車號泣曰：

號平聲。

陛下不可出。

帝亦泣下。范瓊曰：皇帝旦出，暮即返矣。百姓投瓦礫擊

之。瓊遂以刃斷挽者之手，車駕至郊。張叔夜猶叩馬諫。

帝曰：朕為生靈故，

為去聲。

不得不親往。叔夜號慟再拜，眾

皆哭。帝回首以字呼之曰：嵇仲努力。

割地使劉韜自經於金軍。初，金人入真定，父老號呼曰：使

劉資政在鎮。豈有此禍。金人益知其名。及京師陷。必欲得鞏。宰相給以割地。使鞏至金營。金人令其國之僕射韓正館鞏於城南壽聖院。正謂之曰。國相知君。今用君矣。鞏曰。偷生以事二姓。有歿不為也。正曰。軍中議立異姓。欲以君為尚書僕射。得以家屬行。與其徒歿。不若北去取富貴。鞏仰天大呼曰。有是乎。乃書片紙曰。貞女不事二夫。忠臣不事二君。予必歿矣。使親信持歸報其子子羽等。即沐浴更衣。酌卮酒而縊。金人歎其忠。瘞之寺西岡上。徧題窗壁以識其處。識音志凡八十日乃就斂。顏色如生。

自帝如青城。都人日出迎駕。粘沒喝斡離不留之。不遣二

月。太學生徐揆

衢州人。今浙江衢州府。

上書乞請帝還宮。金人取

而殺之。金主吳乞買得帝降表。遂廢帝及太上皇帝為

庶人。其知樞密院事劉彥宗請復立趙氏。不許。

彥宗字魯開。大

興宛平人。今直隸順天府宛平縣。

金人根括津般

根尋搜括。使津送般。運於金軍。般俗作搬。

絡繹道路。帝遣使歸

云。朕拘留在此。候金銀數足。方可還。於是分遣搜掘戚

里宗室內侍僧道伎術之家。凡八日。得金三十萬。八千

兩。銀六百萬。兩衣段一百萬。時根括已申了絕。教坊人

孟子著。內侍藍折。醫官周道隆等。各有窖藏金銀。乞搜



取於是金人怒甚開封府復立賞限大行根括凡十八日復得金七萬銀一百十四萬衣段四萬納軍前粘沒喝以金銀不足粘沒喝一作粘罕殺提舉官尚書梅執禮侍郎

陳知質程振給事中安扶振字伯起饒州樂平人今江西饒州府樂平縣餘根

括官胡唐老等各鞭數百唐老字俊明宿曾孫常州晉陵人今江南常州府武進縣

下令曰根括官已正典刑金銀尚或未足當縱兵於是

再括金人又索郊天儀制大晟樂器太常禮器及監書

圖籍印版珍奇圖畫胡化切琴碁博戲之具悉置金營四

日乃止

二月帝在青城都人日出迎駕金人塹南熏門路人心大

恐

金人令翰林承旨吳玘吏部尚書莫儔入城令推立異姓

堪為人主者且徼上皇出城京城巡檢范瓊逼上皇與

太后御犢車出宮鄆王楷及諸妃公主駙馬及六宮有

位號者皆行唯元祐皇后孟氏以廢居私第得免金人

以內侍鄧述所具諸王皇孫妃主檄開封府尹徐秉哲

盡取之秉哲令坊巷五家為保毋得藏匿前後凡得三

千餘人秉哲悉令衣袂相聯屬而往金人逼帝及上皇

易服李若水抱持而哭詆金人為狗輩金人曳若水出

擊之敗面氣結仆地粘沒喝令曰必使李侍郎無恙若

水絕不食。或勉之曰：事無不可為者。今日順從，明日富貴矣。若水歎曰：天無二日，若水寧有二主哉！其僕亦慰解之曰：公父母春秋高，若少屈，冀得一歸覲。若水叱之曰：吾不顧家矣。忠臣事君，有死無二。乃罵不絕口。監軍搥破其脣，噴血罵愈切。至以刃裂頸，斷舌而死。年三十五金人相與言曰：遼國之亡，死義者十數。南朝唯李侍郎一人。金人又逼上皇、召皇后、太子留守。孫傅密謀匿之。民間別求狀貌類太子者，及宦者二人殺之，并斬死囚十數人。給金人曰：宦者欲竊太子出，都人爭鬪殺傷。誤中太子。中去聲因帥兵討定，斬其為亂者以獻。苟不已，則以

死繼之。越五日，無肯承其事者。吳玠、莫儔督脅甚急。范瓊迫衛士擁皇后、太子共車而出。傅曰：吾為太子傅，當同死生。金人雖不吾索，吾當與俱行。傅寓皇城司，其子來省。傅謂之曰：吾已分死國。分扶問切揮使速去。子亦泣曰：大人以身殉國，兒尚何言。遂以留守事付王時雍。蜀人今四川從太子出。百官軍吏奔隨號哭。號平聲太子亦呼云：百姓救我，哭聲震天。至南熏門，范瓊力止傅。金守門者曰：欲得太子，留守何預。傅曰：我宋之大臣，且太子傅也。當死。遂宿門下以待命。

初張邦昌為少宰，與太宰李邦彥力主和議。及奉康王往

金軍為質致音徽欽宗署御批無變割地欽宗不許靖康元年

正月及歸以為太宰二月議者謂邦昌私於敵故粘沒

喝復至社稷之賊也遂罷之三月至是金人遣吳玠莫

儔入京集百官議立異姓眾莫敢出聲王時雍揆知敵

意在張邦昌適尚書員外郎宋齊愈至自金營眾問之

齊愈取片紙書張邦昌三字時雍遂以邦昌姓名入議

狀簽書樞密事張叔夜不肯署狀且移書金師請立太

子金人執置軍中粘沒喝給之曰孫傅不立異姓已殺

之公年老大家豈可與傅同歿叔夜曰世受國恩義當

與之存亡今日之事有歿而已金人義之太常寺簿張

浚寺主簿從八品浚字德遠漢州綿竹人今成都府綿竹縣開封士曹趙鼎京府諸曹參軍

從八品鼎字元鎮解州聞喜人今平陽府聞喜縣司門員外郎胡寅司門員外郎正七品

寅字明仲建州崇安人皆逃入太學中不書名唐恪書名仰藥而

歿時雍以兵脅百官俾范瓊諭眾以立邦昌意眾唯唯

並魚水切時雍先署狀以率百官御史馬伸字時中東平人為議狀

於金師極言異姓不可立願復嗣君以安四方且論邦

昌當上皇時蠹國亂政以致社稷傾危伸以中丞秦檜

臺長音屬橐就呼吏書之首列檜名與御史吳給力請

檜不得已從之狀至金師金人怒執檜去吳玠莫儔持

狀詣軍前請邦昌入居尚書省邦昌及從逆諸臣誅譴並見後高宗嗣統

三月金人立張邦昌爲楚帝。令百官班迎勸進。宣贊舍人  
吳革謀先誅范瓊輩。劫還二帝。以討邦昌。期以三月八  
日舉事。帥內親事官數百人。皆先殺其妻子。焚所居。舉  
義金水門外。呂好問張所吳倫等數人預其謀。所青州人。今山  
東青州府。前期二日。有班直甲士數百人。排闥入言邦昌以  
七日受冊。請急起兵。革被甲上馬。被音披至咸豐門。四面  
皆瓊黨。執之。脅以從逆。革大罵。歿之。其麾下百人皆歿。  
明日。冊寶至。邦昌北面拜舞。升文德殿。設位御牀西。受  
賀。王時雍率百官遽拜。邦昌東南拱立。是日風霾。日暈  
無光。百官慘沮。邦昌亦變色。唯吳玘莫儔范瓊等欣然。

以爲有佐命功。邦昌心不安。拜百官皆加權字。以時雍  
權知樞密。玘權同知樞密事。儔權簽書院事。好問權門  
下省。徐秉哲權中書省。百官猶未以帝禮事邦昌。唯時  
雍每言事邦昌前。稱臣啓陛下。邦昌斥之。時雍勸邦昌  
坐紫宸垂拱殿。以見金使。吏部侍郎呂好問曰。官省故  
吏驟見御正衙。必將憤駭。且不測。柰何時雍復議肆赦。  
好問曰。四壁之外。皆非吾有。將誰赦乎。乃止。時邦昌文  
書雖不改元。而必去年號。唯好問稱靖康二年。上皇在  
軍中。聞邦昌僭位。歎曰。邦昌若以節歿。則社稷增重。今  
既尸君之位。則吾事決矣。因泣下霑襟。及金人將還。邦

昌詣營祖之。送行曰祖道服柘袍。張紅蓋。所過設香案起居。

時雍秉哲。拜儔皆從。觀者無不感憤。都人目時雍為賣

國牙郎。

四月。金幹離不以太上皇帝。太上皇后與親王皇孫駙馬

公主妃嬪及康王母章賢妃康王夫人邢氏等。由滑州

北去。粘沒喝以帝及皇后太子妃嬪宗室并何桌孫傅

張叔夜司馬朴秦檜等。由鄭州北去。朴字文季。陝州夏縣人。今平陽府夏

縣張邦昌率百官遙辭二帝於南熏門。眾慟哭。有仆絕

者。凡法駕鹵簿冠服禮器法物大樂教坊樂器祭器。入

寶九鼎圭璧。渾天儀銅人刻漏古器。祕閣三館書。天下

州府圖及官吏內人內侍伎藝工匠倡優府庫蓄積。為

之一空。為去聲副元帥宗澤在衛。今衛輝府聞二帝北行。即提

軍趨滑。走黎陽。在大名府濬縣至大名。欲徑渡河。據金人歸路。

徵還二帝。而勤王之兵。卒無至者。遂不果。

上皇離青城。金人以牛車數百乘。去聲載諸王後宮。皆胡人

通華言。至邢趙間。今真定順德二府之地幹離不遣郭藥師迎謝

藥師。遼人來降。叛從金。帝曰。天時如此。非公之罪。藥師

慙而退。帝自離青城。頂青氈笠。乘馬。自鄭州而北。每

過一城。輒掩面號泣。至代。今太原府代州工部員外郎滕茂實

諸部員外郎從。七品茂實。字秀穎。號泣迎謁。茂實蓋嘗

副路允迪出使者粘沒喝逼茂實胡服茂實力拒不從且請侍舊主俱行粘沒喝不許

五月康王構即位遙上靖康帝尊號曰孝慈淵聖皇帝生母章氏為宣和皇后遙立夫人邢氏為皇后

六月尚書右僕射李綱言近世士大夫寡廉恥不知君臣之義靖康之禍能仗節死義者在內唯李若水劉韜在外唯霍安國願加贈卹帝從其請遂贈若水觀文殿學士謚忠愍安國延康殿學士韜資政殿學士仍詔有死節者諸路詢訪以聞

安置張邦昌王時雍徐秉哲吳玠莫儔等於諸州尋皆伏

誅

見後高宗嗣統

遣宣義郎傅雱使金軍通問二帝初中書侍郎黃潛善字茂

和邵武人白遣雱為祈請使又遣太常少卿周望為通問使

俱未行李綱上言今日之事正當枕戈嘗膽晉劉琨為侍中太尉

少與祖逖為交每枕戈待旦志欲討賊越王句踐棲於會稽懸膽於坐坐臥仰瞻內脩外攘使

刑政脩而中國彊則二帝不俟迎請而自歸不然雖冠

蓋相望卑辭厚禮恐亦無益今所遣使但當奉表通問

兩宮致思慕之意可也帝遂命綱草表以雱為使奉表

以往且致書於粘沒喝

淵聖皇帝渡白溝

在直隸保定府新城縣宋與遼以此為界簽書樞密院事張

叔夜歿之。叔夜既北遷，道中唯時飲水，義不食粟。至白溝，御者曰：「過界河矣。」叔夜乃矍然起，仰天大呼，遂不復語。扼吭而歿。何桌孫傅從淵聖帝至燕山，亦相繼卒。朝廷聞叔夜歿，贈開府儀同三司，謚忠文。

金幹，離不聞帝卽位，議歸上皇以講好。未幾而歿。事遂寢。

七月，閣門宣贊舍人曹勛。

字公顯，陽翟人。今開封府禹州。

以太上皇帝手

書至自金。太上在燕山，謂勛曰：「我夢四日竝出，此中原爭立之象。不知中原之民尚肯推戴康王否？」因出御衣，絹半臂，親書其領，中曰：「便可卽真來救父母。」又諭勛曰：「如見康王，第言有清中原之策，悉舉而行之。毋以我爲念。」

康王夫人邢氏亦脫所御金環，使內侍持付勛，曰：「幸爲我白大王，願如此環，得早相見也。」勛遂間行至南京。

間去聲。

以御衣進入，帝泣以示輔臣。勛因建議募死士入

海，至金東境，奉上皇由海道歸。黃潛善、汪伯彥難之，出勛於外。

宋自太祖建隆元年庚申，至欽宗靖康二年丁未，凡九主，計一百六十八年。

戊申

高宗建炎二年。

金天會六年。

五月，以前資政殿學士宇文虛

中充金國祈請使。

虛中字叔通，成都華陽人。今成都府華陽縣。

金人遣諸使

臣歸。虛中曰：「二帝未還，虛中不可歸。」遂獨留。時金國初

建制度草創頗愛虛中有才藝每加官爵虛中即受之

遂與韓昉俱掌制昉字公美燕人今順天府因是知東北之士憤恨

陷北密以信義結納金人不之覺後以蠟書來告於朝秦檜拒不納事覺與

子師瑗皆坐誅一門無噍類後謚肅愍

初淵聖自雲中徙燕山始與太上皇相見居於慈忠寺在京師順

城門外八月至金會寧府今遼東三萬衛以素服見金太祖廟

遂見金主晟以太上皇帝為昏德公淵聖皇帝為重昏

侯徙之韓州去燕京一千五百餘里命晉康郡王孝騫等九百餘

人至韓州同處給田十五頃令種蒔以自給唯秦檜不

與徙依撻懶以居撻懶亦厚待之其濮王仲理等千八

百人尚在燕計口給糧歿者甚眾時帝子王孫官門仕族之家陷入虜庭沒

為奴婢使供作務每人一月支稗子五斗令自舂得一斗八升用為餼糧歲支麻五把令緝為裘不能緝者終

歲裸體或憐之使執爨雖微有煖氣旋出取柴歸坐火邊皮肉脫落矣

己酉三年金天會七年正月范瓊伏誅

庚戌四年金天會八年七月金徙帝於五國城去上京東北千里

上京即會寧府徙踰月太上皇后鄭氏崩徽猷閣待制洪皓自

雲中密遣人奏書待制從四品皓字光弼以建炎二年使北留雲中鄱陽人今饒州府鄱陽

縣一統志作饒州府樂平人

以桃梨栗麪等獻二帝始知帝即位之

實皓嘗為秀州司錄秀州大水民多失業皓白守賑荒恐其紛競乃別以黑白幟涅其手以誌之令嚴而惠徧浙東綱米過城下皓白守留之守不可皓曰願以身易十萬人命人感之切骨號洪佛子其後秀州軍亂



縱掠郡中。惟不犯皓門。秀州。今浙江嘉興府也。皓久在北庭。不堪其苦。然為金人所敬。所著詩文。爭相鈔誦。既歸。後金使者至。必問皓為何官。居何地。所著有松漠紀聞。

十一月冬至。帝率百官遙拜二帝。自渡江至是。始有此禮。其後正旦亦然。

癸丑 紹興三年。金天會十一年。八月。沂王樛與駙馬劉文彥告金人

以二帝謀變。金人按問無狀。樛等伏誅。樛。徽宗子。

乙卯 五年。金興宗。宣仍稱天會十三年。三月。太上皇崩於金。年五十四。太上自

離汴。與淵聖及后妃族屬。備極窘辱。至是遺言欲歸葬

內地。金主不許。時兵部侍郎司馬朴與奉使朱弁。字少章。徽

州婺源人。今徽州府婺源縣。在燕山聞之。共議制服。弁欲先請。朴曰。

為臣子。聞君父喪。當致其哀。尚何請。設請而不許。柰何

遂服斬衰。音催。朝夕哭。金人義之而不責。時洪皓流遞冷

山。流遞猶中國編竄也。冷山去雲中兩月餘。聞之。北向泣血。操文以祭。其辭

激烈。聞者揮涕焉。

丁巳 七年。金天會十五年。正月。忠訓郎何蘓還自金。始聞太上皇帝

及太上皇后崩。帝成服。知嚴州胡寅上疏請致喪三年。

衣墨臨戎。以化天下。衣去聲。帝欲遂終服。尚書右僕射同

平章事張浚言。天子之孝。不與士庶同。必思所以奉宗

廟社稷。今梓宮未返。天下塗炭。願陛下揮淚而起。斂髮

而趨。一怒以安天下之民。帝乃命浚草詔。告諭羣臣。外

朝勉從所請以日易月宮中仍行三年之喪浚又請命

諸大將率三軍發哀成服俾中外感動從之時帝遇朔

望猶率羣臣遙拜淵聖中丞廖剛字用中南劍州順昌人今延平府順昌縣

言禮有隆殺所快切兄為君則君之己為君則兄之可也

請歲時行家人禮於內庭從之

三月遙尊宣和皇后韋氏為皇太后

九月上太上皇廟號曰徽宗太后曰顯肅

己未九年金天眷元年秋皇后邢氏崩於五國城

辛酉十一年金皇統元年二月金追封太上皇為天水郡王封淵

聖帝為天水郡公

金遣審議使蕭毅邢具瞻來議以淮水為界求割唐鄧二

州今南陽府唐縣鄧州及陝西餘地歲幣銀絹各二十五萬許歸

梓宮太后帝悉從其請十一月以何鑄為簽書樞密院

事鑄字伯壽餘杭人今杭州府餘杭縣奉表稱臣於金毅辭帝諭曰若今

歲太后果還自當謹守誓約如今歲未也則誓文為虛

設又召鑄至內殿諭之曰朕北望庭闈無淚可揮卿告

金主當曰慈親之在上國一老人耳在本國則所繫甚

重以至誠說之說音稅庶彼有感鑄至金首以太后為請

金主許之遂遣鑄還

壬戌十二年金皇統二年八月金人歸徽宗皇帝顯肅皇后鄭氏

及懿節皇后邢氏之喪。帝易總服。奉安龍德別宮。尋攢於永裕陵。

皇太后韋氏至自金。居於慈寧宮。后有智慮。聞金人許還三梓宮。恐其反覆。呼役者畢集。然後起攢宮。時方暑。金人憚行。后慮有他變。乃陽稱疾。須秋涼。進發。已而稱貸於金使。得黃金三千兩。以犒其衆。由是途中無虞。初靖康之

亂。徽宗女柔福帝姬隨北狩。建炎四年。有女子詣闕。自稱柔福。從虜中潛歸。遣老宮人視之。其貌良是。問以宮禁舊事。能言其彷彿。但以足長大疑之。女子顰蹙曰。金人驅迫如牛羊。跣足行萬里。寧復故態哉。帝惻然不疑。即詔入宮。授福國長公主。下嫁高世榮。制詞云。彭城方急。魯元當困於面。馳江左。既興。益壽。宐充於禁。嚮及太后。回鑾。言柔福歿於虜中久矣。乃執付詔獄。本一女巫也。嘗遇一宮婢。稱其貌類柔福。因告以宮禁事。教之為。

詐計其前後資裝。請給賜賚。已四十七萬九千緡矣。乃伏誅。

辛未二十一年。金廢主亮。二月。以簽書樞密院事。巫伋為金

國祈請使。請迎淵聖歸國。金主曰。不知歸後何處頓放。

伋唯唯而退。唯魚水切。

丙子二十六年。金正隆元年。六月。淵聖皇帝崩於金。

九月。皇太后韋氏崩。年八十。謚曰顯仁。

辛巳三十一年。金正隆六年十月。五月。金主亮使人來求漢

淮之地。副使右司員外郎王全謂帝曰。趙桓今已歿矣。帝始聞淵聖崩。發哀詔。持斬衰三年。上廟號曰欽宗。

七月。金主亮殺宋遼宗室百三十餘人。

庚寅 孝宗乾道六年 金大定十年 十一月以趙雄為中書舍人 雄字

溫叔資州人今成都府資縣中書舍人正四品 遣如金賀生辰別函書請陵寢 宋陵寢皆在洛陽時沒於金 及更受書之禮金主不許謂雄曰汝國

何舍欽宗靈柩而請鞏洛山陵如不欲欽宗之柩我當為爾國葬之明年三月金葬欽宗皇帝於鞏洛之原以

一品禮

丁酉 孝宗淳熙四年 金世宗雍大定十四年 二月金葬宋遼宗室於河

南廣寧舊陵

高宗嗣統 李綱輔政

丙午 欽宗靖康元年 金太宗邪律晟天會四年 正月以少宰兼中書侍郎

張邦昌為計議使 少宰時為政府兼銜邦昌字子能永靜軍東光人今直隸河間府東光縣

○少去聲使去聲後凡使職及使者奉使等俱同 奉康王構往金軍為質以求 成構徽宗第九子章賢妃所生○質音致後俱同

二月金幹離不召諸使者詰責用兵違誓之故 時李綱主戰拒金人

○幹離不太祖阿骨打子 張邦昌恐懼涕泣康王不為動 ○幹烏括切離音離

金人異之又嘗與金太子射連發三矢皆中的連珠不

斷金人以為必將家子非親王也因請以他王為質帝

命肅王樞往康王及邦昌還金人聞援兵四集遂北去

通鑑本末紀要 卷六十八  
蕭王從之。

八月金人復分道南下十一月渡河京師戒嚴詔資政殿

學士王雲

資政學士正三品雲字子飛澤州人今山西澤州

副康王使韓離不

軍許割三鎮

中山河

王至磁州

今河南彰德府磁州

守臣宗澤迎

謁曰蕭王一去不返又詭辭以致大王且其兵已迫復

去何益請勿行時金軍濟河游奕日至磁城下

游奕往來偵候

者蹤迹王所在知相州汪伯彥

相州今彰德府伯彥祁門人今江南徽州府祁

門縣○

亟以帛書請王如相

如往也

部兵以迎於河上王

勞伯彥曰

勞去聲

他日見上當首以京兆薦公

閏月殿中侍御史胡唐老

殿中侍御史正七品唐老字俊明宿子崇州晉陵人今江南常

州府武進縣

言康王奉使至磁而為士民所留乃天意也乞

拜為兵馬大元帥

所類切

俾帥師入援從之

帥音率

帝令募

死士得秦仔劉定等四人遣持蠟詔如相州於頂髮中

出詔王讀之哽咽軍民感動

十二月康王開大元帥府於相州有兵萬人分為五軍進

次大名

今直隸大名府

宗澤以二千人與金人力戰破其三十

餘砦

土邁切

兵威稍振會聞金人議和耿南仲汪伯彥請

移軍東平

今山東兗州府東平州

王從之

南仲時以門下侍郎使韓離不軍與金使王洎

偕行衛人欲殺洎洎脫去南仲奔相州見前二帝北狩南仲開封人今河南開封府

丁二年

五月高宗建炎元年

正月帝如金軍

見二帝北狩

副元帥宗澤自大名至開德今大名府開州與金人十三戰皆捷

遂以書勸康王檄諸道兵會京城又移書北道總管趙

野河東宣撫范訥知興仁府曾懋興仁今兗州府曹州合兵入援

三人皆以澤為狂不荅澤遂以孤軍進至衛南衛今河南衛輝

府度所將寡度音鐸將去聲後凡將帥及諸將等俱同不深入不能成功先

驅云前有敵營澤揮眾直前與戰敗之轉戰而東敵益

生兵至澤將王孝忠戰歿前後皆敵壘澤下令曰今日

進退皆歿不可不歿中求生士卒知必歿無不一當百

斬首數千金人大敗退却數十里澤計敵眾十倍今一

戰而却勢必復來使悉其鐵騎夜襲吾軍則危矣乃暮

徙其營金人夜至得空營大驚自是憚澤不敢復出兵

澤出其不意遣兵過大河襲擊又敗之

二月金人劫上皇及后妃太子宗戚至其軍見二帝北狩

康王構帥師次於濟州王有眾八萬分屯濟濮諸州濟今兗州

府鉅野縣濮今山東東昌府濮州高陽關安撫使黃潛善高陽關在直隸保定府高

陽縣潛善字茂和邵武人今福建邵武府總管楊惟忠亦以兵數千至東平

金人遣甲士及中書舍人張澂齎蠟詔自汴京至命王

以兵付副帥而還京王問計於左右統制張俊曰俊字伯英

鳳翔成紀人今陝西鞏昌府秦州此金人詐謀爾今大王居外此天授

豈可徒往因請進兵王遂如濟州既而金人謀以五千

騎取康王。吏部侍郎呂好問聞之。

吏部侍郎從三品。好問字舜徒。公著孫。壽州人。今江南。

遣人以書白王曰：大王之兵，度能擊則徼

擊之。

度音鐸。徼通。作邀。後同。

不然，即宜遠避。

三月，金立張邦昌為楚帝。

見二帝北狩。

四月，金人以二帝及后妃太子宗戚三千人北去，議留兵

以衛邦昌。呂好問曰：南北異宜，恐北兵不習風土，必不

相安。金人曰：留一李堇，統之可也。

金官長皆曰李極烈。其部長曰李堇，統數

部者曰忽魯。

好問曰：李堇貴人，有如觸發致疾，則負罪益深。

金人乃不留兵而去。呂好問謂張邦昌曰：相公真欲

立邪？

音那。後同。

抑姑塞敵意而徐為之圖也？邦昌曰：是何言

也！好問曰：相公知中國人情所向乎？特畏女真兵威耳。

女真若去，能保如今日乎？大元帥在外，元祐皇后在內。

此殆天意，盍亟還政，可轉禍為福。且省中非人臣所處。

上聲。

宜寓直殿廬，毋令衛士夾陛。敵所遺袍帶，非戎人在

勿服。車駕未還，所下文書，不當稱聖旨。又曰：為今計者，

當迎元祐皇后，請康王早正大位，庶獲保全。會御史馬

伸具書請邦昌速奉迎康王。

御史從七品。伸字時中，東平人。

同院無肯

連名者。伸獨持以往，極陳逆順利害。自邦昌僭立言事

者，皆用君臣之禮。至伸始貽書稱太宰相公，邦昌為之

氣沮。

為去聲。

乃尊哲宗皇后孟氏為宋太后，入御延福宮。

其策太后語有云尚念宋氏之初首崇西宮之禮蓋用宋太祖卽位迎周太后入西宮故事識者惡其不臣

遣人至濟州訪康王好問又謂邦昌曰天命人心皆歸

康王相公先遣人推戴則功無在相公右者若撫機不

發他人聲罪致討悔可追邪會宗室子崧知淮寧府

太祖子燕懿王德昭五世孫淮寧今開封府陳州與江淮經制使翁彥國等誓

衆登壇同獎王室移書訶斥邦昌辭旨嚴正邦昌乃復

遣謝克家奉迎偽知樞密王時雍曰騎虎者勢不得下

所宜熟慮他日噬臍言事當無及如噬者之不能及臍也悔無及已偽權

中書省徐秉哲從旁贊之邦昌不敢從克家至濟州王

不許以書諭宗澤等曰邦昌受偽命之人義當誅討然

慮事出權宜未可輕動合移師近都按甲觀變澤復書

謂邦昌篡亂蹤迹已無可疑今二聖諸王悉渡河而北

惟大王在濟天意可知宜亟行天討興復社稷好問亦

遣人來言大王不自立恐有不當立而立者王然之

元祐皇后降手書告中外曰比以敵國興師此音庫都城失

守既二帝之蒙塵謂三靈之改卜衆恐中原之無統姑

令舊弼以臨朝雖義形於色以死爲辭而事迫於危非

權莫濟遂成九廟之安坐免一城之酷乃以衰癯之質

起於閒廢之中舉欽聖已還之典成靖康欲復之心欽聖

獻肅向氏神宗后永言屯運流涕何從仰惟藝祖之開基實自



高穹之眷命。歷年二百。人不知兵。傳序九君。世無失德。

雖舉族有北轅之釁。而敷天同左祖之心。乃眷賢王。越

居近服。漢家之厄十世。宐光武之中興。獻公之子九人。

惟重耳之尚在。茲乃天意。夫豈人謀。夫音扶尚期中外之

協心。同定安邦之至計。濟州父老詣軍門。言州四旁望

見城中火光屬天。屬音燭請王即皇帝位。會宗澤及權知

應天府朱勝非。字藏一。邦昌婿。蔡州人。今河南汝寧府。言南京乃藝祖興

王之地。南京。宋應天府。今河南歸德府。宋太祖初為歸德節度使。取四方中。漕運尤

便。請幸之以圖大事。王遂決意趨應天府。張邦昌來見。

伏地請死。王慰諭之。命築壇於府門之左。五月朔。王登

壇受命。畢。慟哭。遙謝二帝。遂即帝位。改元建炎。大赦。惟

蔡京童貫朱勔李彥孟昌齡梁師成譚稹子孫。更不收

敘。是日。元祐皇后在東京撤簾。東京。汴都也。今開封府。

遙上靖康帝尊號曰孝慈淵聖皇帝。生母韋氏為宣和皇

后。遙立夫人邢氏為皇后。尊元祐皇后為元祐太后。

以黃潛善為中書侍郎。即參知政事之職。汪伯彥同知樞密院事。

正二品。帝問宰執何以處邦昌。處上聲。下同。黃潛善等曰。邦昌

為金人所脅。今已自歸。惟陛下所處。帝曰。朕欲馭以王

爵。異日金人有辭。使邦昌以天下不忘本朝。而歸寶避

位之意告之。遂加太保。封同安郡王。尋詔邦昌宐如文

彥博故事一月兩赴都堂參決大事又加太傅

耿南仲馮澥罷

澥字長源官尚書左丞普州安岳人今四川潼川州故安岳縣

初故相李綱再貶寧江

綱字伯紀邵武人寧江軍在四川夔州府按綱靖康傳信錄時荆南

盜阻假道長沙以趨夔

峽在靖康元年九月金兵復至淵聖悟和議之非召

綱為開封尹行次長沙

今湖廣長沙府

即帥湖南勤王師入援

未至而京城失守至是召拜尚書右僕射兼中書侍郎

時用元豐官制右僕射為次相職銜

御史中丞顏岐奏曰中丞正四品

張邦昌

金人所喜雖已為三公郡王宜更加平章事李綱金人

所惡

烏路切

雖已命相宜及其未至罷之章五上帝曰如

朕之立恐亦非金人所喜岐語塞而退右諫議大夫范

宗尹

諫議大夫從四品宗尹字覺民鄧城人在湖廣襄陽府東北

論綱名浮於實有

震主之威帝亦不聽時黃潛善汪伯彥自謂有攀附之

勞睥睨總揆及召綱於外二人不悅遂與綱忤

元祐太后遣呂好問奉手書詣應天帝勞之曰

勞去聲

宗廟

獲全卿之力也除尚書右丞

亦參知政事之職

後李綱以羣臣

在圍城中不能執節欲悉按其罪好問曰王業艱難正

宜含垢繩以峻法懼者衆矣綱乃止

時王淵楊惟忠以河北兵

淵字幾道環州人今陝西慶陽府環縣

劉光世以

陝西兵

光世字平叔保安軍人今陝西延安府保安縣

張俊苗傅以帥府及降

盜兵

俊見前傅上黨人今山西潞安府

皆在行朝

音潮後同

不相統一乃置

御營司主行幸總齊軍政以黃潛善兼御營使汪伯彥

副之而以王淵為都統制劉光世提舉一行事務韓世

忠為左軍統制世忠字良臣延安府人今延安府張俊為前軍統制楊惟

忠主管殿前公事

罷耿南仲安置南雄今廣東南雄府言者謂陛下欲進兵京城為

南仲所沮帝曰南仲誤淵聖天下共知朕嘗欲手劔擊

之因論靖康主和誤國奉使割地罪安置李邦彥吳敏

蔡懋李棡宇文虛中耿南仲鄭望之李鄴等於遠州邦彥

字士美官太宰懷州人今河南南懷慶府敏字元中官少

宰真州人今江南揚州府儀真縣懋確子官左丞晉江

人今福建泉州府晉江縣棡官尚書右丞虛中字叔通

官簽書樞密院成都華陽人今四川成都府華陽縣望

之字顧道官員外郎彭城人今江南徐州

以勤王稽緩責西北道總管王襄永州安置趙野邵州安

置襄初名寧鄧州南陽人今河南南陽府南陽縣野開

封人永州今永州府邵州今寶慶府邵陽縣俱屬湖

廣按傳二人分總西北道金人陷河中府今山西平陽府蒲州及解絳慈隰諸州諸州今俱屬平陽府

六月以黃潛善為門下侍郎李綱至行在入對涕泗交

集帝為動容為去聲因言方今內脩外攘還二聖而撫萬

邦責在陛下與宰相臣自視欲然不足以副陛下委任

之意且臣在道顏岐嘗封示論臣章謂臣為金人所惡

鳥路切乞追寢成命帝為之貶顏岐出范宗尹為去聲綱猶

力辭。帝曰：朕知卿忠義智畧久矣。欲使敵國畏服，四方安寧，非相卿不可。其勿辭。綱乃頓首泣謝，且言：唐明皇

欲相姚崇。相竝去聲崇以十事要說。崇字元之，陝州硤石人。在河南府陝州十

事見四十二卷玄宗紀畧。○要平聲，說音稅。皆中一時之病。中去聲今臣亦以

十事仰干天聽，陛下度其可行者，賜之施行。度音鐸，後同臣

乃敢受命。一曰：議國是，謂能守而後可戰，能戰而後可

和，而靖康之末皆失之。今欲戰則不足，欲和則不可，莫

若先自治，專以守為策。二曰：議巡幸，謂車駕不可不一

至京師，見宗廟，以慰都人之心。度未可居，則為巡幸之

計。以天下形勢而言，長安為上。今陝西西安府襄陽次之。今襄陽府

建康又次之。今江南江寧府皆當詔有司預為之備。三曰：議赦

令。謂前日赦書，乃以張邦昌偽赦為法。如赦惡逆及罪

廢官，盡復官職，皆汎濫不可行。宜悉改正。四曰：議僭逆，

謂張邦昌為國大臣，不能臨難歿節。難去聲而挾金人之

勢，易姓改號，宜正典刑，垂戒萬世。五曰：議偽命，謂國家

更大變，鮮仗節歿義之士。更平聲，鮮上聲而受偽官，以屈軹於

其庭者，不可勝數。勝平聲，數上聲昔肅宗平賊，污偽命者，以六

等定罪。見四十三卷安史之亂宜倣之以勵士風。六曰：議戰，謂軍

政久廢，士氣怯惰，宜一新紀律，信賞必罰，以作其氣。七

曰：議守，謂敵情狡獪，勢必復來，宜於沿河江淮，措置控

通鑑本末紀事 卷六十八  
禦以扼其衝。八曰議本政。謂政出多門。紀綱紊亂。宜一歸之於中書。則朝廷尊。九曰議久任。謂靖康間。進退大臣太速。功效蔑著。宜慎擇而久任之。以責成功。十曰議脩德。謂帝始膺天命。宜益脩孝弟恭儉。以副四海之望。而致中興。翌日班綱議於朝。惟僭逆偽命二事。留中不行。綱復言於帝曰。二事乃今日政刑之大者。邦昌以臣易君。不得已而自歸。既不正其罪。又尊崇之。此何理也。陛下欲建中興之業。而尊崇僭逆之臣。以示四方。其誰不解體。又偽命臣僚。一切置而不問。何以厲天下士大夫之節。時黃潛善主邦昌甚力。綱又曰。邦昌僭逆。豈可

留之朝廷。使道路指目曰。此亦一天子哉。因泣拜曰。臣不可與邦昌同列。當以笏擊之。陛下必欲用邦昌。第罷臣。帝頗感動。汪伯彥乃曰。李綱氣直。臣等所不及。帝乃出綱奏。貶邦昌昭化軍節度副使。節度副使。潭州安置。從八品。今長沙府。並安置受偽命臣僚。王時雍徐秉哲吳玠莫儔李擢孫覲等。尋皆伏誅。

贈李若水霍安國劉韜官。用李綱之言也。

以李綱兼御營使。綱入對。言曰。今所當急而先者。在於料

理河北河東。然後中原可保。東南可安。今河東所失者。

忻代太原澤潞汾晉。

忻代二州。俱屬山西太原府。澤今澤州。潞今潞安府。汾今汾州府。晉

今平陽府。餘郡猶存也。河北所失者真定懷衛濬四州。真定今直隸真定府懷衛。其餘三十餘郡皆為朝廷守。茲見前濬今大名府濬縣。

兩路士民兵將所以戴宋者其心甚堅皆推豪傑以為首領多者數萬少者亦不下萬人朝廷不因此時置司遣使以大慰撫之分兵以援其危急臣恐糧盡力疲坐受金人之困雖懷忠義之心援兵不至危迫無告必且憤怨朝廷金人因得撫而用之皆精兵也莫若於河北置招撫司河東置經制司擇有才畧者為之使宣諭天子恩德有能全一州復一郡者以為節度防禦團練使如唐方鎮之制使自為守非唯絕其從敵之心又可資

其禦敵之力使朝廷永無北顧之憂最今日之先務也

帝善其言問誰可任者綱薦張所傅亮所青州人今山東青州府所

嘗為御史在靖康圍城中以蠟書募河北兵應募者十

七萬人亮西人習古兵法以邊功得官都城被圍亮率

勤王兵屢立戰功綱因奏用之綱又立軍法五人為伍

二十五人為甲百人為隊五百人為部二千五百人為

軍各以牌書其姓名命招置新軍及御營司兵並以此

法團結及詔陝西山東諸路帥臣並依此法互相應援

有所呼召使令按牌以遣又請立沿河江淮帥府凡十

有九要郡三十九次要郡三十八總置軍九十六萬七

千五百人。別置水軍七十七將。造舟江淮諸路。

皇子勇生。大赦。李綱言登極曠蕩之恩。獨遺河北河東及

勤王之師。無以勸忠義。願因今赦。廣示德意。從之。於是

人情翕然。間有以捷書至者。間去聲金人圍守諸郡之兵。

往往引去。

以汪伯彥知樞密院事。張慤同知院事。兼提舉戶部財用。

尋遷尚書左丞。慤字誠伯。河間樂壽人。今河間府獻縣。初。慤為計度都輓

運使。帝為大元帥。募諸道兵勤王。慤飛輓踵道。建議印

給鹽鈔。以便商旅。不閱旬。得緡錢五十萬。以佐軍。帝即

位。以為戶部尚書。從二品。至是。慤建言三河之民。怨敵深

入骨髓。請因唐人澤潞步兵雄邊子弟遺意。募兵聯以

什伍。而寓兵於農。使合力抗敵。謂之巡社。其法五人為

甲。五甲為隊。五隊為部。五部為社。皆有長。音掌五社為一

都。社有正副二都社。有都副總首。論者以其法精詳。前

此言民兵者。皆莫之及。詔集為書行之。隸安撫司。

侍御史王賓論呂好問嘗污偽命。侍御史從六品。張邦昌以好問權領門下省。

不可以立新朝。帝曰。邦昌僭號之初。好問募人齎帛書。

具道京師內外之事。金人甫退。又遣人勸進。攷其心迹。

非他人比也。好問自慙。力乞退罷。且言邦昌僭號之時。

臣若閉門潔身。實不為難。徒以世被國恩。所以受賢者

之責。冒圍齋書於陛下。疏入。除資政殿學士知宣州。今

南寧以恩封東萊郡侯。

以宗澤為東京留守。澤累表請帝還京。不報。見後卷黃汪主和累上聲

李綱言熙豐間內外禁旅五十九萬。今禁旅單弱。何以扞

疆敵而鎮四方。莫若取財於東南。募師於西北。若得數

十萬。付諸將以時練之。不久皆成精兵。此最為急務。於

是詔陝西河北京東西路募兵十萬。更番入衛。更平河聲

北西路括買官民馬。勸民出財助國。綱又言步不足以

勝騎。騎不足以勝車。請以戰車之制。頒於京東西路。使

製造而教習之。其法用靖康間統制官張行中所創。兩

竿雙輪。上載弓弩。又設皮籬以扞矢石。下設鐵幫以衛

人足。幫俗作裙長兵禦人。短兵禦馬。旁施鐵索。行則布以為

陣。止則聯以為營。每車用卒二十有五人。四人推竿以

運車。一人登車以發矢。餘執軍器。夾車之兩旁。每陣二

千五百人。以五之一為輜重及衛兵。餘當車八十乘。去聲

下即布方陣。則四面各二十乘。而輜重處中。處上聲

以張所為河北西路招撫使。

七月。右諫議大夫宋齊愈附於黃潛善汪伯彥。上疏論李

綱募兵買馬括財三事之非。不報。時方論僭逆附偽之

罪。而齊愈實書邦昌姓名以示眾者。見二帝北狩於是逮齊



愈於獄引伏遂命戮於東市

以許翰為尚書右丞翰字崧老拱州襄邑人今歸德府睢州

李綱言車駕巡幸之所關中為上襄陽次之建康為下陛

下縱未能行上策猶當且適襄鄧鄧今南陽府鄧州示不忘故

都以繫天下之心帝乃諭兩京以還都之意讀者感泣

既而有詔欲幸東南避敵綱極言其不可且曰自古中

興之主起於西北則足以據中原而有東南起於東南

則不能復中原而有西北蓋天下精兵健馬皆在西北

若委中原而棄之豈惟金人將乘間以擾內地聞去聲盜

賊亦將蠶起為亂跨州連邑陛下雖欲還闕不可得矣

況欲治兵勝敵以歸二聖哉夫南陽光武之所興夫音扶

有高山峻嶺可以控扼有寬城平野可以屯兵西鄰關

陝可以召將士東達江淮可以運穀粟南通荆湖巴蜀

可以取財貨北距三都可以遣救援暫議駐蹕乃還汴

都今開封府宋汴都策無出於此者今乘舟順流而適東南固

甚安便第恐一失中原則東南不能必其無事雖欲退

保一隅不可得也況嘗降詔許留中原人心悅服奈何

詔墨未乾遽失大信於天下帝乃許幸南陽以范致虛

知鄧州致虛字謙叔建州建陽縣人今福建建寧府建陽縣脩城池繕宮室輸錢

穀以實之而汪伯彥黃潛善陰主揚州之議或謂綱曰

外論洵洵咸謂東幸已決綱曰國之存亡於是焉分吾當以去就爭之

詔副都指揮使郭仲荀奉元祐太后如揚州尋更號隆祐太后六

宮及衛士家屬皆從遣使詣汴京迎奉太廟神主赴行在

八月以李綱黃潛善為左右僕射兼門下中書侍郎

侍御史張浚素與宋齊愈厚且黃潛善客也浚字德遠漢州綿竹人今

成都府綿竹縣於是劾綱雖負才氣有時望然以私意殺侍從

謂宋齊愈典刑不當有傷新政不可居相位相去聲又論綱

杜絕言路獨擅朝政士大夫側立不敢仰視事之大小

隨意必行買馬之擾招軍之暴勸納之虐優立賞格公

吏為姦擅易詔令竊庇姻親等十數事黃潛善汪伯彥

等復力排綱請帝去之遂罷綱提舉洞霄宮右丞許翰

言綱忠義英發舍之無以佐中興因力求去不許綱凡

在相位七十七日綱罷而招撫經制司廢車駕遂東幸

兩河郡縣相繼淪陷凡綱所規畫軍民之政一切廢格

金兵益盛關輔殘毀中原盜賊蠡起國不可為矣

殺太學生陳東字少陽潤州丹陽人今鎮江府丹陽縣布衣歐陽澈字德明撫州崇

仁人今江西撫州府崇仁縣以其乞留李綱而罷黃潛善汪伯彥也

右丞許翰八上章求罷遂以資政殿學士提舉洞霄宮

九月張邦昌王時雍等伏誅

初邦昌僭居禁中華國靖恭夫人李氏數以果實奉邦昌

邦昌亦厚荅之一夕邦昌被酒李氏擁之曰大家事已至此尚何言以赭色半臂加邦昌身掖入福寧殿夜飾養女陳氏以進及邦昌還東府李氏私送之語斥乘輿至是事聞下李氏於獄詞伏詔賜邦昌死并誅時雍等

金人盡陷河北諸州郡

十月帝如揚州宗澤上疏諫不

聽兩河士民間帝南幸無不解體

見後卷黃汪主和

十一月竄李綱於鄂州

今湖廣武昌府

尋安置萬安軍

今廣東瓊州府萬州

戊申建炎二年

金天會六年

正月帝在揚州

金人陷南陽

金人陷永興軍

今西安府並見黃汪主和

金粘沒喝

分兵陷襄陽均房唐汝陳蔡鄭州潁昌府悉遷其民於

河北

襄陽見前均今襄陽府均州房今鄖陽府房縣俱湖廣唐今南陽府唐縣汝今汝州蔡見前鄭今開

封府鄭州潁昌今開封府許州俱河南

金帥窩里盟陷濰州

今山東濰州府濰縣

知州韓浩

琦孫相州安陽人今彰德府安陽縣

通判朱廷傑死之

廷傑字里闕

金人陷青州

以劉豫知濟南府

豫景州人今河間府景州濟南府今山東省城

二月金人陷淮寧府守臣向子韶死之

子韶字和卿開封人

金人

陷中山府

今真定府定州

知府陳邁死之

事見黃汪主和邁字亨伯永州人今湖廣

府

和州防禦使馬擴聚兵於五馬山得上皇子信王榛於民

間奉以總制諸砦兩河遺民聞風響應

五馬山在真定府贊皇縣東

河南統制翟進復西京

今河南南府進字先之河南伊陽人在河南南府嵩縣

石壕

尉李彥仙復陝州及絳解諸縣。見黃汪主和石壕卽在陝州縣尉正九品彥仙

字少嚴初名孝忠寧州彭原人。在慶陽府西南八十里。詔彥仙知陝州兼安撫使。

金婁宿陷鳳翔府。今府屬陝西

四月金人入洛州。

信王榛遣馬擴來奏事以榛為河外都元帥擴為馬步軍

都總管。

五月以朱勝非為尚書右丞。

七月東京留守宗澤憂憤而卒。謚曰忠簡詳後黃汪主和

九月金人陷冀州。今真定府冀州將官李政歿之。

金將訛里朶襲破信王榛於五馬山。

十月詔徽猷閣待制孟忠厚奉太后及六宮皇子如杭州。

以苗傅劉正彥為扈從都副統制。忠厚字仁仲隆祐太

廣平府苗傅見前正彥字里闕

十一月金人陷延安府通判魏彥明歿之。詳後經畧關陝彥明開封人

陷開德府守臣王棣歿之。

朝享祖宗神主於壽寧寺并築壇郊祀凡鹵簿樂舞率多

未備取軍中金鼓權一時之用是日大赦。

金人陷相州守臣趙不試歿之。太宗六世孫陷德州兵馬都

監趙叔取歿之。

知府州折可求叛降金知晉寧軍事徐徽言擊金人大破

之。斬婁宿之子。

晉寧軍治葭蘆寨今延安府葭州。徽言字彥猷。父翊。宣和末救太原。歿之。世著

忠義。衢州西安人。今浙江衢州府西安縣。

十二月。太后至杭州。扈從統制苗傅以其軍八千人駐奉國寺。

金人陷東平。濟南知濟南府劉豫叛降金。

豫字彥遊。景州阜城人。今河間。

府阜城縣。

金人陷大名。提點刑獄郭永死之。

永元城人。今大名府屬縣。

以黃潛善汪伯彥為尚書左右僕射兼門下中書侍郎。顏岐朱勝非為門下中書侍郎。盧益同知樞密院事。

金粘沒喝陷襲慶府。

今兗州。

是年金始撰國史。

己酉三年。

金天會七年。

正月。帝在揚州。

金人陷徐州。入泗州。

今鳳

陽府泗州。

二月。劉正彥部兵衛皇子六宮如杭州。

金粘沒喝陷楚州。天長。

楚州今江南淮安府。天長今鳳陽府天長縣。

帝自瓜州

渡江而南。

瓜州在鎮江府江北。

詔錄用張邦昌親屬。用朱勝非計也。

金人陷晉寧軍。徐徽言與其子岡皆歿之。

帝駐蹕杭州。卽州治為行營。下詔罪己。赦歿罪以下。放還

士大夫竄斥者。惟李綱不赦。以悅金人。

中丞張澂論黃潛善汪伯彥大罪二十。乞加罪黜。二人亦

自知不為眾所容。聯章求退。乃罷之。

贈陳東歐陽澈官。

三月以朱勝非為尚書右僕射兼中書侍郎王淵同簽書

樞密院事。

扈從都副統制苗傅劉正彥反立皇子粦請隆祐太后垂

簾聽政。

見後卷苗劉之變。

金人陷京東諸郡以劉豫知東平府界舊河以南使統之。

四月帝復位。右相朱勝非及執政顏岐王孝延張浚路

允迪盧益罷。以呂頤浩為尚書右僕射兼中書侍郎。

頤浩字元直齊州人今濟南府。

李邴為尚書右丞。

邴字漢老濟州任縣人今兗州府濟寧州。

鄭穀簽書樞密院事。

穀字致剛建州人。

自神宗元豐間肇建三省凡軍國事。中書揆而議之。門下

覆審之。尚書承行之。而三省皆不

長官。

長音掌。

以左右

僕射兼兩省侍郎。三相既分班進呈。

三相右僕射以次相兼中書侍郎及

中書門下侍郎也。

首相遂不復預朝廷議論。

首相左僕射也。見六十五卷神宗紀。

哲宗元祐初。司馬光乃請令三省合班奏事。分省治

事。至是從。呂頤浩言。詔左右僕射並同中書門下平章

事。改中書門下侍郎為參知政事。罷尚書左右丞。三省

始合為一。

以李邴參知政事。以潘良貴為考功郎。

良貴字子賤。婺州金華人。今浙

江金華府。考功郎從六品。

尋遷左司郎中。

正六品。

呂頤浩謂曰。旦夕相

引入兩省良貴以親老辭退語人曰宰相進退人材以爲賢則當擢用何可握手密語先示私恩士大夫苟受

其牢籠何以立朝音潮遂乞補外出知嚴州今浙江嚴州府

金人陷鄜坊鄜今鄜州坊今中部縣又陷鞏州今鞏昌府

以滕康簽書樞密院事康字子濟應天宋城人今歸德府

五月帝如江寧以江寧爲建康府

起復朝散郎洪皓爲金國通問使朝散郎正七品皓字光弼鄱陽人今江西饒州

府鄱陽縣願去尊號奉金正朔比於藩臣

六月金兀朮請大起兵南侵金主從之遂陷磁州

七月苗傅劉正彥伏誅皇子粵卒

改杭州爲臨安府

范瓊伏誅見後卷苗劉之變

命李邴滕康權知三省樞密院事扈從隆祐太后如洪州

今江西南昌府都指揮使楊惟忠帥兵萬人以衛

以杜充同知樞密院事充字公美相州人

八月李邴罷以劉珪權知三省樞密院事珪字希范湖州長興人今浙江

湖州府長興縣

閏八月以呂頤浩杜充爲左右僕射竝同平章事

九月金人陷南京守臣凌唐佐歿之唐佐字公弼休寧人今徽州府休寧縣

十月帝至臨安留七日兀朮分兵南下一自滁和入江東

從江南滁和二州至江寧也。

一自斬黃入江西。

今湖廣黃州府及蕪州與江西連界。帝

遂如越州。

今浙江紹興府。

金人陷黃州守臣趙令歲歿之。

令歲燕懿王玄孫。

十一月金人犯廬州。

今江南廬州府。

守臣李會以城降。

兀朮犯

和州守臣李儔以城降。通判唐璟歿之。又犯無為軍。

今廬

州府無為州。

及洪撫袁三州守臣皆降。

以上自斬黃入江西之兵洪撫見前袁今

江西袁州府。

金人陷真州及太平州。

真州見前太平今江南太平府此自滁和入江東之兵。

太后至吉州。

今江西吉安府。

金人追之。后乘舟夜行至太和縣。

今屬

吉安舟人景信反。楊惟忠兵潰。滕康劉珏皆遁。

四年正月。罷之。兵

衛不滿百。遂自萬安登陸。

今吉安府萬安縣。

至虔州。

今贛州府。

府庫

皆空。衛兵所給。惟得沙錢。市買不售。與百姓交鬪。縱火

四掠。鄉兵首領陳新率眾圍城。楊惟忠部將胡爻自外

引兵擊破之。太后少安。

金人陷吉州。又陷六安州。

今屬

廬州府。

帝發越州。將如浙西。迎敵親征。侍御史趙鼎以為眾寡不

敵。請為避狄之計。遂回越州。

鼎字元鎮。解州聞喜人。今平陽府聞喜縣。

以范宗尹參知政事。趙鼎為御史中丞。

金兀朮入建康。

見後金人南侵。

帝如明州。

今寧波府。

十二月定議

航海。舟次於昌國。

今寧波府昌國衛。

金人犯越州。安撫使李鄴

高宗嗣統。

圭



以城降。衛士唐琦罵賊而死。帝次温州今浙江温州台州二府。

庚四年金天會八年正月。帝舟居於海。次台州。

金人陷陝州。觀察使李彥仙歿之。見後金人南侵。

金人陷明州。乘勝破定海昌國。定海縣。今屬寧波府。以舟師來襲御

舟。提領海舟張公裕擊却之。金人引還。

以盧益李回權知三省樞密院事。

二月。金人陷潭州。今長沙府。金兀朮北還。金人入東京。權

留守上官恪出奔。為盜所殺。自是四京皆沒於金。

帝次温州。以金兵退。肆赦。

三月。金兀朮至鎮江。今鎮江府。浙西制置使韓世忠敗之。禽其

婿龍虎大王。俘獲甚眾。兀朮趨建康。既而世忠為其所

敗。兀朮遂北去。然金人自是不敢復渡江矣。詳後卷金人南侵。

四月。帝還越州。金人犯江西者。聞兀朮北還。亦引去。

初。御營使本以行幸。總齊軍政。而宰相兼領之。遂專兵柄。

樞府幾無所預。呂頤浩尤專恣。中丞趙鼎疏論之。罷為

鎮南軍節度使。

五月。以范宗尹為尚書右僕射兼御營使。張守為參知政

事。守字子固。常州晉陵人。趙鼎簽書樞密院事。

七月。關陝宣撫處置使張浚遣兵復陝西軍州。趙哲復鄜

州。吳玠復永興軍。玠字晉卿。時為涇原都監。水洛城人。在平涼府靜寧州。

八月隆祐太后至越州。

九月太上皇后崩於五國城。

金立劉裕為齊帝居大名府改元阜昌。

金人陷楚州鎮撫使趙立歿之。見後金人南侵立徐州人。

張浚兵敗關陝大震浚退保秦州上書待罪帝手詔慰勉

之自是關陝不可復矣。

十月秦檜自金歸。檜字會之江寧人以御史中丞從二帝北狩。范宗尹李回與

檜善力薦其忠帝見而喜之先是朝廷雖數遣使於金

數音朔然且守且和專意與金解仇息兵則自檜始。

十一月趙鼎罷以秦檜為禮部尚書。

金人陷涇原遂取渭州。涇原治涇州渭州在平涼府。

日南至帝始率百官遙拜二帝其後正旦亦然。

金人畧熙河副總管劉惟輔歿之。見後經畧關陝惟輔涇州人。

初帝在河朔親見閭閻之苦嘗歎知縣不得其人民一充

役即至破家及即位浚為講議定差役法以二十五家

為一保十大保為一都。保加大字其說未詳文獻通攷亦同。內擇才力高

富者二人為都保主一都盜賊煙火之事其次有保長

若品官則一品限田五十頃至九品五頃免差子孫廕

盡則同編戶太學生及得解經省試者許募人充役軍

丁女戶及孤弱悉免。

通鑑本末紀事  
卷六十一  
辛紹興元年。金天會九年正月帝在越州。

二月以秦檜參知政事。

三月金兀朮陷鞏洮河樂蘭廓積石西寧州。鞏見前洮今洮州衛河今

河州衛樂州故遼川城也今西寧衛鄯城廢縣蘭今臨洮府蘭州廓州及積石軍俱在河州衛境西寧今西寧衛以上皆屬陝西自是涇原熙河二路皆為金有。

四月隆祐太后孟氏崩。年五十九謚曰昭慈獻烈。

江東宣撫使劉光世復楚州。五月揚州統制郭仲威本

山東降盜謀據淮南以避劉豫光世使都統制王德襲

揚州禽仲威送行在斬之。德字子華通遠軍熟羊若人在華昌府城西北

招討副使岳飛平江淮。見後六十九卷平羣盜飛字鵬舉相州湯陰人今彰德府湯陰縣

七月范宗尹免。

八月以秦檜為尚書右僕射同平章事兼知樞密院。

九月復以呂頤浩為尚書左僕射同平章事兼知樞密院。

十月升越州為紹興府。

陝西諸路都統制吳玠及其弟璘大敗金人於和尚原兀

朮僅以身免。見後七十卷吳玠吳璘係蜀璘字唐卿

十一月以軍興用度不足盡鬻諸路官田。

十二月金以陝西地畀劉豫於是中原盡屬於豫。

壬子二年。天會十年正月帝在紹興府尋移蹕臨安。

四月試禮部進士以張九成為第一。九成字子韶杭州錢塘人今杭州府錢塘

縣。凌景夏第二。呂頤浩言景夏詞勝九成。帝曰：士人初

進，便須別其忠佞。別必列切九成所對，無所畏避，宜擢首選。

初九成對策，至脯未畢。日加申日貂璫趣之。趣音促九成

曰：未也。方談及公等。

以翰林學士翟汝文參知政事。汝文字公異，潤州丹陽人。初汝文知密州，秦檜為州

文學。汝文薦其才。故檜引以輔政。

五月，以權邦彥簽書樞密院事。邦彥字朝美，河間人。

育太祖後子偁之子伯琮於宮中，尋賜名瑗。即孝宗。

翟汝文雖為秦檜所薦，而性剛，不為檜屈。至日檜為金人

姦細。六月，汝文遂罷。以權邦彥參知政事。明年二月卒。邦彥以獻中

興十議致位政府。幾一年，碌碌無所建明。又助呂頤浩排李綱，士論少之。

八月，秦檜罷。九月，以朱勝非為右僕射同平章事兼知

樞院。

十一月，湖廣宣撫使李綱悉平湖寇。綱以是年二月拜命。十二月罷。

召張浚知樞密院事。

十二月，呂頤浩朱勝非以軍用不足，創取江浙湖南諸路

大軍月椿錢以供之，所椿不給十之一二。於是郡邑多

橫賦，大為東南民患。橫去聲。

癸三年。金天會十一年。正月，帝在臨安。

襄郢鎮撫使李橫屢敗金人及劉豫兵，復潁昌府，詔兼鄧

隨二州。三月。穎昌復陷。隨州。今湖廣德安府隨州。

金人陷金州。今陝西漢中府興安州。見後玠璘係蜀。

建望祭殿於臨安淨慈寺。每歲寒食。遣官望祭西京諸陵。

五月。金均房鎮撫使王彥復金州。彥字子才。上黨人。

九月。呂頤浩罷。

甲寅四年。金天會十二年。正月。帝在臨安。

三月。吳玠吳璘大敗金人於仙人關。金人宵遁。見後玠璘係蜀。

五月。復選宗室子伯玖育於宮中。秦王德芳後。明年。賜名璩。十一年。封恩平郡王。

九月。以趙鼎為右僕射同平章事兼知樞密院。命下朝士

相慶。

十月。帝與趙鼎定策親征。

詔淮南東路宣撫使韓世忠屯揚州。世忠大敗金人於天

長之鷓口橋。天長。見前。追之至淮。金人大潰。相蹈藉溺歿者

甚衆。論者以為中興武功第一。見七十卷。金人立劉豫。

帝發臨安。十一月。下詔暴劉豫罪逆。

以張浚知樞密院事。金人引還。見後。金人立劉豫。提舉洞霄宮李

綱上言。請自今以往。勿復遣和議之使。帝詔褒諭。

乙卯五年。金熙宗完顏亶仍稱天會十三年。正月。帝在平江府。今江南蘇州府。

金主吳乞買殂。兄之子亶立。

二月。帝還臨安。以趙鼎為左僕射。張浚為右僕射。竝同平

章事兼知樞密院都督諸路軍馬

吳玠復秦州

建太廟於臨安侍御史張致遠

字子猷南劍州沙縣人今福建延平府沙縣殿

中侍御史張絢言去年建明堂今年立太廟是以臨安

為久居之地甚失興復大計不報

四月上皇崩於金五國城

年五十四

五月封和州防禦使瑗為建國公就學資善堂

十一年封普安郡王

六月清遠軍節度兼荆南制置使岳飛大破楊太於洞庭

湖湘悉平

事見後卷平羣盜清遠軍治融州今廣西柳州府融縣洞庭湖在湖廣西南境

十一月命張浚都督荆襄川陝諸軍事

丙六年金天會十四年

四月劉豫陷唐州

唐見前

七月保靜軍節度使劉光世復壽春

保靜軍治今鳳陽府宿州壽春即壽州

九月帝發臨安將幸平江以秦檜留守臨安孟庾副之

岳飛奏請進取中原不許飛以孤軍無援還鄂州

十月劉豫遣劉麟劉猊孔彥舟三道入寇宣撫副使楊沂

中等大敗猊兵橫尸遍野麟彥舟聞之皆解去金人始

有廢豫之意

詳見金人立劉豫沂中後各存中字正甫代州崞縣人今太原府崞縣○崞音郭

十二月江東宣撫使韓世忠敗金人於淮揚

今淮安府邳州

丁七年

金天會十五年

正月帝在平江詔幸建康

八月以張浚為淮西宣撫使九月罷

以趙鼎為左僕射

閏十月金人執劉豫廢為蜀王岳飛韓世忠請乘機進取中原皆不報

戊午八年金天眷元年正月帝在建康議還臨安張守請駐建康

以繫中原民心趙鼎不可守遂求去出知婺州見前帝還臨安始定都矣

三月以劉大中參知政事王庶為樞密副使庶字子尚慶陽人

復以秦檜為尚書右僕射同平章事兼樞密使

七月秦檜復請遣使如金定和議十月趙鼎劉大中以不主和議十一月王庶以切諫和議俱罷十四年九月安置鼎於吉陽軍

在瓊州府崖州

十二月以吏部尚書李光參知政事光字泰發越州上虞人今紹興府上虞縣

己未九年金天眷二年正月以金人通和大赦河南新復軍州

六月四川宣撫使吳玠卒贈少師謚曰武安時金人專意圖蜀

徽玠身當其衝無蜀久矣西人思之立祠以祀朝廷以

胡世將為宣撫副使世將字承公宿曾孫常州晉陵人一循其舊蜀人

安之

十二月李光以秦檜議撤淮南守備奪諸將兵權極言忤

檜罷明年十一月竄光於藤州今廣西梧州府藤縣再竄瓊州

庚申十年金天眷三年正月故相李綱卒贈少師謚曰忠定綱負

天下之望以一身用舍上聲為社稷生民安危忠誠義氣

孚徹遠邇每宋使至金使去聲金人必問李綱趙鼎安否

其為遠人所畏服如此紫陽朱夫子序公集云使公之言用於宣和則都城必無圍迫

之憂用於靖康則宗國必無顛覆之禍用於建炎則中原必不至於淪陷用於紹興則旋軫舊京汛掃陵廟以復祖宗之宇而卒報不共戴天之仇

豈使王業偏安於江海之滄哉

五月金人分道入侵 六月秦鳳經畧安撫使吳玠敗金

人於扶風見玠璘係蜀秦鳳路治秦州扶風今鳳翔府扶風縣東京副留守劉錡

大敗金人於順昌見後七十一卷秦檜主和錡字信叔本秦州人徙家德順軍在臨洮府狄

道縣

閏六月岳飛遣統制張憲復淮寧府郝晟復鄭州張應韓

清復西京今河南府楊遇復南城軍喬握堅復趙州今真定府趙州

他將所至皆捷金人大震河南兵馬鈐轄李興聚眾應

飛收復汝州及伊陽等八縣金河南尹李成棄城遁詔

興知河南府飛又使張應會興復永安軍在河南府陝州

淮東宣撫處置使韓世忠使王勝等復海州今屬淮安府

淮西宣撫使張俊使統制王德復宿州並見後秦檜主和

岳飛大敗金人兀朮夜遁遂復懷衛州懷衛見前斷金人山東

河北之道金人大恐飛進軍朱仙鎮距汴京四十五里又大破

之飛葺治諸陵方指日渡河秦檜欲畫淮以北棄之必

欲與金和諷臺臣請班師又先請張俊楊沂中等歸乃

上言飛孤軍不可久留一日奉十二金字牌飛憤泣引



還詳七十卷岳飛規復中原金人屠宿州。九月詔韓世忠罷兵諸

大帥俱還鎮。

十月金人陷慶陽經畧使王忠植歿之。見後玠璘係蜀忠植太行山義士

十一月金封孔子後璠為衍聖公。

十二月金始置屯田軍於中原築壘自燕南至於淮北。

辛酉十一年金皇統元年正月金兀朮聞秦檜召還諸軍遂舉兵

攻陷壽春廬州商州。今西安府商州命張俊楊沂中赴淮西岳

飛進兵江州。今江西九江府二月張俊遣王德拔和州。今江南和

州商守邵隆復商州。楊沂中劉錡大敗兀朮於柘臯。

在廬州府巢縣西北金人歿者萬計兀朮親引兵來戰又敗之遂

復廬州。

三月張俊楊沂中劉錡奉詔班師皆引還鎮。

六月進秦檜為左僕射。

八月秦檜罷岳飛為萬壽觀使奉朝請。去聲

九月吳璘大敗金人復陝華二州受詔班師。

十月秦檜矯詔召岳飛父子下獄。見岳飛規復中原韓世忠罷

為醴泉觀使。

十二月和議成宋僅有兩浙兩淮江東西湖南北四川福

建廣東西十五路而京西南路止有襄陽一府陝西路

止有階成和鳳四州。今鞏昌府階州成縣西和縣漢中府鳳縣凡有府州軍

監一百八十五縣七百有三。金既畫界，建五京，置十四總管府，凡十九路。其間散府九，節鎮三十六，守禦郡二十二。刺史郡七十三，軍十有六，縣六百三十二。

秦檜殺岳飛於獄。見岳飛規復中原。

壬戌十二年。金皇統二年。三月，四川宣撫使胡世將卒。世將威震

巴蜀，及卒，以鄭剛中代之。剛中字亨，仲金華人。剛中節制諸將，尤

極嚴肅。吳璘加少師，語主閹吏乞講鈞敵之禮。語去聲。剛

中曰：少師雖尊，猶都統制耳。倘變常禮，是廢軍容。璘惶

恐聽命。

四月，金以袞冕圭冊冊帝為大宋皇帝。

八月，以萬俟卨參知政事。

卨字元忠，秦檜姦黨。開封府陽武人。今開封府陽武縣。卨以十四

年二月罷。○萬俟。音墨，其卨音薛。

皇太后韋氏至自金。后至二十九年九月崩，年八十。謚曰顯仁。

九月，以和好成，加秦檜太師，封魏國公，尋進封秦魏兩國。

十一月，張俊罷。楊國公劉光世卒。

甲子十四年。金皇統四年。十二月，以楊愿簽書樞密院事，愿為中

丞，迎合秦檜意，以舉劾人號為肉簡牌。

乙丑十五年。金皇統五年。十月，楊愿罷，以李若谷簽書樞密院事。

愿希秦檜意，附下罔上，及斥去，天下快之。

丁卯十七年。金皇統六年。八月，故相趙鼎卒於吉陽軍。見後秦鼎

為相專以固本為先，以為本固而後敵可圖，仇可復，惜其見忌於檜，齋志以歿。然中興賢相，鼎為稱首。

十二月蒙古熬羅字極烈，自稱祖元皇帝，改元天興。

戊辰 十八年 金皇統八年 十月金兀朮歿。

己巳 十九年 金皇統九年 十二月金完顏亮弒其主

賈而自立。

辛未 二十一年 金天德三年 八月咸安郡王韓世忠卒，追封太師。

通義郡王孝宗朝追封世忠以布衣應募，致位王公。

勇敢忠毅，嗜義輕財，賜賚悉分將士，與士卒同甘苦，器

仗規畫精絕過人，刀痕箭瘢肌如刻畫，知人善獎，用成。

閔解元、劉寶、岳超、王勝、王權起行伍，行音秉節旄，皆其

部曲也。子彥直、彥質、彥古，皆以才見用。成閔字居仁，官

度使，邢州人。今直隸順德府解元，字善長，官保信軍節

度使，保安軍德靖砦人。彥直，字子溫，官龍圖閣學士，爵

勳，春郡公。彥古，官戶部尚書。

癸酉 二十三年 金貞元四年 四月金遷都於燕。今直隸

甲戌 二十四年 金貞元二年 七月清河郡王張俊卒，俊握兵最早，

屢立戰功，帝於諸將中眷注尤厚。然忌劉錡，附秦檜，殺

岳飛，為世所鄙。乙亥 二十五年 金貞元三年 十月秦檜歿，年六贈申王。時謚忠獻，

寧宗時改

丙子二十六年。金正隆元年。四月以沈該萬俟卨為左右僕射同

平章事。湯思退知樞密院事。思退字進之。處州人。今浙

德元湯思退屬以後事各贈黃金千兩。德元慮檜以為

自外不敢辭。思退慮檜以為期其死不敢受。帝聞思退

不受以為非檜黨。遂信任之。時帝將反檜所為。為相主和固位。無

異於檜。明年三月。明年三月。月。明年三月。

六月靖康帝崩於金。

八月以張綱參知政事。綱字彥正。潤州丹陽人。綱初為給事中。以秦

檜用事致仕臥家者二十餘年。嘗書座右曰。以直行己。

以正立朝。以靜退高天下。明年九月。綱罷。

十月詔秦檜在位之日無辜被罪者許自陳釐正。

丁丑二十七年。金正隆二年。六月以湯思退為右僕射同平章事。

九月張綱罷。以陳康伯參知政事。康伯字長卿。弋陽人。今

江西廣信府弋陽縣。庚寅二十八年。金正隆三年。十月金主亮使營宮室於汴京。國子

司業黃中使金還。司業正六品中。字通老。邵武人。上言不可不早為之

備。若彼果至汴。則壯士健馬不數日可及境矣。湯思退

大怒。左遷中官。

庚辰三十年。金正隆五年。二月以普安郡王瑗為皇子。更名瑋。進

封建王。初帝知瑗賢。欲立為嗣。顯仁太后韋氏崩。帝問

吏部尚書張燾以方今大計。燾字子公。饒州德興人。今饒州府德興縣。對曰。

儲嗣國之本也。今兩邸名分宜早定。謂瑗與恩平郡王

據也。○分扶問切。

帝喜曰朕懷此久矣會利州提點刑獄范如圭字伯達建州建

陽人撥至和嘉祐間名臣奏章囊封以獻立英宗故事也帝感悟

瑗遂得立加恩平郡王璩開府儀同三司判大宗正稱

皇姪初張浚以皇子勇嘗姦帝位見前建炎二年因其疾甚并

乳母置死建炎三年七月帝晚年無嗣頗怨浚處之太過處上聲

七月以葉義問知樞密院事義問字審言嚴州壽昌人今嚴州府壽昌縣

十二月侍御史陳俊卿字應求興化軍人今福建興化府莆田縣論湯思退所

為多效秦檜宜寘憲典罷思退奉祠

辛巳三十一年金正隆六年十月七月金遷於汴分道南侵

八月宿遷人魏勝起兵復海州宿遷今屬淮安府勝字彥威高平人王

彥直起兵復大名彥直字聖益博州高平人按宋史博州無高平一統志入山東東昌府作

博州博平人大名見前以上並見七十一卷金人南侵

吳璘遣劉海復秦州彭青復隴州今鳳翔府隴州曹休復洮州

十月襄陽都統制吳拱玠子京湖制置使成閔復唐鄧諸州

金人陷廬州帝欲航海避敵陳康伯不可請下詔親征帝

從之遂次平江以葉義問督視江淮軍馬中書舍人虞

允文參贊軍事允文字彬甫隆州仁壽人今成都府仁壽縣

金人陷真和揚三州吳璘復商虢二州虢州今河南府靈寶縣

浙西總管李寶大破金人於陳家島寶河北人陳家島在萊州府膠州南一百

里海中寶初陷於金上年九月拔身自海道來歸命為總管督海舟扞禦

十一月虞允文大破金人於采石。以上俱見金人南侵。

金都統制邪律元宐等弑金主亮遣使議和。邪音那金軍在

荆襄兩淮者皆拔柵北還十一月成閔及都統李顯忠

收復兩淮州郡。顯忠初名世輔綏德軍青澗人今延安府青澗縣顯忠家自唐以來世襲蘇尾

九族巡檢其母當產數日不能免有僧過門曰所孕乃奇男子當以劍矢置母旁即生如其言果得產顯忠立

於蓐人咸異之年十七與父永奇沒於金謀歸國家屬被害其後卒歸宋。

壬午三十二年金大定二年正月帝在鎮江府。

金主雍下令散南征之衆遣使告即位於宋。

二月太尉威武節度使劉錡卒。謚曰武穆錡忼慨淡毅有儒將

風金主亮之南侵也令有敢言錡姓名者斬枚舉南朝

諸將問其下孰當之皆應聲以對至錡莫有應者亮乃

曰吾自當之惜其以疾不能成功齋恨而歿。

吳璘復河源州鎮戎軍。河源州在西寧衛西百二十里鎮戎軍在平涼府固原州遂復

大散關。在鳳翔府寶雞縣大將姚仲文復蘭會熙鞏等州及永

安軍。按宋史川陝俱無永安軍璘傳亦不載

四月金人攻海州五月鎮江都統張子蓋救之魏勝等皆

殊死戰賊大潰。見後金人南侵子蓋字德高浚從子

立建王瑋為皇太子更名昚。古慎字

六月帝禪位於太子自稱太上皇居德壽宮。又二十五年孝宗淳熙十

四年丁未崩年八十一

大貴

延壽州正

安軍 安軍魏書亦不詳

大錯關 寶雞關 大錯關 文身蘭會照鞏等州文派

吳毅對何賊州難攻軍 里難攻軍在平涼固原州

曰吾自當之計其以幾不殆也濟州而受

當保固其不特當之昔魏晉以捷至澁莫有孰昔莫以

通鑑本末紀要卷之六十九

錦川蔡毓榮仁菴甫編輯 華亭林子卿安國氏註

黃汪主和 宗澤守汴附

丙欽宗靖康元年 金太宗邪律 十一月康王構如金軍至

磁州 今河南彰德府磁州 守臣宗澤請毋行 澤字汝霖義烏人今

會金軍游奕日至磁城下蹤迹王所在 游奕往來 知相

州汪伯彥 相州今彰德府伯彥字廷俊歙州祁門 以帛

書請王如相 如往 部兵以迎於河上由是受知於王

十二月康王開元帥府於相州有兵萬人分爲五軍而進

既渡河次於大名 今直隸大名府 宗澤以二千人與金人力戰

破其三十餘砦。履水渡河。見王曰：「京城受圍日久，入援

不可緩。王納之。既而知信德府梁揚祖信德今直隸順德府以三

千人至。張俊、苗傅、沂中、田師中等皆在麾下。兵威稍

震。俊字伯英，鳳翔成紀人。在陝西鞏昌府秦州。傅，上黨人。今山西潞安府長治縣。沂中，字正甫，代州崞人。今

山西太原府崞縣。○崞音郭。會帝遣簽書樞密事曹輔齋蠟詔至。輔

載德，南劍州人。今福建延平府。云：「金人登城不下，方議和好，可屯兵近

甸，毋動。汪伯彥等皆信之。宗澤獨曰：「金人狡譎，是欲款

我師耳。君父之望，入援。何啻饑渴，宜急引軍直趨澶淵。

今大名府開州。次第進壘，以解京城之圍。萬一敵有異謀，則吾

兵已在城下。汪伯彥等難之，勸王遣澤先行。王乃命澤

趨澶淵，自是澤不得預帥府事矣。耿南仲及伯彥請移

軍東平，從之。南仲以門下侍郎使幹，離不軍，與金使者王洸偕行至衛州。衛人欲殺洸，洸走南仲。

奔相州。開封人。今河南開封府。東平，今山東兗州府東平州。

丁二年。高宗建炎元年。未。金天會五年。正月，副元帥宗澤至開德州。即開州。十

三戰皆捷，以書勸康王檄諸道兵會京城。二月，康王次

於濟州。今兗州府鉅野縣。高陽關路安撫使黃潛善。高陽關在直隸保定

府高陽縣。潛善字茂和，邵武人。今福建邵武府。○使去聲。後凡使職及使事俱同。總管楊惟忠

亦以部兵數千至。王承制以汪伯彥充元帥，黃潛善充

副元帥。

四月，金人以二帝北去。東道副總管朱勝非至濟州。時



南京應天府為東道今河南南歸德府勝非字藏一蔡州人今河南南汝寧府統制韓世忠字良臣延安人今陝

西延安府郵延副總管劉安世郵今延安府郵州延即

軍人今延安府係以兵來會康王發濟州安縣郵音敷

五月康王即位於南京以黃潛善為中書侍郎即參知政事之職

府之汪伯彥同知樞密院事正二品召李綱為尚書右僕

射兼中書侍郎綱字伯紀邵武人右僕射潛善伯彥自

謂有攀附之勢擬必為相去聲及召綱於外二人不悅遂

與綱忤

初金粘沒喝等既去粘沒喝金太祖阿骨打再從兄弟留萬戶銀朮可屯

太原今山西太原府銀朮可金宗室子副都統詔合屯真定今直隸真定府

室屯河中婁室完顏部人河中今山西平陽府蒲州室或作宿蒙哥據磁相大撻

不也圍河間今直隸河間府帝命都統制馬忠及忻州觀察使

張換追擊之忻州今屬太原府而黃潛善等復主和議令張邦

昌作書貽金仍用靖康誓書畫河為界且下令不得下

赦文於河東北及河中府詔忠等屯大河之南應機進

止於是婁室以重兵壓河中守臣席益遁去權府事郝

仲連力戰仲連昌元人今四川重慶府榮昌縣外援不至度不能守度音鐸

先自殺其家人已而城陷與其子致厚皆不屈而死解

絳慈隰諸州皆沒慈今吉州與解絳隰三州宗澤見帝

應天陳興復大計帝欲留澤黃潛善等沮之出知襄陽

府今屬湖廣

靖康中監察御史張所御史從七品所青州人今山東青州府以蠟書冒圍

募河北兵士民得書喜曰朝廷棄我猶有一張察院能

拔而用之應募者凡十七萬人由是所之聲振河北帝

即位遣所按視陵寢所還上言曰河東河北天下之根

本昨者誤用姦臣之謀始割三鎮繼割兩河其民怨入

骨髓若因而用之則可藉以守否則兩河兵民無所繫

望陛下之事去矣且請帝亟還京城具言有五利奉宗

廟係陵寢一也慰安人心二也繫四海之望三也釋河

北割地之疑四也早有定處一意邊防五也帝欲以其

事付所會所言黃潛善姦邪不可用恐害新政潛善引

去帝留之乃貶所於江州今江西九江府

六月以黃潛善為門下侍郎汪伯彥知樞密院事

初黃潛善白遣宣義郎傅雱為祈請使宣義郎從八品太常少卿

周望為通問使使金太常少卿從五品俱未行尚書右僕射李

綱曰今日之事正當枕戈嘗膽內脩外攘使刑政脩而

中國疆則二帝不俟迎請而自歸不然雖冠蓋相望卑

詞厚禮恐亦無益今所遣使但當奉表通問致思慕之

意可也帝從之

宗澤在襄陽聞黃潛善復倡和議上疏曰自金人再至朝

廷未嘗命一將

去聲後諸將將士等同

出一師但聞姦邪之臣朝

進一言以告和暮入一說以乞盟終至二聖北遷宗社蒙恥臣意陛下赫然震怒大明黜陟以再造王室今卽位四十日矣未聞有大號令但見刑部指揮云不得騰報赦文於河之東西陝之蒲解者是褫天下忠義之氣而自絕其民也臣雖驚怯當躬冒矢石爲諸將先得捐軀報國恩足矣帝覽其言而壯之是時開封尹闕李綱言綏復舊邦非澤不可乃以爲東京留守知開封府時敵騎留屯河上金鼓之聲日夕相聞而京城樓櫓盡廢兵民襍居盜賊縱橫澤威望素著旣至捕誅盜賊撫循

軍民脩治樓櫓屢出師以挫敵有王善者河東巨寇擁衆七十萬澤單騎馳至其營泣謂之曰朝廷當危難之時使有一二如公輩豈復有敵患乎今日乃汝立功之秋不可失也善感泣曰敢不效力遂解甲降

戶江切又後同

有楊進衆三十萬丁進王再興李貴王大郎等擁衆各

數萬往來京西淮南河南北侵掠爲患澤悉招降之上疏請帝還京俄有詔荆襄江淮悉備巡幸澤又上疏言開封物價市肆漸同平時將士農民商旅士大夫之懷忠義者莫不願陛下亟歸京師以慰人心其倡爲異議者非爲陛下忠謀

爲去聲

不過如張邦昌輩陰與金人爲

地耳時真定懷衛間真定見前懷衛今河南懷慶衛輝二府敵兵甚盛方

密脩戰具為入攻之計澤乃渡河約諸將共議事宜以

圖收復而於京城四壁各置使以領招集之兵又據形

勢立堅壁二十四所於城外駐兵數萬又沿河鱗次為

連珠砦連結河北河東山水砦忠義民兵於是陝西京

東西諸路人馬咸願聽澤節制澤累表請帝還京累上聲

而帝用黃潛善計決意幸東南不報秉義郎岳飛犯法

將刑秉義郎從八品飛字鵬舉相州湯陰人今彰德府湯陰縣澤一見奇之曰此將

材也會金人攻汜水今開封府汜水縣澤以五百騎授飛使其

立功贖罪遂升飛為統制大敗金人而還謂之曰爾智

勇材藝古良將不能過然好野戰好去聲非萬全計因授

飛陣圖飛曰陳而後戰兵法之常運用之妙存乎一心

澤是其言飛由是知名陳去聲

以張所為河北西路招撫使賜內府錢百萬緡給空名告

身千餘通以京西卒三千自衛將佐官屬許自辟置辟音

關一切以便宜從事所入對條上利害且乞置司北京

俟措置有緒乃渡河河北轉運副使張益謙附黃潛善

意奏招撫司之擾且言自置司河北盜賊愈熾李綱言

張所尚留京師益謙何以知其擾河北民無所歸聚而

為盜豈由置司益謙非理沮抑如此必有使之者帝乃

命益謙分析命下樞密院汪伯彥猶用其奏詰責招撫司綱與伯彥力爭伯彥語塞所招徠豪傑擢王彥為都統制彥字子才上黨人於是河北賊丁順楊進等皆赴招撫司

以降岳飛上書言勤王之師日集宜乘敵怠而擊之黃潛善汪伯彥輩不能承聖意恢復奉車駕日益南恐不足繫中原之望願陛下乘敵穴未固親率六軍北渡則將士作氣中原可復坐越職言事奪官歸詣所所以飛充中軍統領問之曰爾能敵幾何飛曰勇不足恃用兵在先定謀欒枝曳柴以敗荆莫敖采樵以致絞皆謀定也晉欒枝攻楚使衆曳柴揚塵詐走楚師馳而逐之敗績○楚伐絞莫敖令人采樵以誘之絞人獲采樵者

三十人明日絞人爭出楚人伏諸山下大敗之所矍然曰君殆非行伍中人補

飛武經郎從七品○行音杭

七月詔奉元祐太后如東南六宮及衛士家屬從行詔

定議巡幸南陽以范致虛知鄧州脩城池繕宮室輸錢

穀以實之致虛字謙叔建州建陽人今福建建寧府建陽縣鄧州今河南南陽府鄧州

八月以李綱黃潛善為尚書左右僕射兼門下中書侍郎

張慤為御營副使慤字誠伯河間樂壽人今河間府獻縣綱常侍帝論及

靖康時事帝曰淵聖勤於政事省覽章奏至終夜不寐

然卒至播遷何也綱對曰人主之職在知人進君子退

小人則大功可成否則衡石程書無益也秦始皇衡石程書石百二

十斤也。省閱文書。因勉帝以明恕。盡人言。恭儉足國用。以百二十斤為程。

英果斷大事。帝嘉納之。綱所論諫。其言切直。帝初無不容納。至是惑於黃潛善汪伯彥之言。常留中不報。

以耿南仲主和誤國。南雄州安置。今廣東南雄府。

初李綱薦張所傅亮。帝以亮為河東經制副使。軍行十餘

日。黃潛善等以為逗留。詔東京留守宗澤節制傅亮軍。

即日渡河。亮言措置未就而渡河。恐誤國事。遂罷河東

經制使司。召亮還行在所。李綱言招撫經制二司。臣所

建明。而張所傅亮又臣所薦用。今黃潛善汪伯彥沮所

亮。所以沮臣。乃再疏求去。帝曰。卿所爭細事。胡乃爾。綱

曰。方今人材以將帥為急。恐非小事。臣昨議遷幸。與潛

善伯彥異。宐為所嫉。然臣東南人。豈不願陛下東下為

安便哉。願一去中原。後患有不可勝言者。勝平聲。願陛下

以宗社為心。以生靈為意。以二聖未還為念。勿以臣去

而改其議。泣辭而退。或曰。公決於進退。於義得矣。如讒

者何。綱曰。吾知盡事君之道。不可則全進退之節。禍患

非所恤也。潛善伯彥力排綱。遂罷為觀文殿大學士。尋

提舉洞霄宮。綱在相位七十七日而罷。自是車駕東幸。

兩河淪陷。金兵益熾矣。

前太學錄陳東自丹陽召至。

太學錄正九品。東字少陽。潤州丹陽人。今江南鎮江府丹

陽縣未得對會李綱罷乃上書乞留綱而罷黃潛善汪伯

彥不報又上疏請帝親征以還二聖治諸將不進兵之

罪以作士氣車駕宐還京師勿幸金陵今江南江寧府又不報

會撫州布衣歐陽澈字德明江西撫州府崇壽縣人徒步詣行在伏闕

上書極詆用事大臣潛善遽以語激怒帝言若不亟誅

將復鼓衆伏闕書獨下潛善所府尹孟庾召東議事東

請食而行手書區處家事處上聲字畫如平時已乃授其

從者曰從去聲我死爾歸致此於吾親食已如廁吏有難

色東笑曰我陳東也畏死即不敢言已言肯逃死乎吏

曰吾亦知公安敢相迫頃之東具冠帶出別同邸乃與

澈同斬於市四明李猷贖尸瘞之四明今浙江寧波府東初未識

綱特以國故為之歿聞者皆為流涕為竝去聲尚書右丞

許翰右丞亦政府之貳翰字崧老拱州襄邑人今歸德府睢州言綱忠義英發舍之

無以佐中興今罷綱臣留無益力求去帝不許及陳東

見殺翰謂所親曰吾與東皆爭李綱者東戮於市吾在

廟堂可乎乃為東澈著哀辭為去聲八上章求罷遂以資

政殿大學士提舉洞霄宮

遣徽猷閣待制孟忠厚迎奉太廟神主赴揚州忠厚字仁仲隆祐太

后弟洛州人今直隸廣平府揚州今江南揚州府

九月安置招撫使張所於嶺南

都統制王彥率岳飛等十一將渡河。至新鄉。今衛輝府新鄉縣。金

兵盛彥不敢進。飛獨引所部鏖戰。鏖於刀切。奪其纛而舞。諸

軍爭奮。遂復新鄉。明日戰於侯兆川。飛身被十餘創。士

皆歿。戰又敗之。會食盡。詣彥壁乞糧。彥不許。飛乃引兵

益北。與金人戰於太行山。山縣互千里。彰德衛輝懷慶三府皆有之。禽其將

拓跋烏。居數日。又與敵遇。飛單騎持丈八鐵槍。刺殺其

將黑風大王。金人敗走。飛知彥不悅已。遂率所部復歸

宗澤。澤復以為統制。彥以屢勝。因傳檄州郡。金人以為

大軍至。率騎數萬薄彥壘。圍之數日。通作匝。彥以眾寡不

敵。潰圍出走。諸將散去。彥獨係其城。今衛輝府共縣。○其音恭。遣腹

心結兩河豪傑。圖再舉。金人購求彥急。彥慮變。夜寢屢

遷。其部曲覺之。相率刺面作赤心報國誓殺金賊八字。

以示無他意。彥益感勵。撫愛士卒。與同甘苦。未幾。兩河

響應。忠義民兵首領傅選孟德劉澤焦文通等皆附之。

眾十餘萬。縣互數百里。皆受彥約束。金人患之。召其首

領。付以大兵破彥壘。首領跪而泣曰。王都統若堅如鐵

石。未易圖也。易去聲。金人乃間遣騎兵撓彥糧道。間去聲。彥

勒兵待之。斬獲甚眾。

是秋。金盡陷河北州郡。

黃潛善汪伯彥力主幸東南。會金人攻河陽汜水。河陽今懷慶府



孟縣詔淮浙沿海諸州增脩城堡招訓民兵以備海道又

令揚州守臣呂頤浩繕脩城池頤浩字元直齊州人今山東濟南府十月

謀者言金人欲犯江浙詔暫駐淮甸有敢妄議惑眾沮

巡幸者罪之宗澤上疏切諫言祖宗二百年基業陛下

柰何棄之願召將士試一諭之不獨謀之一二大臣天

下幸甚又上五事其一言潛善伯彥贊南幸之非澤前

後建議帝以付三省尚書門下中書為三省輒為汪黃所抑二人

每見澤奏皆笑以為狂同知樞密張慤獨曰如澤之忠

義若得數人天下定矣二人語塞而帝竟決意幸揚州

時兩河雖多陷於金其民懷朝廷恩皆用建炎年號及

聞帝南幸無不解體澤復上疏言欲遣閻勅王彥各統

大軍盡平賊壘望陛下早還京闕臣之所舉可保萬全

願陛下從臣指畫勿使姦臣沮抑以誤社稷大計帝優

詔荅之

帝至揚州罷帥府要郡次要郡及新軍水軍建炎元年從李綱言

置諸軍以為興復之計者今皆罷之

十一月竄李綱於鄂州今湖廣武昌府尋責授單州團練使單州今兗

州府單縣團練使從五品安置於萬安軍今廣東瓊州府萬州

遣朝奉郎王倫使金倫旦之族孫旦字子明真宗時宰相魏州人今大名府家

貧無行去聲為任俠往來京洛間數犯法幸免數音朔至是

選能專對者使金問二帝起居乃假倫刑部侍郎從三品

充大金通問使閤門舍人朱弁副之閤門舍人從七品弁字少章徽州婺源人今徽州府婺源縣

至雲中今山西大同府見粘沒喝議事時金方大

舉南下倫徽說百端徽通作邀說音稅粘沒喝不聽使就館守

之以兵

十二月金聞帝如揚州命粘沒喝訛里朶兀朮婁室分道

南侵粘沒喝自雲中攻河南分遣銀朮可等攻漢上訛

里朶兀朮自燕山攻山東燕山今直隸順天府分阿里蒲等趨淮

南婁室撒离喝自同州攻陝西同州今陝西西安府同州西京留守

孫昭遠南走宋以河南南河為西京為叛兵所害宗澤聞金人將

謀侵汴今開封府遣劉衍趨滑州今大名府滑縣劉達趨鄭州今開封府

鄭州以分其勢戒諸將保護河梁以俟大兵之集兀朮乃

不敢向汴夜斷河梁而去婁室至河中官軍扼河西岸

不得渡乃自韓城履冰過陷同華州今韓城縣及同華二州俱屬西安府

沿河安撫使鄭驥赴井歿驥字潛翁信州玉山人今江西廣信府玉山縣遂破

潼關河東經制使王瓊棄陝州潼關在西安府華陰縣東河南府閩鄉縣西陝

州今屬河南府引兵遁入蜀今四川中原大震

戊申高宗建炎二年金天會六年正月帝在揚州初李綱言陛

下縱未還京猶當且適襄鄧帝以范致虛知鄧州粘沒

喝謀知將為行在所遣銀朮可急攻之致虛出奔安撫

使劉汲歿之。

汲字直夫丹稜人今四川眉州丹稜縣

先是南陽備巡幸儲

峙甚多悉為金人所有京西州郡皆陷。

京西南路治襄陽北路治河南

通判鄭州趙伯振。

太祖八世孫

知潁昌府孫默知汝陽縣郭

贊皆不屈而歿。

潁昌今開封府許州汝陽今汝寧府

金兀朮自鄭抵白沙去汴京密邇都人震恐僚屬入問計。

宗澤時對客圍碁笑曰何事張皇劉衍等在外必能禦

敵乃選精銳數千使繞出敵後伏其歸路金人方與衍

戰伏兵起前後夾攻之金人果敗粘沒喝據西京與澤

相持澤遣部將閻中立郭俊民李景良等帥兵趨鄭遇

敵大戰兵敗中立歿之俊民降景良遁澤捕斬之既而

俊民與金將史姓者持書來招澤澤數之曰

數上聲

汝失

利歿尚為忠義鬼今反為人持書相誘。

為去聲

何面目見

我乎斬之謂史曰汝為人將不能以歿敵我乃欲以兒

女子語誘我乎亦斬之劉衍還金人復入滑澤使張撝

往救之眾寡不敵或請少避之撝曰避而偷生何面目

見宗公力戰而歿澤聞撝敗急遣王宣往救已不及因

與金人大戰破走之金自是不敢犯東京澤得金將王

策解其縛問金之虛實得其詳遂決大舉之計召諸將

謂曰汝等有忠義心當協謀勦敵期還二聖以立大功

為之泣下

為去聲下同

諸將皆聽命金人屢戰不利悉引去

澤復上疏請帝還京曰臣為陛下保護京城自去年秋至於今春又三月矣陛下不早回則天下之民何所倚戴不報澤威聲日著敵聞其名常尊憚之對南人言必曰宗爺爺

金人圍永興軍

在西安府

時京兆兵皆為經制使錢蓋調赴行

在

調去聲

經畧使唐重度不可支

重字聖任謚恭愍眉州彭山人今眉州彭山縣

音鐸

乃以書別其父克臣曰忠孝不兩立義不苟生以

辱吾父克臣報之曰汝能以死殉國吾含笑入地矣遂

與副總管楊宗閔轉運副使桑景詢判官曾謂主管機

宜文字王尚提舉軍馬程迪提點刑獄郭忠孝等八人

俱歿之

宗閔代州崞人迪字惠老謚恭愍開封人忠孝達子河南人餘附名忠義傳中字里闕

金人陷濰州

今山東萊州府濰縣

知州韓浩通判朱廷傑歿之

浩琦孫相

州安陽人今彰德府安陽縣

時所在盜起汪伯彥黃潛善匿不以聞內侍邵成章上疏

言二人必誤國帝怒除名編管南雄州

二月金人取淮寧府

今開封府陳州

知府向子韶不屈歿之

子韶字和

卿開封人闔門皆遇害事聞賜謚忠毅淮寧初陷時楊時聞

之曰子韶必歿矣蓋知其素守云

時字中立時為工部侍郎將樂人今延平

府將樂縣子韶故相敏中玄孫神宗向皇后從姪清約如寒士人不知其為相門后族居官處世唯誠意為主

詔求使絕域者宇文虛中應詔復資政殿學士為祈請使

楊可輔副之。虛中字叔通成都華陽人今四川成都府華陽縣又以劉誨為通

問使王貺副之。

和州防禦使馬擴。和州今屬江南聚兵於真定五馬山。在真定府贊皇縣東

一十奉信王榛總制諸砦。榛徽宗子兩河遺民間風響應詔

以榛為河外都元帥。

三月金粘沒喝焚河南府而去。統制翟進復西京。進字先之河南

人詔以進為京西北路安撫制置使金兀朮復入西京

進擊走之。

中山府受圍三年。今真定府定州城中糧絕人皆羸困不能執兵

知府事陳邁。字亨伯永州人今湖廣永州府欲盡括城中兵力戰部將

沙振潛衷刃入府害邁及其子錫等十七人振出為帳

下卒所殺摔裂之身首無餘城陷金人見邁尸曰忠臣

也斂而葬之。

金婁室陷鳳翔府。今陝西鳳翔府又犯涇原。在陝西平涼府涇州經畧使曲

端遣將吳玠擊敗之金兵走同華。端字正甫鎮戎軍人今平涼府鎮原縣玠

字晉卿隴干水洛城人石壕尉李彥仙保三砦。石壕在陝州東

在平涼府靜寧州西南彥仙字少嚴寧州彭原人。屢敗金師破其五十餘壁復

陝州及絳解諸縣以為安撫使知陝州。四年彥仙死節見後經畧關陝

四月宗澤遣將趙世興復滑州。

五月宗澤遣子穎詣行闕上疏曰今收復京洛而金酋渡

河扞蔽滑臺而敵國屢敗河東河北山寨義兵引領日望官軍之至以機以時而言之中興之兆可見金人滅亡之期可必在陛下見幾乘時而已尋復上疏言丁進數十萬眾願守護京城李成願扈從還闕即渡河勦敵楊進等兵百萬亦願渡河同致效力臣願陛下及此時還京則眾心翕然何敵之足憂乎又上疏言祖宗基業可惜陛下父母兄弟蒙塵沙漠日望救兵西京陵寢為賊所占今年寒食節未有祭享之地而兩河二京陝右淮甸百萬生靈陷於塗炭乃欲南幸湖外蓋姦邪之臣一為賊虜方便之計二為姦邪親屬皆已津置在南故

也今京城已增固器械已足備人氣已勇銳望陛下毋阻萬民敵愾之氣勿循東晉既覆之轍疏至或言信王榛有渡河入汴之謀帝乃降詔擇日還京既而不果

時許景衡為右丞

景衡字少伊温州瑞安人今浙江温州府瑞安縣

朝廷有大政

事必請間極言

間去聲

黃潛善汪伯彥以為異已因共以

渡江南幸之議為景衡罪罷之以朱勝非為尚書右丞

景衡行至瓜州

在鎮江府北岸濱江

得渴疾卒

謚曰忠簡

景衡得程頤

之學

頤字正叔號伊川先生河南人

志慮忠純議論不與時俯仰既卒

帝思之曰朕自即位以來執政忠直遇事敢言唯許景

衡爾

六月金人分道渡河詔御營統制韓世忠會宗澤率所部迎敵澤聞王彥聚兵太行山欲大舉趨太原恐彥孤軍不可獨進召彥計事彥悉召諸寨指授方略以俟會合乃以萬餘人先發金人以重兵躡其後而不敢擊既至汴澤令宿兵近甸以衛根本彥遂屯滑州之沙店澤上疏曰臣欲乘此暑月遣彥等自滑州渡河取懷衛濬相等州濬今大名府濬縣餘見前王再興等自鄭州直護西京陵寢馬擴等自大名取洛相真定楊進王善丁進等各以所領兵分路竝進既渡河則山寨忠義之民應者不啻百萬契丹漢兒亦必同心殲殄金人事方就緒乞朝廷遣使

聲言立遼天祚之後講吾舊好以攜虜情遣知機辯博之士西使夏東使高麗諭以禍福同加埽蕩願陛下早還京師臣當躬冒矢石為諸將先中興之業必可立致疏入黃潛善等忌澤成功從中沮之

以王庶節制陝西六路軍馬

庶字子尚慶陽人今慶陽府

曲端為節制

司都統制

七月東京留守宗澤前後請帝還京二十餘奏每為黃潛善汪伯彥所抑憂憤成疾疽發於背諸將入問疾澤矍然曰吾以二帝蒙塵憤憤至此汝等能殲敵則我死無恨眾皆流涕曰敢不盡力諸將出澤歎曰出師未捷身

先歿長使英雄淚滿襟無一語及家事但連呼過河者  
三而卒年七十都人號慟號平聲訃聞贈觀文殿學士謚曰

忠簡澤始招集羣盜聚兵儲糧結諸路義兵連燕趙豪傑

自謂渡河克復可指日冀有志弗就識者恨之澤子穎

居戎幕素得士心都人請以穎繼父任時已命杜充代

澤不許充酷而無謀至汴悉反澤所為於是豪傑離心

降盜聚城下者復去剽掠矣

八月殿中侍御史馬伸自湖南還殿中侍御史從六品上伸字時中東平人

疏言黃潛善汪伯彥不法十七事乞速罷二人政柄別

選賢者共圖大事疏入改授衛尉少卿正六品伸辭不拜

錄其疏申御史臺且言臣論可采即乞施行非是合坐

誣罔之罪詔責監濮州酒稅濮州今山東東昌府濮州○監平聲趣使上

道趣音促伸怡然襆被而行竟歿道中聞者冤之

鴻臚丞趙子砥自燕山遁歸子砥太祖之後命輔臣問北事甚悉

大畧言金人講和以用兵我國斂兵以待和我國與金

勢不兩立昔契丹主和議女真主用兵十餘年間竟滅

契丹今復蹈其轍譬如畏虎以肉餵之食盡終於噬人

若設陷阱以待之然後可以制虎矣遂以子砥知台州

尋卒

初馬擴自五馬山詣行在黃潛善汪伯彥疑其非真及行



授密旨使譏察信王榛且令擴聽諸路節制擴知事不成遂留大名不進九月金將訛里朶襲破信王榛於五

馬山諸砦粘沒喝遂由黎陽渡河

黎陽在濬縣

會兵攻澶濮

澶即澶淵見前

榛亡走不知所終

十月侍御史張浚請先定六宮所居地

侍御史正七品浚字德遠漢州綿竹人今成都府綿竹縣

詔孟忠厚奉隆祐太后及六宮皇子如杭州

今浙江省城

十一月金粘沒喝訛里朶攻濮州以其城小易之

易去聲至

城下知州楊粹中固守

粹中真定人

命將姚端皎壽其營粘

沒喝跣足走僅以身免遂攻城益急凡三十三日而陷

粹中被執不屈而歿

金兀朮陷開德府相州德州

今濟南府德州餘見前

開德守臣王棣

相州守臣趙不諷

太宗六世孫

德州兵馬都監趙叔販歿之

知府州折可求叛降金

府州今延安府府谷縣

知軍事徐徽言引兵

擊虜大破之斬婁室之子

徽言字彥猷衢州西安人今浙江衢州府西安縣徽言父

翊宣和末救太原歿之世著忠義

十二月金人陷東平濟南知濟南府劉豫叛降金

豫字彥游景州

阜城人今河間府阜城縣

金訛里朶攻大名府提點刑獄郭永乘城拒守

永大名元城人今大名府元

名府元城縣

會大霧城陷守臣張益謙裴億降金訛里朶問

通鑑本末紀要 卷六十九  
曰城破乃降何也二人以永不從為辭召永問之永大罵訛里朶并其家屬殺之

以黃潛善汪伯彥為尚書左右僕射兼門下中書侍郎顏

岐朱勝非為門下中書侍郎盧益同知樞密院事潛善

伯彥入謝帝曰潛善作左相伯彥作右相相竝去聲朕何患

國事不濟時金兵橫行橫去聲盜賊蠡起二人既無謀畧

專權自恣言事者不納其說請兵者不以上聞張浚極

言金人必來攻請豫為備二人以為過計而笑之命浚

參贊御營軍事

金粘沒喝陷襲慶府

今山東兗州府時軍士有欲發孔子墓者粘沒喝問其通事高通裔曰

孔子何人曰古之大聖人粘沒喝曰大聖人墓安可發遂斬軍士

是年金始撰國史

己酉三年金天會七年

正月帝在揚州河北制置使王彥以所

部兵馬付東京留守司而率親兵趨行在見黃潛善汪

伯彥力陳兩河忠義延頸以望王師願因人心大舉北

伐言辭憤激二人大怒遂請降旨免對差充御營平寇

統領彥遂稱疾致仕

金粘沒喝圍徐州

今江南徐州

知州事王復與子倚率軍民力

戰外援不至城陷謂粘沒喝曰守死者我也願殺我而

舍僚吏百姓舍上聲粘沒喝欲降之復嫚罵不屈闔門百

口皆被殺事聞贈復資政殿學士立廟楚州謚曰壯節

資政學士正三品按傳復以龍圖閣待制知徐州字里闕

統制韓世忠屯淮陽今江南淮安府邳州會山東兵以援濮州粘沒

喝聞之分兵萬人趨揚州自率大軍迎戰世忠以衆寡

不敵夜引還粘沒喝躡之至流陽世忠棄軍走鹽城流陽

鹽城兩縣今屬淮安府衆遂潰張遇戰歿粘沒喝入淮陽以騎兵

三千取彭城卽徐州間道趨淮東間去入泗州屬江南鳳陽府

二月詔江淮制置使劉光世將兵阻淮以拒金光世兵潰

走還金粘沒喝入天長軍今鳳陽府天長縣報至帝卽被甲乘

騎被音披馳至瓜州得小舟渡江唯護聖軍卒數人及王

淵張俊等從行淵字幾道環州人時領御營中軍俊時爲都統制時汪伯彥黃

潛善方率同列聽浮屠克勤說法或有問邊耗者猶以

不足畏告之堂吏大呼曰駕已行矣二人相顧蒼黃乃

戎服策馬南馳居民爭門而出歿者相枕籍無不怨憤

司農卿黃鶚至江上司農卿從四品軍士以爲潛善罵之曰誤

國誤民皆汝之罪鶚方辯其非是而首已斷矣是日金

將馬五帥五百騎先馳至揚州城下聞帝已南行乃追

至揚子橋時事起倉猝朝廷儀物皆委棄之太常少卿

季陵字延仲處州龍泉人今浙江處州府龍泉縣亟取九廟神主以行出城

未數里回望城中煙火燭天陵爲金人所追亡太祖神

主於道

帝至鎮江以呂頤浩簽書樞密院事與行在五軍制置使

劉光世守鎮江張俊以兵八千守吳江今江南蘇州府吳江縣時

羣臣乞留蹕鎮江以為江北聲援都統制王淵獨言鎮

江只可扞一面若金人自通州渡江以據姑蘇通州今屬揚州

府姑蘇今蘇州府將若之何不如錢塘有重江之險帝意遂決

錢塘江在杭州府重平聲

帝用朱勝非計詔錄用張邦昌親屬遣閤門祇候劉俊民

持邦昌約和書稿使金軍勝非本邦昌爰婿蓋姊妹婿也

帝駐蹕杭州卽州治為行宮下詔罪己求直言赦死罪以

下放還士大夫被竄斥者唯李綱不赦更不放還蓋用

黃潛善計罪綱以謝金也

金人焚揚州而去呂頤浩遣陳彥渡江襲金餘兵復揚州

黃潛善汪伯彥自知不為眾所容聯疏求退中丞張澂論

二人大罪二十致陛下蒙塵天下怨懟乞加罪斥乃罷

潛善知江寧府今江南省城伯彥知洪州今江西南昌府尋落職潛

善猥持國柄嫉害忠良逐李綱沮宗澤臺諫內侍言者

隨陷以奇禍中外為之切齒為去聲

詔贈陳東歐陽澈官仍官其親屬一人恤其家又召馬伸

赴行在時伸已卒詔贈直龍圖閣直龍圖閣正七品

三月以朱勝非為尚書右僕射兼中書侍郎王淵同簽書

樞密院事

苗傅劉正彥勒兵廢帝立太子粵太后同聽政二人以七月伏誅

初金人破徐州王復歿之見前都虞候趙立戰歿而復蘇

立徐州人陰結鄉民為收復計及金師北去立率殘兵徼擊

大破之遂復徐州詔以立知州事時山東為盜區立介

居其間威名流聞尋以立知楚州八月金人陷楚州立歿之見後金人南侵

四月帝復位詳苗劉之變帝發杭州五月駐蹕江寧以朝散

郎洪皓為大金通問使朝散郎正七品皓字光弼鄱陽人今江西饒州府鄱陽縣一統

志入饒州樂平縣人物願去尊號奉金正朔

右司諫袁植請誅黃潛善及失守者九人詔植雖敢言然

殺人非美事出知池州

七月遣工部尚書崔縱使金通問縱字元矩撫州臨川人今撫州府臨川縣

八月復遣使使金請和見後卷金人南侵

閏八月起居郎胡寅上疏曰寅字明仲建州崇安人今建寧府崇安縣陛下以

親王介弟受淵聖皇帝之命出師河北二帝既遷則當

糾合義師北向迎請而乃亟居尊位建立太子不復歸

覲宮闕展省陵寢偷安歲月畧無提禦及虜騎乘虛匹

馬南渡一向畏縮唯務遠逃軍民怨咨恐非自全之計

也因進七策一曰罷和議而脩戰畧二曰置行臺以區

別緩急之務別必列切三曰務實效去虛文四曰大起天下

之兵以自彊。五曰都荆襄以定根本。六曰選任宗室賢才。七曰存紀綱以立國體。凡數千言。呂頤浩惡其切直。惡鳥路切罷之於外。

帝議駐蹕之地。呂頤浩請且戰且避。願留常潤。死守。帝曰：

朕左右不可無相。去聲乃以杜充兼江淮宣撫使守建康。

韓世忠守鎮江。劉光世守太平池州。今二府屬江南竝受充節

制。帝發建康時。帝一意還臨安。不復議防淮矣。建康即江寧

九月。遣直龍圖閣張邵。武臣楊憲使金。見後卷金人南侵。邵字才彥。烏江人。

在江南和州北。

十月。帝至臨安。聞金人犯江東江西。遂如越州。兀朮渡

江入建康。杜充叛降金。帝聞之。謀於呂頤浩。頤浩進航

海之策。遂如明州。今寧波府十二月。定議航海避敵。兀朮

陷臨安。遣兵渡江追帝。帝乘樓船次昌國。今寧波府昌國衛

金人陷越州。帝移次溫台。今浙江溫州台州二府黃潛善死於梅

州。今廣東潮州府程鄉縣。高宗末年。詔以潛善嘗任副元帥。復其官。錄一子。

庚戌四年正月。帝舟居於海。金人陷明州。乘勝破定海昌國

定海。今寧波府定海縣。以舟師追帝。弗及。二月。金人焚掠臨安。引

兵北還。帝次溫州。以金兵退。大赦。四月。帝還越

州。升為紹興府。呂頤浩罷。

十月。秦檜自金歸。檜字會之。江寧人。

辛 紹興元年二月以秦檜參知政事

八月以汪伯彥為江東安撫大使時黃潛善已歿參知政

事張守復薦用伯彥守字子固常州晉陵人今江南常州府武進縣侍御史沈

與求論劾乃復黜之與求字必先湖州德清人今浙江湖州府德清縣守亦引

疾罷去

以秦檜為尚書右僕射同平章事兼知樞密院事自是和議復起

矣見後卷秦檜主和

丁巳七年帝謂輔臣曰元帥舊僚往往淪謝汪伯彥實同艱

難宐與牽復秦檜等共贊之伯彥未第時館於王氏檜嘗從之學

己未九年以汪伯彥為檢校少傅保信軍節度使十一年卒謚曰忠定

### 苗劉之變

己酉 高宗建炎三年金太宗完顏晟天會七年二月金粘沒喝陷天長軍

今江南鳳陽府天長縣帝如杭州今浙江省城三月以朱勝非為尚書

右僕射勝非字藏一蔡州人今河南汝寧府王淵同簽

書樞密院事淵字幾道環州人今陝西慶陽府環縣簽樞從二品初帝詔五軍制

置使劉光世將兵阻淮以拒金光世字平叔保安軍人今陝西延安府保安縣

光世兵潰及帝渡江光世見帝泣曰王淵專管江上海

船淵先為江淮都統制每言緩急不誤今臣所部數萬騎二千餘

不能濟淵忿其言斬江北都巡檢使皇甫佐以自解使去

聲後凡使職俱同朱勝非馳見淵督之淵始經畫已無所及遂

失諸將心將去聲後世將將士等俱同 至是制下諸將籍籍帝乃命

淵免進呈書押

扈從統制苗傅上黨人今山西潞安府自負世將以王淵驟遷顯職

心不平之副統制劉正彥亦以招降劇盜功大賞薄怨

帝按建炎二年冬王淵劉正彥二人因相結中大夫王

世脩亦嫉內侍康履等恣橫去聲及王淵入樞府傅等疑

其由內侍以進謀先殺淵然後除宦者會劉光世進殿

前都指揮使從二品百官入聽宣制傅正彥令世脩伏兵

城北橋下俟淵退朝音潮後同即捽下馬誣以結宦者謀反

正彥手斬淵即與傅擁兵至行宮門外梟首於行闕分

捕內侍皆殺之履馳入白帝帝大驚朱勝非急趨樓上

詰傅等擅殺之故中軍統制吳湛排門引傅黨入內奏

曰傅等不負國家只為天下除害耳為去聲帝登樓撫諭

之傅等望見黃蓋猶山呼而拜帝呼傅等問故傅厲聲

對曰陛下信任中官賞罰不公軍士有功者不賞內侍

所主得官黃潛善汪伯彥誤國至此猶未遠竄王淵遇

賊不戰首先渡江因交康履乃除樞密臣自陛下即位

以來功多賞薄臣已將王淵斬首中官在外者皆誅訖

更乞康履曾擇誅之以謝三軍帝不得已命湛執履與

之傅即於樓下腰斬履梟首與淵首相望帝諭傅等歸



營傅等進曰陛下不當即大位將來淵聖皇帝來歸未  
知何以處之。處上聲帝命朱勝非繼樓下委曲諭之傅請

隆祐太后同聽政而立皇太子帝曰朕當退避但須太

后手詔也乃遣中書侍郎顏岐入內請太后御樓太后

至因乘肩輿下樓出門見傅等諭之曰自道君皇帝任

蔡京王黼更祖宗法度童貫起邊事所以招致金人養

成今日之禍豈關今上皇帝事傅等對曰臣等必欲太

后為天下主奉皇子為帝后曰今疆敵在前吾以一婦

人抱三歲兒決事何以令天下敵國聞之豈不轉加輕

侮傅等不從后顧勝非曰今日正須大臣果決相公可

無一言勝非還白帝曰傅等腹心有王鈞甫者適語臣

云二將忠有餘而學不足此語可為後圖之緒帝乃作

詔禪位於皇子請太后同聽政宣詔畢傅等麾其軍退

皇子勇即位改元明受尊帝為睿聖仁孝皇帝以顯仁

寺為睿聖宮徙居之加傅正彥竝為節度使分竄內侍

曾擇等於嶺南傅追還殺之朱勝非奏母后垂簾須二

人同對此承平故事今日事機須密奏者乞許臣僚獨

對而日引傅黨二人上殿以弭其疑太后語帝曰賴相

此人相去聲若汪黃在位事已狼藉矣傅等欲挾帝幸徽

越今江南徽州府勝非諭以禍福乃止藉音籍竟作籍者非

時改元赦書至平江。今江蘇州府節制平江軍馬副使張浚。字德

遠漢州綿竹人。今四川成都府綿竹縣。命守臣楊東野祕不宣。及得苗傅

等所傳檄，浚慟哭，謀起兵討之。吳江守臣張俊。吳江，今蘇州府

吳江縣，俊字伯英，鳳翔府成紀人。在今陝西鞏昌府秦州。亦引所部八千人至平江。

浚見俊語，故相持而泣，且諭俊以將起兵問罪，俊泣拜

曰：此須侍郎濟以機術。時浚以禮部侍郎節制平江。毋驚動乘輿也。

乘去聲。赦至江寧。今江南省城。江東制置使呂頤浩曰：頤浩字

州人。今山東濟南府。是必有兵變。其子抗曰：主上春秋鼎盛，二帝

蒙塵沙漠，日望拯救，其肯遽遜位於幼冲乎？灼知兵變

無疑也。遂寓書於浚，諫議大夫鄭穀。諫議從四品，穀字致剛，建州人。今福

建寧府。使所親謝嚮微服為賈人。賈音古。徒步如平江，見浚

等，具言城中事，以為嚴設兵備，大張聲勢，使賊自遁，無

驚動三宮，此上策也。浚以頤浩有威望，能斷大事，乃答

書約其起兵，且告劉光世於鎮江。今江蘇鎮江府。苗傅等謀除

浚禮部尚書，召赴行在。浚託詞不行，會御營統制韓世

忠由海道將赴行在。世忠字良臣，延安人。張俊聞之，曰：世忠來事

濟矣。因白浚以書招之。世忠得書，舉酒酹地，曰：誓不與

此賊共戴天。至平江，見浚慟哭，曰：今日之事，世忠願與

張俊任之，公無憂也。於是令世忠帥兵赴闕，戒之曰：投

鼠忌器，事不可急。急則恐有他變，宜趨秀州。今浙江嘉興府。據

糧道以俟大軍之至。世忠至秀州，稱病不行。而大脩戰具。傅等聞之，始懼，欲拘世忠妻子以為質。音致朱勝非給

傅曰：不若遣之，使迓世忠，而慰撫之。則平江諸人益安矣。傅從之。世忠妻梁氏疾驅出城。一日夜，會世忠於秀

州。勝非喜曰：二克真無能為也。張浚因報書於正彥曰：自古言涉不順，謂之指斥乘輿。事涉不遜，謂之震驚宮

闕。廢立之事，謂之大逆不道。大逆不道者，族。今建炎皇

帝不聞失德，一旦遜位，豈所宜聞。傅等得書而恐，乃遣

苗翊馬柔吉將重兵扼臨平。湖名，在

杭州府。亟除俊世忠節度

使，而誣浚欲危社稷，謫黃州團練副使。郴州安置。俊等

皆不受。既而呂頤浩至平江，劉光世兵亦至。浚乃草檄

聲傅正彥之罪，以韓世忠為前軍，張俊翼之。劉光世為

遊擊，頤浩浚總中軍。光世分兵殿後。

殿丁甸切

發平江，疏請

復位。傅等聞之，憂恐不知所為。朱勝非謂之曰：勤王之

師未進者，使此間自反正耳。不然，下詔率百官六軍，請

帝還宮，公等置身何地乎。傅等遂率百官朝於睿聖宮。

帝慰勞之。

勞去聲

傅正彥以手加額曰：聖天子度量如是

也。傅黨張達曰：趙氏安，苗氏危矣。

四月，帝復位，尊太后為隆祐皇太后。以苗傅為淮西制置

使，劉正彥為副使，竝檢校少保。

少去聲

復以建炎紀年，召

張浚知樞密院事

呂頤浩張浚軍次秀州

浚在秀州一夕獨坐從者皆寢忽一人持刃立燭後浚曰豈非苗傅

劉正彥遣汝來乎曰然浚曰取我首去可也曰我亦知書豈為賊用况公忠義豈忍害公恐公防閑不嚴有繼至者故來相告耳浚問欲金帛乎笑曰殺公何患無財然則留事我乎曰有老母在河北未可留也問其姓名不荅攝衣升屋屋瓦無聲明日浚取死囚斬頤浩諭諸之曰夜來獲姦細後於河北物色之不可得

將曰今雖反正而賊猶握兵居內事若不濟必反以惡

名加我翟義徐敬業可鑒也

翟義漢東郡太守討王莽唐徐敬業起兵討武則天

俱敗

進次臨平苗翊馬柔吉負山阻水為陣中流植鹿

角以梗行舟韓世忠舍舟力戰

舍上聲下同

張俊劉光世繼

之翊眾少却世忠復舍馬操戈而前令將士曰今日當

以死報國面不被數矢者斬於是士卒爭用命翊引神

臂弩持滿以待世忠瞑目大呼挺刃突前翊眾辟易

辟易

開散易其故處也○辟音闢

矢不及發遂敗走勤王兵入北關傅正

彥擁精兵二千夜開湧金門以走將趨閩中頤浩浚入

城世忠手執王世脩以屬吏頤浩浚入見伏地涕泣待

罪帝問勞再三

勞去聲

謂浚曰曩在睿聖兩宮隔絕一日

啜羹覆手念卿被謫此事誰任解所服玉帶賜之帝握

世忠手慟哭曰中軍統制吳湛佐賊為最尚留朕肘腋

能先誅乎世忠即謁湛握手與語折其中指與世脩俱

斬於市隆祐皇太后撤簾朱勝非見帝言曰臣昔遇變

義卽當歿。偷生至此。欲圖今日之事耳。因乞罷政。帝問誰可代者。對曰。呂頤浩。張浚。帝問孰優。對曰。頤浩練事而暴。浚喜事而疎。此舉浚實主之。遂以呂頤浩爲尚書右僕射。劉光世爲御營副使。韓世忠。張俊爲御前左右軍都統制。勝非尋罷。

五月。詔韓世忠追討苗傅。劉正彥至浦城。賊望見世忠。咋

曰。此韓將軍也。皆驚潰。昨大聲也。鋤駕切。遂禽正彥於浦城。苗

傅於建陽。浦城建陽二縣。今俱屬福建建寧府。送行在誅之。帝手書忠勇

二字。揭旗以賜世忠。

七月。太子勇卒。

初。汴京破。二帝及宗室北遷。范瓊之謀居多。見二帝北狩。又乘

時剽掠。左右張邦昌爲之從衛。至是自洪州入朝。洪州今江

西南昌府。見帝悖慢。且乞貸苗劉等歿。帝畏其威。以爲御營

司提舉。一行事務。張浚將赴川陝。與樞密檢詳文字劉

子羽密謀誅之。子羽字彥脩。韜子。建州崇安人。今建寧府崇安縣。一日。命張俊

以千兵渡江。若備他盜者。使皆甲。以來。因召瓊俊及劉

光世赴都堂議事。爲設飲食。爲去聲。食已。諸公相顧未發。

子羽坐廡下。恐瓊覺。取黃紙趨前。舉以麾瓊曰。下有敕。

將軍可詣大理寺置對。瓊愕不知所爲。子羽顧左右擁

置輿中。衛以俊兵。送獄。光世出撫其衆曰。誅止瓊爾。汝

等固天子自將之軍也。衆皆投刃曰：諾。瓊下獄具服，賜  
歿。子弟皆流嶺南。

子紹興二年八月，左僕射都督江淮荆浙諸軍事呂頤浩

薦朱勝非自代給事中胡安國。

給事中正四品安國字康侯建州崇安人言

勝非與黃潛善汪伯彥同在政府，緘默附會，循致渡江，  
尊用張邦昌，結好金國，淪滅王綱，及正位冢司，苗劉肆  
逆，貪生苟容，辱逮君父。今疆敵憑陵，叛臣不忌，用人得  
失，繫國安危。深恐勝非上誤大計，帝為罷都督之命，改  
兼侍讀。安國復持錄黃不下，頤浩特命檢正諸房文字。  
黃龜年書行，安國言朝廷稱勝非處苗劉之變，處上能

調護聖躬者，公羊氏言祭仲廢君為行權。

見第二卷東周紀要桓王

二十三年祭音蔡

先儒力排其說，蓋權宜廢置，非所施於君父。

春秋大法，尤謹於此。臣以春秋入侍，而與勝非為列，有  
違經訓，遂臥家不出，落職奉祠。九月，遂以勝非為尚書  
右僕射。明年九月罷。

五年應詔言戰守四事起知湖州引疾歸勝非與秦檜有隙檜得政

遂廢居八年卒，謚曰忠靖。

襄靈臨發相家不出

春煇大去武韜然此引以春煇入計而與魏非為既首

○祭音蔡 武論其結蓋對空劉置非祖賦其母父

隨魏聖張昔公羊刃言祭中劉吾為計對 見第二卷

### 金人南侵

己酉 高宗建炎三年金太宗完顏晟天會七年正月金粘沒喝入淮泗

月詔江淮制置使劉光世將兵阻淮以拒金光世字叔係安軍

人今陝西延安府保安縣○使去聲後凡使職俱同 光世兵潰粘沒喝遂陷天長

軍今江西南鳳陽府天長縣帝自揚州奔鎮江揚州鎮江二府今俱屬江南以呂

頤浩為江淮制置使頤浩字元直齊州人今山東濟南府與光世駐鎮江

楊惟忠節制江東軍馬駐江寧今江南省城遂如杭州如往也杭

州今浙以朱勝非節制平江軍馬今江南蘇州府張浚副之勝非

字藏一蔡州人今河南汝寧府浚縣又命御營統制

張俊以兵八千守吳江今蘇州府吳江縣俊字伯鳳

帝駐蹕杭州卽州治為行宮下詔罪已求直言和州防禦使馬擴應詔上書防禦使從五品言前日之事其誤有四其失

有六今願陛下西幸巴蜀今四川用陝右之兵謂陝西漢中諸州郡

近蜀之地留重臣使鎮江南撫淮甸破金賊之計回天下之心是為上策都守武昌今湖廣省城襟帶荆湖控引川廣四川

兩廣在湖廣西南招集義兵屯布上流扼據形勢密約河南諸

路豪傑湖廣荆襄二府北為河南許以得地世守是為中策駐蹕金陵今江南京寧府備禦江口通達漕運精習水軍厚激將士以

幸一勝將去聲後諸將將兵等俱同觀敵事勢預備遷徙是為下策

若倚長江為可恃幸金人之不來猶豫遷延候至秋冬

金人再舉驅擄舟楫江淮千里數道竝進方當此時然後又悔是為無策擴累疏數千言皆切事機累上聲

金人焚揚州而去呂頤浩遣陳彥渡江襲金餘兵復揚州

四月帝如江寧改江寧為建康府

五月遣徽猷閣待制洪皓使金待制從四品皓字光弼鄱陽人今江西饒州府鄱陽縣○使去聲後凡使事俱同

帝遣粘沒喝書願去尊號用金正朔比

於藩臣時所在盜梗皓艱難百端得達太原今山西太原府留

一年遣至雲中今山西大同府粘沒喝逼之使仕劉豫字彥游景州阜

城人今直隸河間府阜城縣○皓曰萬里銜命不得奉

四年九月金立劉豫為齊帝

兩宮南歸恨力不能磔逆豫忍事之邪音那後同留亦死不



即豫亦死願就鼎鑊無悔粘沒喝怒將殺之旁一校曰

此真忠臣也目止劔士為皓跪請為去聲得流遞冷山

六月金兀朮大舉入寇帝遣工部尚書崔縱使金諸尚書從二品

縱字元矩撫州臨川人今江西撫州府臨川縣并通問二帝縱至金首以大義

責金人請還二帝金人怒徙之窮荒縱不屈竟死之

初呂頤浩與張浚定幸武昌之議及浚行頤浩以為道遠

饋餉難繼乃變前論會簽書樞密滕康簽樞從二品康字子濟應天宋

城人今河南歸德府中丞張守中丞從三品守字子固常州晉陵人今江南常州府武進縣陳

武昌有十害不可往帝從之并杭州為臨安府將定都

焉

詔參知政事李邴及滕康奉隆祐太后如洪州參知政事正二品邴

字漢老濟州任縣人今山東兗州府濟寧州洪州今江西南昌府

東京留守杜充東京宋都今河南開封府充字公美相人今河南彰德府以糧絕歸行

在將發統制岳飛諫曰飛字鵬舉相州湯陰人今彰德府湯陰縣中原地尺

寸不可棄今一舉足此地非我有他日取之非數十萬

眾不可不聽至臨安帝以為同知樞密院事正二品

八月聞金人將渡江而洪皓崔縱未返帝求可使緩師者

乃遣京東轉運判官杜時亮使金請和致書於粘沒喝

曰古之有國家而迫於危亡者不過守與奔而已今以

守則無人以奔則無地唯冀閣下之見哀而已前者奉

書願削去舊號是天地之間皆大金之國而尊無二上何必勞師遠涉而後為快哉金人不荅

閏月以呂頤浩為尚書左僕射同中書門下平章事兼江淮宣撫使守建康時聞金師將至帝召諸將議移蹕之

地御前右軍都統制張俊請自鄂岳幸長沙鄂今武昌府岳今岳州府與長沙府俱屬湖廣左軍都統制韓世忠曰世忠字良臣延安府安人今延安府國

家已失河北山東若又棄江淮更有何地呂頤浩曰金人之謀以陛下所至為邊面今當且戰且避奉陛下於

萬全之地臣願留常潤歿守常今常州府潤即鎮江府帝曰朕左右

不可以無相去聲乃以杜充兼江淮宣撫使守建康韓世

忠為浙西制置使守鎮江劉光世為江東宣撫使守太

平池州今二府屬江南皆受充節制

帝發建康將如臨安府考功員外郎樓炤諸員外郎正七品炤字仲暉婺州永康人今浙江金華府永康縣上言今日之計當思古人量力之言

察兵家知己之計力可保淮南為屏蔽權都建康漸圖

恢復力未可以保淮南則因長江為險阻權都吳會以

養國力帝至臨安遂不復議防淮矣

九月金人陷南京今歸德府守臣凌唐佐被執見劉豫責以大

義歿之唐佐字公弼徽州休寧人今江南徽州府休寧縣謀報將由海道窺江

浙詔韓世忠守圖山福山圖山在鎮江府東北揚子江中福山在蘇州府常熟縣東

金人南侵

三

北濱海

同簽書樞密周望為兩浙荆湘宣撫使守平江又

以隆祐太后在豫章

即南昌府

恐有震驚命劉光世移屯江

州

今江西九江府

遣直龍圖閣張邵使金

直龍圖閣正七品邵字才彥烏江人今江南和州

接伴使

置酒張樂邵曰二帝北遷邵為臣子所不忍聽再三請

止樂聞者泣下金左監軍撻懶命邵拜邵曰監軍與邵

為南北朝從臣無拜禮且以書抵之曰兵不在疆弱在

曲直天未厭宋而金乃裂地以封劉豫窮兵不已曲有

在矣撻懶怒囚之

是年三月金人以豫知東平府界舊河以南界之

金下令禁民漢服又令髡髮不如式者殺之故真定帥李

邈

字彥思臨江軍清江人今江西臨江府清江縣

被執三年金人欲使知滄州

今河間府滄州

邈笑不荅及髡髮令下邈憤詆之金人搥其口

猶吮血啜之遂遇害顏色不變南向拜訖就死燕人為

之流涕

為去聲

事聞謚曰忠壯

金兀朮分兵一自滁和入江東

滁和二州今屬江南江東謂建康

一自蘄

黃入江西

蘄今湖廣黃州府蘄州

帝如越州

今浙江紹興府

十一月金人犯廬州守臣李會以城降

戶江切後同

又犯和州

守臣李儔以城降通判唐璟死之

兀朮陷無為軍

今廬

州府無為州

守臣李知幾棄城走

知徐州趙立將兵勤王

徐州今屬江南立即徐州人

杜充承制以立知

楚州今江南淮安府金人乃以兵徼之於淮陰徼通作邀立麾下勸

立還係徐州立奮怒嚼其齒曰回顧者斬徑進與金人

遇轉戰四十里至楚州城下立中箭貫兩頰中去聲口不

能言以手指揮諸軍憩歇定方拔出之議者謂自燕山

之役未有如此之鏖戰者鏖戰力戰也於刀切

以趙鼎為御史中丞鼎字元鎮解州聞喜人今山西平陽府聞喜縣鼎自右司諫

拜侍御史司諫正七品侍御史從六品所言四十事施行者三十有

六及金人至江上鼎陳戰守禦三策拜中丞鼎言經營

中原當自關中始關中今陝西經營關中當自蜀始今四川欲

幸蜀當自荆襄始今湖廣荊州襄陽二府吳越介在一隅非進取

中原之地荆襄左顧川陝右控湖湘而瞰京洛三國所

必爭宜以為行闕而屯重兵於襄陽運江浙之粟以資

川陝之兵經營大業計無出此

時江浙倚重杜充而充日事誅殺且無制敵之方及兀朮

攻烏江充閉門不出統制岳飛泣諫請視師不從兀朮

遂乘充無備由馬家渡渡江諸將皆潰充兵亦散多行

剽掠飛嚴戢所部不擾居民士大夫避寇者多賴以免

兀朮乘勝長驅遂至建康守臣陳邦光戶部尚書李稅

迎降充係真州今揚州府儀真縣兀朮使人說之曰說音稅若降

當封以中原如張邦昌故事充遂還率官屬降通判楊

邦父獨不屈

邦父字晞稷吉州吉水人今江西吉安府吉水縣

以血大書衣裾

曰寧作趙氏鬼不作他邦臣兀朮使人誘以官終不屈

大罵乞死遂遇害事聞謚曰忠襄充至金粘沒喝薄其

為人久之得仕

初兀朮遣當海陷壽春

今鳳陽府壽州

自將陷黃州知州趙令歲

不屈死之

令歲太祖子燕懿王德昭之後

劉光世在江州日置酒高會

金人渡江三日無知者及兵薄城下光世引兵趨南康

今江西南康府

金人入城遂由大冶趨洪州

十月事大冶縣今屬武昌府

江

西制置使王子獻棄洪州走洪撫袁吉州皆陷

撫州袁州吉安

三府俱屬江西洪州見前

又陷真州太平州六安軍

今江西南太平府廬州府六安州

帝下詔曰國家遭金人侵逼無歲無兵朕謂父兄在難

去聲

吾民未撫不欲使陷於鋒鏑故包羞忍恥為退避之謀

冀其逞志而歸稍得休息自南京移淮甸自淮甸移建

康而會稽播遷之遠極於海隅卑詞厚禮使介相望以

至願去尊稱甘心貶屈請用正朔比於藩臣遣使哀祈

無不曲盡假使金石無情亦當少動累年卑屈卒未見

從

累上聲

生民磬磬何時寧息今諸路之兵聚於江浙朕

不憚親行據其要害如金人尚容朕為汝兵民之主則

朕於事大之禮敢有不恭或必用兵窺我行在傾我宗

社塗炭生靈竭取東南金帛子女則朕亦何愛一身不

臨行陣行音已取十一月二十五日移蹕前去浙西為

迎敵計唯我將士人民與其束手待斃曷若并計合謀同心戮力奮勵而行

時聞杜充敗呂頤浩遂進航海之策其言曰敵兵多騎必不能乘舟襲我江浙地熱必不能久留俟其退去復還

二浙彼出我入彼入我出此兵家之奇也帝然之遂奔

明州今浙江寧波府

金兀朮自建康趨廣德今江南廣德州殺守臣周烈遂過獨松關

在杭州府餘杭縣見無戍者謂其下曰南朝若以羸兵數百守

此吾豈得遽度哉遂犯臨安錢唐令朱蹕蹕湖州安吉人死之

今浙江湖州府安吉州錢塘縣今屬杭州府兀朮遣阿里蒲盧渾追帝於明

州帝航於海次於定海縣今屬寧波府

金人犯越州安撫使李鄴以城降金將琶八守之衛士唐

琦袖石伏道旁伺其出擊之不中去聲被執琶八詰之琦

曰欲碎爾首我即死為趙氏鬼耳琶八歎曰使人人如

此趙氏豈至是哉又問李鄴為帥尚以城降汝何人敢

爾琦顧鄴曰我月給石米不肯背其主汝享國厚恩乃

若此豈人類哉琶八殺之至死罵不絕口事聞詔立廟

賜名旌忠

江淮統制岳飛敗金人於廣德六戰皆捷禽金將王權俘

首領四十餘。察其可用者。結以恩義。遣還。令斫營縱火。

飛乘亂縱擊。大破之。駐軍鍾村。軍無見糧。見音現將士忍

饑。秋毫無犯。金所籍兵相謂曰。此岳爺爺軍也。爭降附

之。

金阿里蒲盧渾入越州。遂渡曹娥江。在紹興府東南至明州西門。

張俊使統制劉侁與戰而敗。統制楊沂中等復殊死戰。

沂中字正甫。後名存中。代州崞縣人。今太原府崞縣。沂中舍舟登岸。舍上聲知明州

劉洪道帥州兵射其刎。大破之。殺數千人。俊下令清野。

多以輕舟伏弩。閉關自守。

庚四年。金天會八年。正月。帝舟居於海。次昌國縣。今寧波府昌國衛。金

阿里蒲盧渾復侵明州。兀朮以師會之。張俊走台州。今浙

江台州府。金人遂入城。屠其民。追襲帝舟於章安。鎮名。在台州府。提

領海舟張公裕敗之。帝遂如溫州。泊於港口。今浙江溫州府。

二月。金人陷潭州。今長沙府湘潭縣。屠之。

金人陷秀州。今浙江嘉興府。兀朮入平江。

金人入東京。權留守上官悟走。為盜所殺。自是四京皆沒。

於金。宋以河南府為西京。大名府為北京。俱陷於建炎二年。並見前。黃汪主和。南京之陷。見前三年。

金人入常州。

金兀朮引兵自秀州北還。大掠平江。死者五十萬人。三月。

兀朮遂入常州。至鎮江府。浙西制置使韓世忠先以八

千人屯於焦山寺。

在鎮江府江中。

兀朮欲濟江。世忠謂諸將曰。

是間形勢無如金山龍王廟者。

山在焦山之西。今在江中。當時南北要道。敵

必登之以覘我虛實。乃遣蘇德將百人伏廟中。百人伏

廟下岸側。戒之曰。聞江中鼓聲。則岸兵先入。廟兵繼出。

以合擊之。及敵至。果有五騎趨龍王廟。廟中伏兵先鼓

而出。獲其兩騎。三騎遁去。其一人紅袍玉帶。既墜。復跳

而免。詰諸獲者。則兀朮也。既而接戰江中。凡數十合。世

忠妻梁氏親執桴鼓。敵終不得濟。禽兀朮之壻龍虎大

王。兀朮懼。請盡歸所掠。以假道。世忠不許。復益以名馬。

又不許。遂自鎮江泝流西上。兀朮循南岸。世忠循北岸。

世忠艤幢大艦。出金師前後數里。擊柝之聲達旦。將至

黃天蕩。

在揚州府儀真縣西五十里。

兀朮窘甚。或謂之曰。老鸛河故

道。今雖湮塞。若鑿之。可通秦淮。

淮水有二源。一出句容縣華山。一出溧水縣東

廬山。合流入江。寧府城縈紆城內。出經城西石頭城入江。

兀朮從之。一夕渠成。凡五

十里。遂趨建康。岳飛設伏牛頭山待之。

在江寧府南。

夜令百

人。黑衣混金營中。擾之。金兵驚。自相攻擊。兀朮次龍灣。

在鎮江西。

飛以騎兵三百。步兵三千。破之於新城。

按淮安府。

西有新城。故縣老鸛河。然與秦淮甚遠。元時金陵汎守界有老鸛口。近之。

兀朮奔竄。會撻懶

自濰州還。孛堇太乙引兵來援。

濰州今山東萊州府濰縣。

兀朮乃引

還。欲北渡。世忠與之相持於黃天蕩。太乙軍江北。兀朮



軍江南世忠以海艦進泊金山下豫以鐵縷貫大鉤授健者明旦敵舟譟而前世忠分海舟為兩道出其背每

縋一縷則拽一舟沈之沈通作沉兀朮窮促求會語祈請甚

哀世忠曰還我兩宮復我疆土則可以相全兀朮語塞

又數日求再會而言不遜世忠引弓欲射之兀朮亟馳

去見海舟乘風使篷往來如飛謂其下曰南軍使船如

使馬奈何乃募人獻破海舟之策於是閩人王姓者閩今

福建教其舟中載土以平版鋪之穴船版以擻漿擻直侯

風息則出海舟無風不可動也且以火箭射其翳篷則

不攻自破矣兀朮然之刑白馬以祭天及天霽風止兀

朮以小舟出江世忠絕流擊之海舟無風不能動而舟

上皆有五繡縛羽毛為兀朮令善射者乘輕舟以火箭

射之五繡皆自焚煙燄蔽天師遂大潰焚溺歿者不可

勝數勝平聲數上聲世忠僅以身免奔還鎮江兀朮遂濟江屯

六合縣今屬江寧府世忠以八千人拒兀朮十萬之衆凡四

十八日而敗然金人自是亦不敢復渡江矣

四月帝還越州呂頤浩在位專恣中丞趙鼎論之及聞

韓世忠敗金人頤浩請下詔親征帝將從之趙鼎以為

不可輕舉頤浩惡鼎異己惡鳥路切改鼎翰林學士正三品不

拜改吏部尚書又不拜乃上言陛下有聽納之誠而宰

相陳拒諫之說。陛下有眷待臺臣之意。而宰相挾控沮言路之權。又疏論其過失。凡千餘言。頤浩因求去。乃罷為鎮南軍節度使。醴泉觀使。復命鼎為中丞。諭之曰。朕每聞前朝忠諫之臣。恨不之識。今於卿見之。

五月。兀朮既濟江。金人在建康者。大肆焚掠。自靜安鎮渡宣化而去。今江寧府江浦縣。岳飛徼擊大敗之。在江西者亦引

去。留守司統制牛皐擊敗之於寶豐。皐字伯遠。汝州魯山人。今河南汝州。

魯山縣寶豐在江西廣信府弋陽縣。

八月。隆祐太后至越州。明年正月崩。謚昭慈獻烈。

金撻懶圍楚州急。趙立命撤廢屋。城下然火池。然俗作燃。壯士

持長矛以待。金人登城。鉤取投火中。乃稍引退。至是兀

朮將北歸。以輜重假道於楚。立斬其使。兀朮怒。設南北

兩屯。絕楚餉道。立遣人告急。詔趣劉光世救者五。光世

迄不行。九月。金人知外援絕。攻益急。立登磴道以觀。飛

礮中其首。礮俗作砲。中去聲。左右馳救之。立曰。我終不能為國

殄賊矣。為去聲。言訖而絕。金人疑立詐死。不敢動。越旬餘。

城始陷。立為人木彊。不知書。忠義出天性。仇視金人。所

俘磔以示眾。未嘗獻馘也。事聞。贈奉國節度使。謚忠烈。

十月。岳飛敗金人於承州。今揚州府高郵州。三戰三捷。斬高太保。

而劉光世等皆不敢前。飛師孤力寡。退保江陰。今縣屬常州府。

紹興元年金天會九年

武功大夫張榮本梁山灤漁人灤水

名在今兗州府東平州○灤音落

聚舟數百以劫掠金人及撻懶北遁

榮據通州今揚州府通州

作水寨以守撻懶謀再渡江欲先破

榮寨榮率舟師與之遇見金戰艦不多餘皆小舟時水

退隔泥淖不能前乃舍舟登岸大呼而擊之淖音開舍上聲金

人不得騁舟中自亂溺水及陷泥淖者不可勝計勝平聲

俘馘五千餘人撻懶收餘眾北去捷聞以榮知泰州今揚州府

泰州

四月劉光世復楚州

壬子二年金天會十年

正月帝如臨安二月初御講殿

### 平羣盜

丁未高宗建炎元年自徽宗宣和末羣盜蠡起至是皆招

安赴行在尚書右僕射同平章事李綱時以左右僕射為首次相帶銜

綱字伯紀邵武人今福建邵武府○射音亦言今日正當因其力而用之然

不移其部曲則易叛易去聲而徙之則生疑正當以術制

之使由而不知乃命御營司分揀凡願歸業者皆聽所

發至數萬其餘以新法團結分隸諸將去聲後敗將由名將等俱同

是無叛去者獨淮寧之杜用淮寧今河南開封府陳州山東之李昱

河北之丁順皆擁兵數萬而拱州之黎驛拱州今河南歸德府睢州

單州之魚臺單州今單縣魚臺今縣俱屬山東兗州府皆有潰卒數千為亂

七月。綱白遣都統制王淵。字幾道。環州人。今陝西慶陽府環縣。五軍都提

舉劉光世。字平叔。保安軍人。今陝西延安府保安縣。左軍都統制韓世忠。字良

臣。延安人。前軍統制張俊分討之。俊。字伯英。鳳翔成紀人。既在陝西鞏昌府秦州。

而光世擊李昱。淵擊杜用。皆斬之。丁順赴河北招討司

自效。盜自是少衰。

八月。勝捷軍校陳通作亂於杭州。勝捷軍。殿前司所領步軍。杭州。今浙江省城。

執帥臣葉夢得。殺轉運判官吳昉等。詔王淵兼領杭州。

別置盜賊使以討之。使。去聲。後凡使職俱同。

軍賊趙萬陷常州。今江南常州府。執守臣何袞。縱兵大掠。遂犯鎮

江。今江南鎮江府。知府趙崧遁。保瓜州。在鎮江府江北。十月。王淵誘萬

誅之。

十一月。軍賊張遇陷池州。今江南池州府。遇。本真定軍校。今直隸真定府。

知密州趙野見山東盜賊充斥。乃棄城走。軍校杜彥等作

亂。追野殺之。密州。今山東萊州府高密縣。

軍賊丁進圍壽春。今江南鳳陽府壽州。守臣康允之擊却之。

十二月。王淵討亂卒陳通等。誅之。

青州敗將王定作亂。殺帥臣曾孝序。青州。今山東青州府。孝序。字逢源。泉州晉

州府。晉江縣。江人。今福建泉州府晉江縣。

丁進詣東京留守宗澤降。東京。今開封府。澤。字汝霖。義烏人。今浙江金華府義烏縣。○降

戶江切。後同。

二年正月東平軍校孔彥舟東平今兗州府東平州聞金兵將至

山東遂帥所部焚掠渡淮犯黃州今湖廣黃州府

張遇焚真州今江南揚州府儀真縣陷鎮江王淵招降之

二月河北盜楊進聚眾三十萬與丁進王再興李貴王大

郎等擁眾各數萬往來侵掠東京留守宗澤悉諭降之

河東巨寇王善在山西太原府有眾七十萬車萬乘去聲欲據京

城澤單騎至其營泣謂之曰朝廷危難之時難去聲使有

如公一二輩豈復有敵患乎今日乃汝立功之秋不可

失也善感泣曰敢不效力遂解甲降

五月秀州卒徐明等作亂秀州今浙江嘉興府執守臣朱芾迎前守

趙叔近復領州事詔御營中軍張俊討誅之

六月建州卒葉濃等作亂陷福州建州今福建建寧府福州今福建省城

七月宗澤卒以樞密直學士杜充代之充字公美相州人今河南彰德府

充酷而無謀悉反澤所為於是豪傑離心諸盜復叛

八月河北京東捉殺使李成叛詔江淮制置使劉光世討

之光世至光州今河南南汝寧府光州大破成眾降二萬人成遁去

九月丁進復叛寇淮西今鳳陽府壽州

十月楊進復叛剽掠汝洛間犯京西北路安撫使翟進營

進字先之伊陽人今河南汝州伊陽縣進乘半渡擊之追奔數十里破賊

四砦馬驚墜塹為賊所殺官軍大敗詔以進兄翟興為

京西北路安撫招討使興字文祥京西北治河南河南府

王淵遣將劉正彥擊丁進降之

己酉三年正月降盜張用王善復叛自京西至光壽二州俱見前

據地千里兵馬接迹所至一空

二月帝以弭盜保民之要訪於直學士胡交脩字己懋常州晉陵人

今常州府交脩疏言昔人謂甑有麥飯牀有故絮雖儀

秦說之說音稅不能使為盜願開其自新之路豐其衣食

之源則悔悟者更相告語不變者黨與攜落而盜可弭

盜弭則可以保民矣沃野千里殘為盜區皆吾秔稻之

地秔音羹操弓帶劍椎牛發冢皆吾南畝之民撫而納之

反其田里耕桑以時各安其業則財可豐財豐則可以

裕國矣日者翟興連西路董平據南楚什伍其人為農

為兵不數年積粟充牣雄視一方況以中興二百郡地

欲彊兵以禦寇不能為翟興輩之所為乎時以為名言

三月盜邵青本五丈河舟人聚兵剽掠楚泗間淮安府安東縣北有

五丈河海州又有東西兩五丈河楚見前泗今鳳陽府泗州

四月盜薛慶據高郵今揚州府高郵州有眾數萬張俊招降之

五月翟興擊楊進於魯山今汝州魯山縣誅之眾皆潰河南平

七月詔江西閩廣荆湖諸路團教峒丁槍杖手勞費民財

供餉不貲往往散為盜賊團教團集訓練之也

山東盜郭仲威本李成之黨是月陷淮陽入城大掠取疆

壯以充軍淮陽今淮安府邳州既而降於平江守臣周望平江今江南蘇州府

十月李成據泗州掠淮北帝下詔撫諭之命知泗州未幾

復陷滁州今屬江南殺安撫向子伋及諸官屬

十一月淮盜劉忠陷舒州今江南安慶府通判孫知微歿之

初京西制置使程千秋軍襄陽今湖廣襄陽府招降劇盜曹端桑

仲未幾疑仲有異命端圖之為仲所敗千秋棄城入蜀

今四川仲據襄陽京西列城皆為仲有宋京西南路治襄陽所領鄧隨金房

均鄧唐七州及光化軍見後

十二月孔彥舟犯荆南荆湖南路治潭州今湖廣長沙府詔諭降之授河

北捉殺使

庚戌四年二月金人屠潭州而去羣盜大起鼎州人鍾相嘗

以左道惑眾鼎州今湖廣常德府因結集忠義以扞賊為名自稱

楚王改元天載寇澧州陷之今湖廣岳州府澧州三月孔彥舟獲

相送行在伏誅其黨楊太復聚眾於龍陽今湖廣常德府

初浙西制置使韓世忠退守江陰三年十一月事江陰今縣屬常州府潰卒

戚方等趨鎮江三月陷廣德軍今江南廣德州

五月時京東西荆湖南北淮南諸路盜賊蠡起大者數萬

人據有州郡朝廷不能制尚書右僕射范宗尹言於帝

曰宗尹字覺民襄陽鄧城人在襄陽府襄陽縣羣盜皆烏合之眾急之則并

死力以拒官軍莫若析地以處之處上聲盜有所歸則可

以漸制帝善之以翟興孟汝劉位趙霖李成吳翊李彥

先薛慶孔彥舟郭仲威竝為鎮撫使分地處之俾立顯

功許以世襲然李成薛慶輩起於羣盜翟興劉位以土

豪李彥先等以潰將既無統屬不相救援故其後或為

虜禽或為盜殺鮮能自守為竝去聲 鮮上聲

六月滁濠鎮撫使劉位為盜所殺

七月江淮統制岳飛破戚方於廣德方降於都統制張俊

飛字鵬舉相州湯陰人今河南彰德府湯陰縣

建州民范汝為作亂時方艱食從者甚眾遂陷建陽今建寧府

建陽縣命神武副軍統制辛企宗討之

承州鎮撫使薛慶與金人戰於揚州敗死承州今高郵州

以桑仲為襄鄧隨郢鎮撫使襄今襄陽府隨今德安府隨州郢今安陸府竝屬湖廣鄧

今河南南陽府鄧州時所在饑饉唯蜀富饒巨盜往往覬覦仲既

陷均房均今襄陽府均州房今鄖陽府房縣俱屬湖廣十一月遂乘勢直擣金

州今陝西漢中府興安州眾號三十萬時統制王彥知金州仲彥

舊部曲也彥字子才上黨人今山西潞安府建炎元年

萬見黃汪主和仲當在比時隸彥麾下也以牘請於彥曰仲於公無敢犯願

假道入蜀就食耳彥遣統領閔立擊之賊銳甚立戰死



將士失色。或請避之。彥叱曰。樞相張公。方有事關陝。若

仲越金而至梁洋。梁今漢中府洋。今漢中府洋縣。則腹背受敵。大事去

矣。敢言避者斬。即勒兵趨長沙平。阻水據山。設伏以待。

仲見官軍少。蟻附搏戰。彥執幟一麾。士殊死鬪。仲敗走。

彥休士進擊。追奔至白磧。遂復房州。張浚以彥為金均

房州鎮撫使。數立奇功。數音朔。

辛亥紹興元年。時孔彥舟據武陵。今常德府。張用據襄漢。今湖廣襄

陽漢陽之地。李成據江淮湖湘十餘郡。尤彊悍。連兵數萬。有

席卷東南之意。多造符讖。幻惑中外。久圍江州。今江西九江府。

朝廷患之。正月。以張俊為江淮招討使。岳飛副之。成尋

陷江筠二州。筠今江西瑞州府。俊聞成將馬進在筠。以豫章介

江筠之間。遂急趨之。既入城。喜曰。我已得洪。破賊決矣。

及進犯洪州。今江西南昌府。俊斂兵若無人者。月餘。進以大書

牒索戰。俊以細書狀報之。進以俊為怯。三月。俊謀知賊

怠。乃議戰。飛曰。賊貪而不慮後。若以騎兵自上流絕生

光渡。在南昌府城西南。出其不備。破之必矣。因自請為先鋒。俊

大喜。乃令統制楊沂中絕生光渡。沂中字正甫。後名存中。代州崞縣人。今太

原府崞縣。飛潛出賊右。突其陣。所部從之。進大敗。走筠州。飛

抵東城。進出城布陣。飛設伏。以紅羅為幟。上刺岳字。選

騎二百隨幟而前。賊易其少。薄之。薄迫也。易去聲。伏發。進大敗。

走飛使人呼曰不從賊者坐吾不汝殺坐而降者八萬人進以餘卒奔南康今江西南康府飛夜引兵至朱家山又斬

其將趙萬成聞進敗自引兵十餘萬來飛遇成於樓子

莊大破之遂復筠州成復以十萬眾與俊夾河而營楊

沂中夜銜枚渡河與俊夾攻成大敗俊乘勝追至江

州成勢迫絕江而去因呼俊為張鐵山遂復江州已而

興國軍等羣盜皆遁興國軍今湖廣武昌府興國州

五月真揚鎮撫使郭仲威謀據淮南以通劉豫時金人立豫為齊帝

劉光世遣都統制王德襲揚州德字子華通遠軍熟羊砦人在鞏昌府城西北

禽送行在斬之

張俊引兵渡江追李成至蘄州黃梅縣今屬黃州府大敗之其

眾數萬皆潰成北走降劉豫張用復寇江西岳飛所

俱相人今彰德府以書諭之用得書遂帥眾降江淮悉平張

俊奏飛功第一詔進飛右軍都統制屯洪州彈壓盜賊

初水軍統制邵青叛寇宣州青授水軍統制史闕其由宣州今江南寧國府進圍

太平今江南太平府宣撫使劉光世招降之尋復叛去十月青

聚其黨於崇明沙今蘇州府崇明縣將犯江陰光世令都統制

王德討之德執旗麾兵拔柵以入青眾大潰翌日餘黨

復索戰謀言賊將用火牛德笑曰此古法也可一不可

再命合軍持滿陣始交萬矢齊發牛皆返奔賊眾殲焉

青自縛請命德獻諸行在餘黨悉平。

初盜曹成陷漢陽鄂州。今湖廣漢陽武昌二府。屯攸縣。今長沙湖東

安撫向子諲招之。子諲字伯恭臨江軍人今江西臨江府。成聽命子諲遣

兵扼衡陽。今湖廣衡州府衡陽縣。欲圖之而援兵不至成忿子諲

扼已十二月遂陷道州。今湖廣永州府道州。執子諲而去。

壬子二年初辛企宗討范汝為不克其勢益盛詔以孟庾

為福建江西荆湖宣撫使韓世忠副之以討汝為汝為

聞大軍將至亟入據建州正月世忠聞之曰建居閩嶺

上流賊沿流而下七郡皆血肉矣。謂福泉漳汀南劍五州邵武興化二軍。

亟率步兵三萬水陸竝進直抵鳳皇山。在建寧府東。五日破

之汝為自焚歿世忠初欲盡誅建民李綱自福州馳見

世忠曰建民多無辜世忠乃令軍士駐城上毋下聽民

自相別。必列切。農給牛穀商賈弛征禁。賈音古。脅從者遣還

獨取附賊者誅之民感更生家為立祠捷聞帝曰雖古

名將何以加之。

二月以李綱為湖廣宣撫使。

分降盜崔增李捧邵青趙延壽李振單德忠徐文所部兵

為七號御前忠銳軍隸步軍司非樞密奉旨不得調遣

三月桑仲上疏願協力收復京師乞朝廷舉兵為聲援

相呂頤浩信之。頤浩字元直齊州人今山東濟南府。乃命仲節制應援

城軍馬復劉豫所陷州郡仍命翟興等諸鎮撫使相

應援仲至郢調兵知郢州霍明誘而殺之襄鄧統制李

橫擊走明復其州以上調並去聲

河南鎮撫使翟興為其下所殺見後金人立劉豫

閏四月曹成擁眾十餘萬由江西歷湖湘據道賀二州賀今

廣西平樂府賀縣

命岳飛權荆湖東路安撫都總管付金字牌

黃旗招成成聞飛至驚曰岳家軍來矣即遁飛追至賀

州力戰大破之成乃自桂嶺置砦至北藏嶺連控隘道

以眾十餘萬守蓬頭嶺飛部纔八千人一鼓登嶺破其

眾成奔連州今廣東廣州府連州飛謂部將張憲徐慶王貴曰成

黨散去追而殺之則脅從者可憫縱之則復聚為盜今

遣若等誅其首而撫其眾慎勿妄殺於是憲自賀連慶

自邵道邵今湖廣寶慶府邵陽縣貴自郴桂今湖廣郴州及桂陽縣招降者二

萬與飛會連州進討成成走入邵州

五月韓世忠既平范汝為旋師永嘉今浙江温州府永嘉縣若將休

息者忽由處信處今浙江處州府信今江西廣信府徑至豫章今南昌府連營

江濱數十里羣賊不虞其至大驚世忠因使董收招成

成方為岳飛所逐乃率眾降得戰士八萬遣詣行在

六月孔彥舟叛降劉豫

九月韓世忠移師長沙與賊劉忠對壘相望忠見前建炎三年十一月

奕基張猷堅壁不動衆莫能測一夕與蘇格聯騎穿

營候者訶問世忠先得賊軍號隨聲應之周覽以出

曰此天賜也夜伏精兵與諸將拔營而進賊方迎戰伏

兵已馳入軍中奪望樓植旗蓋傳呼如雷賊回顧驚潰

世忠麾將士夾擊大破之忠走降劉豫

十一月湖廣宣撫使李綱至潭時流民潰卒羣聚為盜散

處荆湘之間處上聲多者數萬人綱悉平之

桑仲既歿劇盜王闢董貴祁守忠等阻兵窺蜀金均房鎮

撫使王彥悉討平之

癸丑三年四月楊太衆日盛自號大聖天王立鍾相少子子

儀為太子臣事之

相見前建炎四年二月

詔統制王夔會兵討太

太又名么蓋楚人謂少年者為么云

少並去聲

六月時虔吉盜連兵寇掠

虔今江西贛州府吉安府

閩廣騷動帝

專命岳飛平之飛至虔賊彭玠悉衆來迎戰飛即馬上

禽之餘黨退保固石洞洞高峻環水止一徑可入飛遣

歿士疾馳登山賊潰皆降初帝以隆祐太后震驚之故

事見六十八卷高宗嗣統密諭飛屠虔城飛請誅首惡而赦脅從帝

許焉虔吉皆平虔人感其德繪像祠之飛班師入見帝

手書精忠岳飛字製旗以賜之

十月李成寇襄鄧鎮撫使李橫奔荆南成遂陷京西六

甲寅四年五月以岳飛兼黃復州漢陽軍德安府制置使德安府在湖廣安陸府

在湖廣安陸府時楊么與劉豫通欲順流而下李成

陷襄陽等六郡又欲自江西陸行趨浙與么會帝命飛

為之備右相朱勝非言襄陽國之上流不可不急取勝非

字藏一蔡州人今汝寧府飛亦奏襄陽等六郡為恢復中原根本今

當先取六郡以除心膂之病李成遠遁然後加兵湖湘

以殄羣盜帝以語參知政事趙鼎字元鎮解州聞喜人今山西平陽府聞喜

縣鼎曰知上流利害無如飛者遂有是命飛渡江中流

顧幕屬曰飛不禽賊不涉此江矣

岳飛至郢劉豫將京超號萬人敵乘城拒飛飛鼓眾而登

超投崖歿飛復郢州遂趨襄陽李成迎戰左臨襄江飛

笑曰步兵利險阻騎兵利平曠成左列騎江岸右列步

平地雖眾十萬何能為舉鞭指王貴曰爾以長槍步卒

擊其騎兵指牛臯曰臯字伯遠汝州魯山人爾以騎兵擊其步卒

合戰馬應槍而斃後騎皆擁入江步卒歿者無數成夜

遁飛遂復襄陽又使牛臯復隨州王貴張憲復唐鄧州

信陽軍今汝寧府信陽州餘俱見前襄漢悉平飛移屯德安軍聲大

振捷聞帝喜曰朕素聞飛行軍有紀律未知其能破敵

如此

八月楊太敗官軍於鼎江破鼎州見前詔岳飛為湖北荆襄

通鑑本末紀要 卷六十九

潭州制道使清遠軍節度使。清遠軍治融州。今廣西柳州府融縣。次於

州。移兵代王夔討之。從趙鼎言也。飛時年三十二。自

興諸將建節。未有如飛之年少者。

乙卯五年三月。同平章樞密使張浚。以建康東南都會。而洞

庭據上流。恐楊太滋蔓為虐。請乘其怠討之。至醴陵。今長

沙府醴陵縣。釋邑囚數百。皆太謀者。給以文牘。招諭諸砦。於

是相率來降。浚字德遠。漢州綿竹人。今四川成都府綿竹縣。

岳飛受命討楊么。而所部皆西北人。不習水戰。飛曰。兵何

常。顧用之何如耳。乃先遣使招諭之。其黨黃佐曰。岳節

使號令如山。若與之戰。萬無生理。遂降。飛表授佐武義

大夫。單騎按其部。拊佐背曰。子知逆順者。果能立功。封

侯。豈足道。欲復遣子至湖中。視其可乘者。禽之。可勸者

招之。如何。佐感泣。誓以死報。時知樞密張浚。以都督軍

事至潭州。參政席益疑飛翫寇。欲以聞。浚曰。岳侯忠孝

人也。兵有溪機。胡可易言。易去聲。益慙乃止。黃佐襲周倫

砦。殺之。飛表遷武功大夫。飛以統制任士安。不稟王夔

令。故無功。鞭之。使餌賊曰。三日賊不平。斬汝矣。士安宣

言岳太尉兵二十萬至矣。賊見士安兵少。并力攻之。飛

乃設伏。士安戰方急。伏兵四起。擊賊。賊走。會旨召張

還防秋。飛袖小圖示浚。浚欲俟來年議之。飛曰。已有

畫都督能少留不八日可破賊浚曰何言之易飛曰

敵將去聲攻敵兵奪其手足離其腹心是以易也易聲

許之飛遂至鼎州會黃佐招楊欽來降飛喜曰楊欽驍

悍既降敵腹心潰矣表授欽武義大夫禮遇甚厚乃復

遣歸湖中兩日欽說全琮劉詵來降說音稅飛詭罵欽曰

賊不盡降何來也杖之復遣去是夜掩賊營降其眾數

萬太負固不服方浮舟湖中以輪激水其行如飛旁置

撞竿官舟迎之輒碎飛伐木為巨筏塞諸港汊又以腐

木亂草浮上流而下擇水淺處遣善罵者挑之賊怒來

追則草木壅積舟輪礙不行飛急擊之賊奔港中為筏

所拒官軍乘筏張牛革以蔽矢石舉巨木撞其舟盡壞

太技窮赴水牛臯禽斬之飛入賊壘餘酋驚曰何神也

俱請降眾凡二十餘萬飛親行諸砦慰撫之縱老弱歸

田籍少壯為軍少去聲湖湘悉平果八日而捷書至潭浚

歎曰岳侯神算也初太據洞庭恃其險陸耕水戰樓船

十餘丈官軍仰視不得近飛謀益造大舟湖南運判薛

弼曰弼字直老温州永嘉人若是則未可歲月破矣且彼之所長

可避而不可鬪也今大旱湖水落洪若連筏斷江路橐

其上流使彼之長坐廢則破壞在目前矣飛曰善遂甲

其策以成功先是太白以陸攻則入湖水攻則登岸嘗





